

**NATIONAL ASSEMBLY OF  
SEYCHELLES**

*Wednesday 7<sup>th</sup> April, 2021*

*The Assembly met at 9am*

*National Anthem*

*Moment of Reflection*

*Mr Speaker in the Chair*

**MR SPEAKER**

Mersi. Bonzour tou Manm Onorab. E bonzour tou nou piblik. Byenveni pou en lot lazournen travay. Ozordi i Lazournen Mondyal pou travayer lasante ki Sesel pe selebre avek larestan lemond.

Alor mon le adres en mesaz lo lapar Lasanble Nasyonal Sesel. A lokazyon Lazournen Mondyal pou Lasante e travayer lasante Lasanble Nasyonal Sesel i eksprim son apresyasyon e son sipor pou tou dan nou pei ki travay dan sa domenn.

Nou zwenn ek tou nou konpatriyot pou ankouraz tou nou dokter, ners, zofisye lasante e tou bann ki asiste zot e travay akote zot. Enkli bann etranze ki travay dan nou pei ozordi.

Sa lannen i enn kot nou dwa en remersiman spesyal pou tou bann ki lo frontyer batay pou lasante. Notaman

tou bann ki dan kanpanny kont pandemik COVID-19. Zot in bezwen travay pli dir fer bokou plis sakrifis zot letan e zot konfor e osi met zot lekor a risk pou anmenn sa batay.

Rezilta zot travay i nou lasante. Zot sikse se ki nou nasyon pe tenir kont COVID e nou war nou pe refer nou lekonomi e retourn ver nou lavi normal. Mon demande ki nou annan konfyans dan nou profesyonnel lasante ki nou pa fer zot travay pli difisil ki i ete.

Me ki nou swiv zot konsey e fer sa ki nou, nou devret fer pou nou lasante. Apard bann travayer formel dan Sekter Lasante, i osi lokazyon pou salye tou bann dimoun ki dan zot fanmir e zot kominote zot pran sa devwar pou vey lo lasante lezot.

Lo zot zanfan zot vye paran e bann ki pli vilnerab. Vey lo lasante lezot, i demann konpasyon ek lanmour. Tou bann ki fer sa i fer sa kontribisyon ki zot pe ganny apele pou fer pou anmenn lazistis dan lasante.

Annou osi fer nou devwar, pou fer sa ki nou kapab pou siport zot pou apresye zot e nou osi nou ava anmenn nou kontribisyon pou lazistis dan lasante lo non Lasanble. Mersi.

**(APPLAUSE)**

**MR SPEAKER**

Mersi pou sa ekspresyon sipor. Nou pou pas dan Staz Komite pou nou kontinyen avek konsiderasyon *Appropriation Bill*. Wi Onorab Pillay?

**HON SEBASTIEN PILLAY**

Mersi Mr Speaker. Mr Speaker avek ou permisyon de lapar tou Manm *United Seychelles* lo nou kote latab ,nou eksprim nou tre gran lapresyasyon pou travay ki bann profesyonnel lasante pe fer.

E parey ou'n dir tou dimoun ki travay dan sa domenn nou si i annan en moman kot nou bezwen montre nou sipor nou lapresyasyon.

Me osi en, en tre gran, en tre gran lanmour si ou kapab dir sa pou en group dimoun ki devoue zot letan pou pa zis protez nou.

Me pou tret nou e si zanmen nou annan en moman pli difisil ki sa enn kot nou'n war rezilyans, konpasyon e kapasite nou bann dimoun ki travay dan lasante, nou bann profesyonnel e tou dimoun ki travay akote zot. Ki siport zot, se pandan sa letan *COVID-19*.

Mon krwar i enportan konman Lasanble konman Manm e lo mon kote latab mon eksprim sa lapresyasyon sa

gran lapresyasyon ki nou annan.

E donn zot langazman nou sipor kontinyel, pou fer sir ki zot travay i annan en rekonpans e ki nou tou tre byento dan nou pei, nou a kapab rebran nou lavi dan en fason en pe pli normal. E ki selman nou pa pou zanmen bliy sa sakrifis e sa devouman travay ki zot in fer. Mersi Mr Speaker.

**(APPLAUSE)**

**MR SPEAKER**

Mersi *Leader* Lopoziyon. Eski *LGB* i anvi azout de mo?

**HON BERNARD GEORGES**

Mersi Mr Speaker. Bonzour Mr Speaker. Bonzour tou bann Manm. Bonzour tou bann dimoun ki pe ekout nou. Wi Mr Speaker efektifman mon mazine ou'n dan ou parol bomaten ou'n koz pou Lasanble.

Me mon krwar i enportan pou nou osi lo sa kote latab zwenn avek bann parol ki ou ou'n eksprimen bomaten. Ek bann parol ki mon koleg *Leader* Lopoziyon in eksprimen, pou reasir tou bann travayer Lasante ki ozordi nou solider avek zot.

Nou siport zot e nou pou toultan la a zot kote. Mersi pou zot travay eksepsyonnel

sirtou dan sa dernyen lannen. Me nou pa bliye ki sa dernyen lannen in zis en lannen eksepsyonnel.

Me bann dimoun ki nou pe rekonnèt ozordi, zot servis i la toulezour tou le lannen COVID ou pa COVID. E fodre pa nou, nou bliy sa e nou lo sa kote latab nou ti a kontan sezi sa lokazyon ozordi, poudir ki nou, nou avek zot dan bann bon moman ek dan bann move moman e nou pou toultan la. Mersi Mr Speaker.

**(APPLAUSE)**

**MR SPEAKER**

Mersi LGB. Mersi tou bann Manm nou a pas dan Staz Komite aprezan pou nou pran *Appropriation Bill*. E nou ava appel delegasyon ki pe atann silvouple.

**SEYCHELLES LAND TRANSPORT AGENCY**

**MR SPEAKER**

Bonzour nou annan avek nou delegasyon *Seychelles Land Transport Agency*. Mon swet zot labyenveni dan Lasanble. E Minis Antony Derjaques Minis pou Transpor e osi ankor *Principal Secretary* pou Finans, Damien Thesee e Mrs Irene Croisee Kontroler Zeneral.

Lo kote *Seychelles Transport, Land Transport Agency* nou annan Mr Parinda Herath *Chief Executive Officer*, Nicholas Hoareau *Deputy Chief Executive Officer* e Mrs Christine Hoareau *Financial Controller*.

Bidze pou *Seychelles Land Transport Agency* i lo paz 452 ziska 459 pou en total R150milyon 166mil. Avek pou konmanse mon ava envit Minis pou fer lentroksyon lo son Bidze.

**MINISTER ANTONY DERJAQUES**

Mersi Mr Speaker. Bonzour Mr Speaker *Leader Honorable Leader of Government Business, Honorable Leader of the Opposition, Onorab, Ladies and Gentlemen* bonzour.

Premyerman mon swet zot tou ek tou pep Seselwa, en bon zournen Lasante Mondyal espesyalman bann travayer lasante.

Dezyenmman mon anvi zis dir ki wi mon ti resevwar *telephone call* Onorab Poris yer swar avek bomaten ek Erport Praslin pe ganny vremen netwaye. E mon remerisi zot pou port sa a mon latansyon.

Aprè trwazyenmman i annan en portre lo *social media* ki *Air Seychelles* in fer bann tiket avyon vin 2300 pou al Praslin e sa i en *fake news* e nou kapab ignore sa silvouple.

Mr Speaker *Seychelles Land Transport Agency* in ganny kree an 2009 atraver en *Act*. Son lobzektif konman en lazans se pou asiste e ede an formilasyon bann *Land Transport Policies* pou enplimant bann *Policies* ek proze e pou *manage and implement land traffic management services* ek *measures*.

I la pou promot *safety and security* lo bann semen publik. I osi la pou met an aplikasyon bann program ek proze an referans bann enfrastruktir *Land Transport*. E pou li form en kolaborasyon avek bann lot *agencies* pou enplimant bann program ek bann proze, par egzamp avek *LWMA* pou netwayaz ek bann pye dibwa obor semen, ki zot, zot fer *upon advice* avek *SLTA*.

Mr Speaker bann proze ki nou apel bann *CAPEX Projects* se *SLTA* ki *design* soumet avek *Planning Authority*, pou fer bann *costing* fer bann *tender*, prepar bann kontra e *supervise* bann enplimantasyon.

E fer *project management* pou asire ki bann nouvo semen ek bann semen ki ganny grandi e ki *improve* i ganny met an aplikasyon.

Osi pou enplimant bann proze drenaz, *footpaths, bridges, flooding* e *mitigation* pou bann *flooding* ek dezaz.

Son bann defi i se ki pa tou bann proze i kapab ganny enplimante. I annan bann *delay* ennler dan *completion* bann proze.

I annan problemm avek bann kalite bann proze ki ganny *tendered out* ki ganny fer ek bann kontrakter. Pa tou laspe ki'n ganny *funding* in neserman ganny *carried forward*.

E en pe proze pe ganny *phase-out* dan en fason ki pa pratik. An gro ki bann problemm se i annan bann *delay* lo bann ki nou'n diskite yer bann *wayleave* ; - savedir bann permisyon ki bann *owners* i donnen pou fer en semen.

I annan en pe *delay* avek *Planning Authority* ler pou aprouv bann semen bann *design* bann proze.

En lot problemm osi se ler ou *tender* anba *procurement processes* i pran en pe letan espesyalman si i annan bann *appeals*. E nou tou nou konnen ki si vremen zot anvi al pli lwen zot kapab al demann en *judicial review* ankour.

I annan problemm osi lo bann seleksyon bann kontrakter. E si zot pa fer zot travay dan en fason konpetan avek profesyonnel. E osi i annan bann problemm kot ler ou pe fer semen i annan bann

*underground cables, bann pipes bann overhead lines.*

E ennler bann travay alor i ganny fer dan en fason ki pa kordinen, e ki ou kapab appel dan en *disorganised* mannyer.

Sa *unit* pou *road maintenance* i osi angaze dan *structural maintenance of drains*, pa netwaye e pa koup pye dibwa be *structural maintenance*.

*Maintenance of bus shelters, maintenance of crash barriers, maintenance of footpaths, maintenance of road edges and retaining walls, grills, maintaining slabs* lo semen e *maintenance of concrete roads* lo Mahe.

Mr Speaker vizavi sa ki nou isi ozordi, mon oule *remind* zot ki an Desanm 2019 sa Bidze pou SLTA ti 211milyon 162 e sa ti ganny redwir aköz Sesel in pas dan sa pandemik *COVID*.

E i ti ganny redwir pou vin 185,664milyon. Savedir en rediksyon serye dan konmansman lannen 2020. E la in ganny redwir ankor par R35milyon 424mil pou vin R150milyon 166mil.

Savedir si ou get sa bann rediksyon i vreman signifikan. E savedir zis pou bann proze *CAPEX* ;- savedir pou bann proze ki devan nou pou fer par egzanp semen, sa rediksyon i 26milyon konpare avek, avek konpare avek avan *COVID*.

Parey yer mon ti dir zot en kantite travay pou SLTA, i bann *ongoing projects* aköz bann *new projects* napa dan Bidze e sa i aköz sa *pandemic* e aköz ki i annan sa kriz finansyel.

Savedir i annan apepre 12 proze ki *ongoing* e mon konnen sak Manm pou en pe dezapwente, aköz mon konnen konman bann ki responsab zot ti, zot ti oule ki zot bann proze semen, rigol, *footpath* dan zot distrik i ganny *carried out*. Selman i annan ki pa pou kapab ganny fer.

CEO Mr Herath i la i ava dir enn de pti mo, i anvi dir enn de pti mo Mr Speaker apre nou a reponn zot bann kestyon. Mersi Mr Speaker.

### **MR SPEAKER**

Mersi. Wi CEO.

### **CEO PARINDA HERATH**

Mersi Mr Chair. Bonzour tou dimoun. Mon krwar Minis in kouver en bon pe lo kote Bidze. Me selman petet zis pou azout detrwa keksoz, Bidze ki nou'n ganny sa lannen i zis pou bann proze ki *ongoing*.

Savedir bann proze ki'n konmans lannen pase oubyen avan. E nou bezwen *follow-up* kontinyen avek sa proze sa lannen. Nou annan nou 12 proze petet si ou permet Mr

Chair mon ava pas ladan vitman.

Nou annan *construction of Curio Road*, nou annan *road enlargement North East Point Glacis*, *road diversion RC Mission Anse Boileau*.

*Access road La Gogue danm*, *drainage improvement Manresa*, *releveling Caiman Estate Anse Boileau*. *Construction of Gran Rivyer Anse Royale*, Kan Per *road improvement Baie Ste Anne*, *installation of crash barriers*.

Kontinyasyon semen Vanilla La Digue, semen Parsquere Baie Ste Anne Praslin avek semen Salazie Baie Ste Anne. Sa i bann proze kapital ki nou ti, ki nou ti'n deza konmans depi lannen pase. E nou pou kontinyen nou'n ganny Bidze pou sa lannen.

Apard sa nou annan nou Bidze ki nou gannyan normalman pou koltar ; -savedir bann *resurfacing works* ki nou fer partou lo bann semen segonder avek bann semen primer.

E osi lo sa kote petet i enportan pou nou note, nou annan en Bidze ki preski parey ki nou'n gannyan lannen pase. Sa i 18milyon. E i enportan ankor pou note se avek sa valer Dolar, Dolar ki'n monte byensir kantite *bitumen* ki nou pou kapab aste avek menm

kantite larzan ki nou annan i redwir.

Alor nou espekte pou annan en rediksyon posibleman a pepre 30poursan dan prodiksyon koltar. Alors nou pa pou definitivman *meet* sa bann target ki nou ti'n mete depi annou dir avan COVID. Me selman nou pou kontinyen avek sa bann proze ki nou'n konmans.

Par egzanp dan sid kot nou'n konmans *resurface* bann semen depi Au Cap lannen pase, e osi nou pe kontinyen la dan nou ariv Takamaka. Nou pou kontinyen nou pou desann Anse Boileau, Baie Lazare.

E lo bann semen segonder mon krwar zot, zot okouran nou'n anvoy zot en form kot bann tou bann MNAs ek bann DAs dan tou, tou distrik pou zot ranpli. E anvoy nou tou bann travay ki zot krwar ki tonm avek SLTA.

Annefe lo sa form i spesifye byen, i ganny divize an bann diferan, diferan seksyon. E pou zot azout bann keksoz ki priyorite pou distrik. I enportan note ki i pa neserman akoz zot anvoy li zot ranpli sa form ki sa proze pou kapab materyalize.

Akoz i pou depan lo resours ki nou annan avek Bidze ki nou annan pou bann louvraz *maintenance*. Tou bann lezot pti travay me

selman bann travay ki enportan ;- parey bann *road marking, traffic signs, traffic mirrors* ki yer mon'n tann zot in koz en pe lo la, nou pou kontinyen avek dan tou distrik.

*Crash barriers* nou annan en gran lalis pou nou enplimante, me selman i enportan ankor pou nou note ki lannen pase, nou ti ganny en kantite *delay* avek tender ki nou ti fer pou nou ganny *crash barriers*.

E *consignment crash barriers* in ariv sa lannen Fevriye e la nou pou konmans enstale. Me selman avek Bidze ki zot war nou'n gannyen i 2.3, nou'n bezwen pey pou *procurement crash barriers*.

Alors napa en kantite enplimantasyon pou nou kapab fer. Petet dan *mid-year review* nou kapab demann ankor en pti pe larzan pou nou enplimant bann proze ki lo nou lalis.

Apard sa bann kod zeneral ki enportan pou koz lo la se *street light*. *Street light* ankor nou'n ganny en *consignment* 3mil lalimyer parey Minis in mansyonnen yer sa lannen *early this year*.

E nou pou nou'n fini konmans fer bann *maintenance* avek, dan tou distrik. Nou annan bann, bann *survey* regilye ki nou fer

nou fer li aswar. Nou, nou fer li *quaterly* me osi nou, nou depan osi lo bann Lotorite Distrik oubyen menm Manm piblik pou enform nou si i annan en landrwa ki lalimyer pa alimen.

Zot kapab servi nou *hotline number* eksetera lo menm lo *Facebook* nou annan en *page*. E deza nou'n fini konmans fer *maintenance* dan preski tou distrik. E nou espekte *within the next month* nou pou fini avek sa *backlog* bann *faulty lights* ki nou ti annan depi lannen pase.

E apre sa nou pou konmans met bann nouvo lalimyer. Pou nouvo lalimyer nou annan en *survey* ki nou deza fer dan serten distrik ki nou bezwen fer li ansanm avek *PUC* e osi Lotorite Distrik.

E pou idantifye bann landrwa ki priyorite pou distrik pou met lalimyer. E *PUC* i bezwen fer sa travay teknikal pou gete si lalimyer i kapab ganny mete, e ki bann keksoz ki bezwen parey nouvo poto laliny dan bann lezot konponan elektrik eksetera, pou nou kapab enstal nouvo lalimyer.

Alors nou espekte *within the next month*, nou pou konmans enstal bann nouvo lalimyer dan bann distrik. Me selman i bezwen nou bezwen konmans en landrwa nou bezwen fer distrik par distrik.

Alors i pou pran nou posiblerman ziska lafen lannen, pou nou kapab konplet sa lalis 15 a 20 nouvo lalimyer dan sak distrik. Lo kote drenaz avek koup pye dibwa, mon krwar Minis in mansyonn en pti pe.

Dan lefase ti annan serten konfizyon mon kapab dir, ki plizyer lazans in *involve* avek sa bann travay sirtou ki *involve* avek pye dibwa, koupe, taye eksetera. Me resaman dan en diskisyon avek le de Minis, Transpor avek Lanvironnman i annan en desizyon ki'n ganny pran se, LWMA ki pou responsab pou bann *anything to do with* pye dibwa.

Eksepte si i annan en pye dibwa ki'n tonbe ki pe blok semen, kot nou SLTA nou come in parey pou nenport ki lobzeksyon lo semen pou nou netwaye.

Lo kote drenaz osi parey Minis in mansyonnen nou, nou responsab pou *structural maintenance*. Savedir si en drenaz in kase oubyen si i annan landrwa pou fer nouvo drenaz bann *road side drains* en.

Fodre nou pa konfiz li avek *storm drains* ki pas dan bann pti santye pas obor lakour dimoun par egzant pou tir *flooding* eksetera, sa i pa vremen tonm avek nou.

Nou, nou *deal* avek bann *road side drains* e nou travay ansanm *closely* avek bann Departman Lanvironnman. Par egzant CAMS kot zot, zot *design* serten drenaz bann pon eksetera e nou, nou enplimante.

Lo kote *flooding* i enportan mon'n pou mansyonnen ki i pa en keksoz ki tonm zis avek SLTA. I en keksoz ki Minister Lanvironnman avek lezot Departman i *involve* avek e nou, nou osi nou met nou input kot i nesese lo kote teknikal.

E osi si i annan bann drenaz pou fer lo kote ki *involve* semen. Bon mon krwar Mr Chair mon ava aret la.

### **MR SPEAKER**

Wi mersi.

### **CEO PARINDA HERATH**

Mersi.

### **MR SPEAKER**

Mersi CEO. Mon pou bezwen repas lo mon lalis an ka ki mon'n mank enn. Mon annan Onorab Pillay, Lemiel, Aglae, Gill, Vidot, Gabriel, Cosgrow, Sophola, Roucou Loizeau, Labonte, Mondon, Bistoquet, Zailor, Hoareau, Roucou Michel, Monthy, Labrosse, Adelaide, Poris, Romain,



Phillip Arissol, Samynaden, Henrie, Arissol, Georges.

Onorab William *ok* byen. Preski *full house*. Alor mon demann bann Manm pou rappel pou zot reste spesifik e direk dan zot pwen ler zot fer zot pwen.

E osi *panel* osi silvouple annou sey reste spesifik direk pou nou kapab fer mye avek letan. Mersi nou a konmans avek bann kestyon. Mon a konmans avek Onorab Zialor.

### **HON NADDY ZIALOR**

Mersi Mr Chair. Bonzour Minis avek ou delegasyon. Mon annan de kestyon de lapar Onorab Esparon ki *CEO* in touse dan son proze bann proze mazer, so mon pou zis bref. Si Onorab Esparon ti pe regarde ki retar egzaktman ki ti pe gannyen avek sa louvraz? E konbyen pou koute par lao Bidze orizinal? Sa i proze semen North East Point.

Son dezyenm kestyon ti vizavi sa semen La Gogue, i dir ki sa proze ti ganny fer ki annan plis ki 2an pase depi ler ti lo plan. Konbyen an tou ler proze ti pou fini i pou koute?

E i annan bann lezot lenfrastruktir adisyonnal tel konman drenaz sirfas bann rasin dibwa pou tire lo semen. Eski sa i pou kout zot an plis? E eski zot anv i eski zot annan plan pou reetabli sa semen lo son baze lo son plan orizinal?

vi ki in annan detrwa *quick fix* ki'n ganny fer sirtou lannen pase? Mersi Mr Speaker.

### **MR SPEAKER**

Mersi. *CEO*.

### **CEO PARINDA HERATH**

Mersi Mr Chair. Lo kote sa proze North East Point nou annan en Bidze sa lannen ki 1.5milyon e nou pou sey nou mye pou nou sey *within* sa *budget*.

I pou pran nou nou'n ganny serten *delay* aköz ti annan negosyasyon *wayleave* ki ti pe ganny fer par Departman *Lands*. E la nou bann teknisyen in travay lo en lot plan ki posibleman pa pou neser pou nou antre lo sa propriyete prive. E sa in pran en pe letan, me selman nou espekte sa proze pou konplete an Zen sa lannen.

Lo kote La Gogue, Glacis/ La Gogue nou annan en Bidze 2milyon son *contract sum* i 3.1. Alors i pou mank nou serten larzan pou konplet sa proze. Me selman sa i zis pou en faz sa proze nou pe travay lo dezyenm faz me i bon mansyonnen ki pou le moman nou annan en bon pe bann *wayleave* lo bann propriyete prive ki nou pa ankor gannyen.

E i difisil pou nou donn en *costing* egzakt menm en

*estimate* annou dir *at this point*. Rezon se letan nou fer sa bann negosyasyon, i annan keksoz ki bann propriyeter prive parler i demande konman konpansasyon.

Alors nou bezwen enkli sa bann konpansasyon dan sa proze. Alors parey mon'n dir premye faz sa proze, i pou mank nou serten larzan anviron 1milyon. Me dezyenm faz se *during* sa lannen ki nou pou travay ki nou pou kalkile.

E nou ava anmenn dan Bidze pou lannen prosenn. Mersi.

#### **MR SPEAKER**

Mersi. Onorab Michel Roucou.

#### **HON MICHEL ROUCOU**

Bonzour Mr Chair. *Welcome panel*. Bonzour tou dimoun ki a lekout. Minis mon pa pou mank sa, sa lokazyon pou mon remerisi *CEO* pou sa bann travay ki i pe fer dan mon distrik Mont Fleuri.

*CEO* mon remerisi ou bokou ek ou lekip. E osi mon le remerisi Christopher Esparon ki travay avek zot konman en pti kontrakter li osi tou i vremen aktiv dan nou distrik, mersi.

*CEO* mon kestyon se ki mon ti a voudre pou sirtou bann zabitan Rochon pou zot konnen an 2020 ti annan

1milyon ki ti pou refer semen Rochon pou agrandi li.

E aköz ki zot in ganny sa retar ki i pa'n ganny fer? E ki bann difikilte ki zot pe gannyen? Mon dezyenm kestyon i annan sa nouvo semen ki pas obor NIE ki fini kot laboutik Weeling la.

La i annan en danze la kot nou war poudir bokou transpor pe zis sorti, ki mon pe swete ki byento nou napa en gran aksidan ki arive la. Mon pe demande mon konnen ou'n enform mon poudir zot ti annan en plan ki zot in anvoy kot *Planning*.

Mon anvi konnen, eski i ankor kot *Planning* zot in fini gannyen in fini ganny aprouve e konbyen pou kout zot pou zot fer sa dezyenm faz la? Mersi.

#### **MR SPEAKER**

Mersi. *CEO*.

#### **CEO PARINDA HERATH**

Mersi Mr Chair. Mersi Onorab. Proze Rochon parey ou konnen Onorab nou ti'n fini design li e nou ti'n pare pou enplimante. Me selman li osi i annan serten *issue wayleave* ki i pa'n kapab ganny rezourd.

Alors sa Bidze ki ti la nou'n vire nou'n fer bann lezot proze ki ti'n pare avek. E sa lannen *hopefully* petet nou kapab travay lo sa bann *issue wayleave*.

E si nou, si nou kapab finaliz zot nou ava sey enkli li dan Bidze pou lannen prosenn.

E i ava ganny enplimante e i ti osi annan en proze ki PUC ti pe fer pou met tiyo ki mon krwar zot in fini konplete pou le moman. E *hopefully* pou napa bann lezot *delay* ki vini. E si tou keksoz i, i mars byen nou kapab enplimant sa proze lannen prosenn si Bidze i *available*.

Si nou ganny *way leave* byensir lo kote sa nouvo semen kot NIE i vin zwenn avek pre kot Weeling. Nou'n deza parey mon deza eksplik ou nou'n nou annan en plan pou konstri en pti *roundabout* la, ki pou kontrol en pe sa trafik ki vini dan tou le kat kote.

E byensir nou'n deza eksplike dan Lasanble ki sa *junction* parey i ete la, avek sa bann *marking* ki nou'n fer ti en keksoz tanporer pou nou obzerv byen ki mannyer trafik i *flow*. Pou nou anmas enpe *data* nou'n deza anmas *data*.

Nou'n fer bann *survey* avek bann *drones* eksetera alors nou konn tou bann problem ki arive la. I annan plizyer keksoz ki nou bezwen gete par egzanp sa lekol *International School* ki afekte sa, sa *junction* en kantite.

E letan nou'n diskit avek Departman Transpor, PS ek

bann teknisyen nou'n war pli bon opsyon se pou konstri en *roundabout* ki pou kontrol en pe sa *flow* trafik. E i kot *Planning Authority* nou'n deza *submit* e nou pe esper *approval*.

Me ankor nou napa en Bidze pou enplimant sa proze ki pou ariv anviron 1.5milyon. i pa en gro proze me selman nou konnen nou'n ganny serten lenformasyon avek Minister Lanvironnman, ki zot annan serten konsern akoz i en landrwa ki abitye *flood*.

Alors posibleman nou pou bezwen fer serten aziste, azisteman avek nou plan pou *include* enpe rekomandasyon ki pou sorti kot Minister Lanvironnman pou bann drenaz osi ki ava ed sa, sa *flooding situation*.

Alors letan plan i ganny aprouve, apre ler Bidze i disponib nou a kapab *hopefully* enplimant sa plan. Mersi.

### **MR SPEAKER**

Minis wi.

### **MINISTER ANTONY DERJAQUES**

Mon a pran sa loportinite pou mon fer en lapel. Depi yer ler zot ti demann nou lo *west coast road*, mon ti dir zot ki sa *Grant* pou fer sa semen sorti Anse La Mouche pou ariv kot Baie Lazare ti la.

Selman nou ti mank de keksoz enn larzan pou konpansasyon ek de aste *wayleave*. Alor mon le eksplike ki savedir *wayleave*, *wayleave* i permisyon bann *land owners* obor semen pou les *SLTA* pou fer semen lo zot later.

E san sa permisyon e san sa later semen pa kapab ganny konstri. Mon fer en lapel avek tou dimoun kot *SLTA* i apros zot pou silvouple donn li permisyon. E sa konpansasyon ki ennler parfwa i ganny demande i tro bokou. E Leta Sesel Gouvernman Sesel pa kapab peye.

Sanmenm ki met an retar e la nou war pou *West Coast Road Project* i annan sa retar. E konman en sosyete ler nou pa kapab konstri e grandi bann semen nou tou nou soufer.

E nou tou nou war ki semen i neser pou nou pou nou zanfan. Alors sa i en lapel ankor en kantite sa bann proze pa kapab ganny enplimante, akoz sa *land owner* swa pa oule donn permisyon ditou, ouswa de i le demann tro bokou konpansasyon.

E napa sa larzan pou donn konpansasyon tou dimoun parey zot pe demande.

Alors silvouple si zot kapab travay avek nou, nou

ava kapab fer en sistenm semen ki modern, efikas e ki an full sekirite pou tou dimoun tou pasaze tou veikil. Mersi Mr Speaker.

### **MR SPEAKER**

Mersi Minis. Onorab Vidot.

### **HON AUDREY VIDOT**

Mersi Mr Chairman. Bonzour Mr Chairman, tou koleg Onorab, Minis ek ou delegasyon. En bonzour spesyal zabitan Roche Caiman.

Mr Chairman dan '*current challenges*' pou *SLTA* in fer resorti ki ankor *wayleave*, negosyasyon i en problem i en konsern resours pou zot kapab fini enplimant zot bann proze ki zot ti deza konmanse.

Alors mon kekyon pou *CEO*, eski ou kapab enform nou Lasanble ki problem i ki *SLTA* pe rankontre pou li kapab konplet sa proze semen ki zot ti annan lentansyon fer, pou fer trwa *lane* sorti kot *round about* pwen Plaisance ki fini pwen *roundabout* pou Roche Caiman?

E mon ti anvi konnen osi, si i annan okenn bann menm si nou konnen problem resours ozordi avek sa sityasyon *COVID*, bann lezot proze kapital ki petet ti pou tous bann distrik parey pou mwan Roche Caiman.

Si zot ankor *still* pe kit li la dan zot *bank of projects* pou future *ok* si sa i ankor *still on?*  
*Thank you.*

**MR SPEAKER**

Mersi. *CEO.*

**CEO PARINDA HERATH**

Mersi Mr Chair. Mersi Onorab. Lo kote sa proze ki ou'n mansyonnen annefe sa proze *roundabout* Plaisance ki konmans kot *roundabout* Plaisance i pou vin ziska kot lekol.

E dan lepase ti annan serten *issue wayleave* ki avek zot led nou'n kapab *sort out* e in fini. E fini *sort out* nou'n fini *tender* sa proze osi depi lannen pase e i pare pou ganny enplimante.

Malerezman i pa ti tonm konman en *ongoing project* e nou pa'n ganny Bidze pou enplimant sa proze pou sa lannen. Alors *anytime* Bidze i pare nou, nou pare pou enplimant sa proze. Posibleman nou pou bezwen *re tender* akoz in pas en pe letan.

Alors sa enn ki la nou, nou pare pou enplimante nou napa okenn *issue wayleave* pou le moman. Lo kote lezot proze i annan en kantite proze ki nou'n deza travay lo en lalis ansanm avek bann *MNAs* avek Lotorite Distrik.

E en kantite nou'n deza fer bann *preliminary visits* avek bann zabitan nou'n *sort of* fini rod en lanniyman eksetera. Me selman premye keksoz avan nou kapab *design* en proze nou bezwen fer en *survey*, en *topographic survey* pou anmas tipografi later ki mannyer i ete eksetera.

E sa ki nou ti anvi fer sa lannen, menm si nou napa en nou pa kapab enplimant bann lezot proze ki ti'n fini pare, *at least* pou nou kapab met pare bann lezot proze pou bann lannen ki pe vini.

E nou annan en larzan ki nou'n demann Minister Finans petet Minis i ave elabor lo la. Mersi.

**MR SPEAKER**

Wi Minis.

**MINISTER ANTONY DERJAQUES**

Mr Speaker *Cabinet* in dakor ki an Zen a Zilyet nou pou annan en *budget review* pou pran kont kot nou ete ki mannyer nou sitye. E lo lapar *SLTA* mon'n ganny nou manda pou nou al regard si nou kapab al regarde konman *Cabinet*, pou fer bann *surveying of new projects* nou bezwen en Bidze 700mil.

Sa pou fer bann *drawings* ek *BOQ* pou *new projects*. E pou *undertake* sa ki *CEO* in dir bann

*topographical surveys* konman premye lepa.

Nou pa ankor e nou pa'n ganny *allocate* okenn Bidze pou bann nouvo *bus shelters* ek *laybys*. E savedir nou pou anmenn sa dan sa *budget review* an Zen, Zilyet sa lannen.

Nou pa'n ganny alokasyon for *cross barrier*, *crash barriers*, *guard rails* akoz i pa adekwa e in fini ganny *exhausted* sa ki nou kapab fer. Nou bezwen *improve* *Plaisance roundabout* e *surrounding road networks* e sa pou kout apepre R4.6milyon.

Sa *roundabout* kot *Weeling Shop* ki *CEO* fek kouver ek *Bois De Rose Avenue* ek *Foret Noire Road* ki vin apepre R1milyon ki nou pe rode. *Widening of Bois De Rose Avenue phase 2* obor sa *VTS bridge*.

Akoz i annan sa *bottleneck* ki bann parey mon ler nou sorti dan *south* ou sorti dan trwa sours semen, apre ou al dan en sours pou apepre 200 met apre ou ariv sa *roundabout* kot *STC*. Savedir i annan sa *bottleneck* ki nou ti devret annan *two lanes* dan plas *one lane*.

*Third lane* Francis Rachel *street*, *third lane* Pointe Larue *phase 1* kot nou ti al vizite dan nou premye semenn konman

Minis si nou anvi fer nou *third lane*.

Be nou pa'n ganny nou 7milyon e sa i en gran dezapwentman pou mwan. Akoz enn bann baryer sete sa later avek *SCAA*, selman la konman Minis Lavyasyon nou ti'n fini negosye ek *SCAA* pou donn nou kot zot.

E ti annan zis sa kat dimoun ki nou ti pe negosye pou ganny sa *four wayleaves* ki yer nou ti tous lo la. Alor mon ti anvi lans sa *third lane* be i mank mwan R7milyon.

Apre *road widening* kot *SBC English River* ant sa de *roundabout* e sa i kout R4milyon. Apre *resurfacing* kot konkret, lo konkret kot stretch road sorti Anse Sever kot in ganny aksepte ki'n ganny afekte avek *PUC projects*.

Savedir sa bann sa lalis nou pou sey nou mye dan sa *review*, si i ganny permet si i annan sa larzan an Zen, Zilyet. Mersi Mr Speaker.

### **MR SPEAKER**

Mersi. Onorab Bistoquet

### **HON ROSIE BISTOQUET**

Mersi Mr Chair. Bonzour Mr Chair. Bonzour Minis ek ou delegasyon. Bonzour tou Onorab e tou bann dimoun ki pe ekoute. Mr Chair konman en travayer lasante, mon ti a

kontan dir de pti mo avan ler mon lans en kestyon.

Ozordi nou konnen i travayer Lazournen Travayer Lasante e sa i en lazournen Enternasyonal. E nou konnen poudir *WHO* sa lannen in lans en kanpanny lan anba Tenm "Protez Envestir Ansanm."

Sa Tenm i demann sipor irzan par tou bann dirizan dan lemonn antye pou siport, protez, motiv, investir e ekip tou travayer lasante, pou delivre en meyer lasante pou popilasyon ki zot pe deservi.

Alors mwan konman en profesyonnel lasante mon anmenn mon sipor total pou tou travayer lasante dan Sesel.

Mon kestyon Mr Chair mon annan zis enn, Minis in dir sa lazans i responsab pou *safety* lo semen.

I annan en bann pti mon pa konnen ki mannyer mon pou appel sa si *crash barriers* ki kalite *barriers* i apele. Depi lasose an desandan kot *Amusement Center* i fer letour bann pti poto rouz ek blan.

Mon krwar zot konnen ki mon pe koz lo la. Tou dilon semen i mont lo trotwar tou e lo, lo pavement e ale ziska *June Avenue*.

An menm tan kot Bois De Rose osi an desandan apre sa pti bout *highway* i annan en bann zafer lo semen bann pikan, pikan ki mon krwar

bann larou in tir tou sa bann pikan.

Si nou pe koz lo sekirite lo semen, nou'n deza pas dan Sounami, enn. Nou'n pas dan sityasyon kot ti annan dife kot *STC*. Ariv en irzans dan sa bann landrwa kote lanbilans pou pase?

Enn kote bann *fire brigade* pou pase? Mon krwar si nou anvi *safety* e menm dimoun i pase i tap zot lipye avek, mon pa war nanryen anba *PSIP* lo sa bout.

E mon krwar petet nou devret revwar en pe pou tir sa bann baryer ki dan semen ki pa, pa *safe* pou dimoun traverse e menm veikil. Mersi.

### **MR SPEAKER**

Mersi Onorab. *CEO*.

### **CEO PARINDA HERATH**

Mersi Mr Chair. Letan nou'n dir *SLTA* i responsab pou *safety* lo semen, i pa neserman zis *SLTA*. Nou, nou enplimant bann Polisi Gouvernman ki Departman Transpor i *involve* avek *Road Transport Commissioner* i *involve* avek. E osi i annan en *Road Safety Advisory Committee* ki osi *advise* nou.

Sa bann *bollard* ki Onorab pe mansyonnen i ganny mete pou protez pyeton. Dan lesans ki *footpath* oubyen trotwar avek semen li menm i bezwen ganny *seperated*.

E i pa en keksoz ki nou isi ki nou'n envante. I en pratik ki ganny fer partou.

Akoz in ganny war ki letan menm bann *emergency vehicle* oubyen bann lezot veikil i ganny akse avek *footpath*, i kapab koz en danze. E pou lezot landrwa in ganny mete pou anpes transpor park.

Par egzanp lo *Palm street* ok la ti annan en sityasyon en pe letan pase ki toultan transpor in park tou dilon lo sa *pavement*. E pyeton li menm i bezwen pas dan semen. Alors ti en konsern *safety*.

E letan in ganny diskite avek lapolis, *Road Transport Commissioner*, *Road Safety Advisory Committee* eksetera, nou'n deside pou met sa bann *bollard* pou anpes transpor mont lo trotwar.

Lo kote Bois De Rose, sa i bann i appel bann *central median*. *Central median* i ganny mete pou *seperate* de, de semen si oule. E i vin konman en baryer *safety* osi, pa neserman pou anpes aksidan.

Akoz sa pti sa bann *bollard* sa bann pti *bollard* ki'n ganny mete i *rubber*. E letan en transpor i tap avek, i pou ploye apre i pou re debout. Me selman *visually* i sipoze anpes i sipoze alert en motoris i annan en baryer la, e lot kote i

bann transpor ki pe vin dan lot direksyon, alors ou sipoze kit dan ou *lane* trafik.

Mr Chair sa i bann rezon ki sa bann *bollard* in ganny mete. Me selman mon pa konnen si i en bon lide pou retir okenn sa bann *bollard*. Petet i pou bezwen ganny diskite lo sa bann *forum* ki mon'n mansyonnen parey *Road Safety Advisory Committee*.

E si en desizyon i ganny pran lo sa nivo, nou ava gete ki nou kapab fer pou enplimante lo nou kote. Mersi.

#### **MR SPEAKER**

Mersi *CEO*. Onorab John Hoareau.

#### **HON JOHN HOAREAU**

Mersi Mr Chair. Bonzour Minis ek ou delegasyon. Bonzour *CEO* sirtou sorti Beau Vallon. Mon note ki dan ou lentrodiksyon ou'n dir ki napa okenn nouvo proze e Beau Vallon napa okenn nouvo proze ki pe ganny fer.

Me mon ti le zis met a ou latansyon si ti annan en pe serten Bidze ki reste dan *maintenance* ki zot kapab konsider semen Gala, sa kontour anler pou zot kapab re *pitch* li avek koltar ki en bis i a kapab monte. So sa bann dimoun i a kapab ganny en servis bis. Dezyenmman mon



ti le demann ou en kestyon sirtou lo ou Bidze pou *machinery and equipment*.

Anvi ki sa size *milling machine* ti deza leve plizyer fwa dan sa Lasanble, mon pa konnen si zot annan Bidze pou sa oubyen si zot napa Bidze pou sa? Oubyen mon ti a zis anv i konnen si i annan okenn demars ki zot pe fer avek sekter prive petet pou *tender out*, si sekter prive i kapab anmenn enn sa masin ki nou pa, ki nou pa toultan pou war nivo koltar i monte, monte i mont par lao *curb*.

E i vin en gro problem pou sa bann dimoun ki pe servi semen? Apre osi petet si ankor i reste serten Bidze dan ou Bidze *maintenance*, si ou ti a kapab konsider kontrol Laflit, sa kontour en pti pe zis avan Laflit de bis pa kapab pase la?

E osi en dernyen pti pwen mon oule fer resorti osi, anv i ki zot osi konsernen avek bann pon, zot mentenir bann pon mon pe sey rod en fason en pe pli zantiy pou met sa.

Eski zot kapab osi konmsi fer sir ki dimoun pa pe reste anba pon, sa bann pon i ganny evakye kot sa bann dimoun ki pe sey reste anba pon. So sa pasaz delo i kapab pas byen e napa danze pou okenn dimoun. Mersi.

### **MR SPEAKER**

Mersi. *CEO*.

### **CEO PARINDA HERATH**

Mersi Mr Chair. Bon mersi Onorab osi pou kestyon. Premye kestyon lo kote semen Gala kot nou'n deza vizite, e rezon ki nou pa'n kapab fer sa louvraz pou le moman se ankor i annan en *issue wayleave* la.

E sa propriyeter prive pe negosye avek Departman *Lands*, pou li ganny en *exchange*. Akoz deza sa semen letan nou ti, nou ti *improve* li detrwa lannen pase in deza *encroach* kot in deza donn *wayleave*.

E la letan nou ti apros li pou nou fer sa travay kot nou, nou ti anv i lev sa koltar pou fasilite bis pou monte, malerezman i pa ti dakor. E in dir nou i bezwen fer konplet sa negosyasyon avek Departman *Lands*, avan ki i pou donn konsantman pou nou kapab kontinyen avek sa travay.

E *as soon as* ki sa i ganny fer sa i en louvraz ki nou pa bezwen en, en Bidze apar pou li akoz i pou tonm anba en *internal job* ki nou, nou fer avek nou *Unit Koltar* e nou pou kapab fer li.

Lo kote *machinery and equipment*, non i pa dan Bidze sa lannen pou nou aste en *milling machine*. E osi an prensip nou ti'n deza lo *management* deside ki i pou pli

bon i pou pli pratik pou nou *tender out* avek sekter prive.

E nou'n deza diskite *informally* si oule avek *Procurement Oversight Unit*, on *the procedure* ki mannyer nou pou fer sa. E nou pa ankor finaliz sa. E *hopefully* si nou kapab fer sa lannen nou ti a kontan, nou ti a kontan enplimante *tender out* pou sekter prive partisip dan sa travay *milling*.

Me selman letan nou'n fer serten resers lo kote *milling machine*, i pa en keksoz ki parey nou pe mazine partou kot nou pou al met koltar nou pou tir sa koltar ki egziste nou pou met en nouvo sirfas.

I en prosedir ki vreman *slow* e sa masin li menm premyerman i kout en kantite e i en prosedir ki vreman *slow* e ki mannyer nou bann semen nou *network* semen i été, i pa en keksoz ki ozordi nou vini nou *mill* li, apre i nou kapab kit li pou en zour de zour.

Parey dan bann pei deor i fer akoz toultan i annan bann lezot semen ki dimoun i kapab servi. Be mazorite nou bann semen ki nou annan isi i bann *main arteries* ki nou pa kapab fermen pou plis ki en, en pti gin letan.

Alors *milling machine* menm si nou *tender out* nou fer vini nou menm i pou annan en kantite limitasyon avek. Lo kote anba pon nou bann, nou

bann zofisye i fer bann *checks* tou le detrwa mwan.

E nou malerezman nou ti abitye annan en Bidze ki apel "*maintenance of bridges*" me sa lannen nou napa okenn Bidze pou "*maintenance of bridges*."

Me si i ariv okenn lenstans kot nou war en pon i bezwen ganny refer oubyen i annan bann domaz anba la, nou pou bezwen kontakte Minister Finans pou tir en larzan anba *contingency budget* pou fer li.

Pou bann ki reste anba la mon pa tro krwar nou pou kapab aksyonn lo la petet nou ava enform Lapolis. Mersi.

### **MR SPEAKER**

Mersi *CEO*. Wi Minis.

### **MINISTER ANTONY DERJAQUES**

Mersi Mr Speaker. Zis mon anvi asir Onorab Hoareau Beau Vallon *MNA*, ki wi nou'n mon'n resevwar ou de let. Ki e mon rekonnèt ou zefor pou fer nou bann bis *SPTC* mont dan semen Gala.

E parey *CEO* in dir nou an *full* diskisyon lo en *land exchange* pou nou kapab fer sa marse. E mon'n get sa proze mon'n get bann portre mon'n get bann bis, e i annan en landrwa kot zis trwa larou i tous semen.

Alors egzakteman ki *CEO* pe dir nou pe rod en fason pou *meet* ou *request* pou bann *constituents* kot Gala.

Lo reste anba pon, mon krwar ki tou sitwayen i devret pas dan sa proses pou fer aplikasyon pou led, ouswa pou lasistans lakaz. An plis ki sa osi zot devret fer zot zefor, zot devret rekonnet osi tou ki zot osi zot annan en obligasyon pou zot met zot fanmir, zot pti baba, zot madanm dan en fasilite.

E negosye osi avek zot fanmir avan ki zot vin reste anba pon. Akoz sa i pa neserer a sa moman Sesel. Nou pa ankouraz dimoun pou vin reste anba bann pon *SLTA*. Mersi Mr Speaker.

**MR SPEAKER**

Mersi. Akoz oule entervenir la Onorab Pillay.

**HON SEBASTIEN PILLAY**

Mersi Mr Speaker. Mr Speaker mon pe entervenir pa ki i annan en *issue* ek sa Bidze. Me ki i annan en *small matter of privilege* ki mon santi mon ti le ganny loportinite pou mwan klarifye lo la.

**MR SPEAKER**

En *matter of privilege* ?

**HON SEBASTIEN PILLAY**

An relasyon avek sa ki mon santi i bonn fwa ki nou'n

montre yer ler nou'n, nou'n vot e siport vot *SBC*. Me mon'n aprann la ki 10er ki i pou annan en *press conference United Seychelles*.

E ki i paret ki i annan en desizyon ki *Board SBC* in pran, pou pa *allow* sa *press conference* pase lo *FM*. E mon proteste Mr Chairman mon proteste ...

**MR SPEAKER**

... En moman.

**HON SEBASTIEN PILLAY**

... ki sa pe ganny fer. Mon a demann sa *Board* pou zot konmsi *allow* sa laliberte lekspresyon ;- *allow United Seychelles* pou ganny lespas lo *FM*.

*(Interruption)*

**MR SPEAKER**

Onorab Pillay.

**HON SEBASTIEN PILLAY**

E pou osi ...

**MR SPEAKER**

Onorab Pillay arete silvouple.

**HON SEBASTIEN PILLAY**

Mersi Mr Chairman.

**MR SPEAKER**

Sa mon krwar i pa konsern nou biznes ozordi nou a les pase. Onorab Hoareau ou bezwen klarifikasyon ?

**HON JOHN HOAREAU**

Wi Mr Speaker.

**MR SPEAKER**

An direk silvouple.

**HON JOHN HOAREAU**

Wi malere ki, ki'n *disturb* sa *flow of* koze ki nou ti annan. Wi lo kote kontrol Laflit i pa'n, i pa'n dir nou en pti zafer lo la. Petet si i ti ava dir nou en pti keksoz. Mersi.

**MR SPEAKER**

Mon pa'n konpran kestyon. CEO ou annan keksoz pou adrese.

**CEO PARINDA HERATH**

Yes Mr Chair mersi. Lo kote kontour Laflit i en landrwa ki nou'n deza idantifye pou *widen*. E nou ti abitye annan en Bidze ki apel "*improvement of bends*" ki malerezman sa lannen nou napa.

E nou konnen poudir li osi sa lateras i tonm kot en propriyete prive. E nou le konmans travay lo sa proze sa lannen, petet avek ou, ou sipor osi pou rod sa *wayleave* ki neser.

E letan Bidze i disponib lannen prosenn oubyen *the year after hopefully* nou kapab enplimant sa. Mersi.

**MR SPEAKER**

Mersi. Onorab Gill.

**HON CHURCHILL GILL**

Mersi Mr Chair. Bonzour Minis ek ou delegasyon. Bonzour tou Manm. Mon premye komanter ki mon oule fer. Mon rekonnèt sa 800mil ki Minister in mete pou agrandi semen Kan Per sa 1.7milyon pou Salazie.

Me selman en semen ki'n ganny bokou andomaze Anse La Blague avek gran mare mon pa war li lo la. Alors mon kestyon lo la, eski sa i aköz Bidze oubyen aköz konsern avek propriyeter prive pou ganny akse pou lazi semen?

Mon trwazyenm kestyon se pou sa 17 lalimyer ki pou mete dan distrik, eski pou Praslin nou pou bezwen esper kontrakter Mahe fini mete Mahe, apre pou vin met Praslin? Oubyen i pou ganny tender separeman pou Praslin?

Minis mon'n rekonnèt ki dan sa Bidze R150milyon i annan zis 7milyon pou Praslin ek La Digue, e sa i reprezant zis 4poursan. Alors mon pe met dan ou latansyon, ki prosennman sa i en konsern ki mon'n anmenn plizyer fwa, kot nou santi Praslin nou pa pe ganny alokasyon ki adekwat donnen kantite kontribisyon ki Praslin i fer dan kof Gouvernman. Nou santi ki 4.8poursan pou de zil i pa adekwat.

Alors mon ti a demann ou ki ler lot Bidze i ganny fer, silvouple pou konsider en alokasyon en pe pli eleve pou zwenn bezwen dimoun Praslin avek La Digue. Mersi. Baze lo larepons lo Anse La Blague mon pou annan en, en *follow-up question*. Mersi.

### **MR SPEAKER**

Me espere ki repons ou gannyen avan. Nou a pas *CEO* avan apre Minis ou a pran pou pwen. Wi *CEO*.

### **CEO PARINDA HERATH**

Mersi Mr Chair. Mersi Onorab. Lo kote Anse La Blague i sirtou i en proze pou fer avek *erosion*. E nou annan en Bidze ki nou'n gannyen pou anviron R4milyon ki en *foreign Grant* pou bann proze ki nou pou fer pou *coastal protection*.

E byensir mon krwar sa sityasyon Anse La Blague, sa Bidze pa pou ase. Akoz nou annan en kantite louvraz pou bezwen ganny fer laba *rock armoring* e nou bezwen diskit avek Minister Lanvironnman *on* ki bann mezir ki pli apropiye.

Me selman si sityasyon i agrave definitivman Anse La Blague pou kapab ganny konsidere anba sa Bidze 4milyon *Grant* ki nou annan.

Lo kote lalimyer letan nou ti, ti annan en *tender* ki nou ti *launch* lan pase. Pou

ganny bann kontrakter pou enstal lalimyer. E malerezman ti napa personn ni Praslin ni La Digue ki ti partisipe. Alors nou'n bezwen - ki nou bezwen fer pou le moman, nou bezwen anvoy bann kontrakter ki'n partisip dan sa *tender* pou al fer bann louvraz lo Praslin e osi lo La Digue.

Nou osi nou ti pou kontan si nou ti'n ganny en dimoun lo sa de zil, akoz i ogmant kou pou anvoy en kontrakter sorti Mahe pou al fer sa bann louvraz Praslin, La Digue e osi i retarde.

Alors malerezman nou dan en sityasyon kot personn pa'n partisipe. E si i annan dimoun ki anvi partisipe la, zot kapab ganny kontak avek nou.

Me selman i pa en keksoz otomatik nou pou bezwen ganny *advice* avek *Procurement Oversight Unit* pou gete si nou kapab enkli en dimoun la. Akoz *tender* in fini fer. Ou konpran Onorab?

Alors nou ava gete avek *Procurement Oversight Unit*, si i annan dimoun ki kapab partisipe la pou Praslin avek La Digue. Lo kote 7milyon ki'n dan Bidze pou Praslin, La Digue, i pa neseserman zis 7milyon letan nou get bann louvraz koltar par egzanp i pa *feature* lo sa *CAPEX* ki ou'n mansyonnen.

Lo kote *CAPEX* wi 7milyon me selman lo bann

louvraz zeneral parey *road marking*, bann *maintenance* dan drenaz, *maintenance* semen li menm, bann louvraz koltar eksetera, *crash barriers*, bann lezot keksoz i bann kod zeneral.

Alors okenn louvraz ki *pop-up* lo Praslin oubyen La Digue i ganny *catered for* dan nou Bidze. Mersi.

### **MR SPEAKER**

Wi Minis.

### **MINISTER ANTONY DERJAQUES**

Mersi Mr Speaker. Pou reponn bann lot kestyon Onorab Gill premyerman sa 12 *ongoing projects* i tou proze konmsi pa'n ganny koupe Praslin ek La Digue i tou bann *ongoing project nationally*.

E kekfwa wi ti annan mwens Praslin ek La Digue. Selman tou nouvo proze in ganny pause e tou *ongoing* sa son prensip. Savedir Praslin avek La Digue pa pe ganny *disfavored* zot in zis tonm ladan aköz depi avan se sa ki ti pe *ongoing*.

Dezyenmman lo *tender* wi i konsern mon ki i pa ase dimoun La Digue ek Praslin, pe pran par dan sa bann *procurement* ek *tendering process*.

E dan nou dernyen *meeting* La Digue, nou ti fer kler ki nou ti ava kontan

menm bann Digwa partisip dan bann *tender* e dan mon lapel mon ti dir zot ki sa *road project*.

Sa *sewage project* La Digue ki Minis Joubert ti mont avek mwan pou nou gete aköz i enkli osi *the road projects and resurfacing* La Digue. Aköz zot pou al *dig-up* apepre 2 met dan profon 2 met larzer tou semen.

Mon ti dir zot ki ler sa *sewage* i fini ganny mete sa bann pipes pou konekte 800 lakaz La Digue, nou bezwen bann Digwa pou *come forward* konman bann kontrakter, bann biznes pou pran sa travay.

Sansan bann kontrakter Praslin ankor enn fwa pou mont La Digue pou al fer *plumbing, carpentry* ek, ek mason, e bann Digwa zot pa pou partisip dan sa bann kantite kontra ek larzan ki pou verse ler tou sa bann *sewage* in fini ganny mete.

Aköz ou pou bezwen konekte avek tou lakaz. Ou bezwen *pipes* ou pou bezwen bann tiyo ou pou bezwen fer kantite travay. E sa ankor enn fwa i en lapel pou zot konmans prepar zot pou pran sa bann travay.

E menm keksoz avek Praslin pran sa bann travay partisip dan sa bann *tender* e nou ti dir wi nou bezwen favoriz bann *businessmen*

Praslin ek La Digue ler i annan sa bann proze.

E pa les tro bokou vin pou Mahe. Akoz Mahe wi i annan plis kapital, i annan plis dimoun i annan plis popilasyon. Zot spesyaliz bokou plis e nou bezwen devlop sa Praslin avek La Digue osi. Mersi Mr Speaker.

**MR SPEAKER**

Wi *CEO*.

**CEO PARINDA HERATH**

Mersi Mr Chair. Zis pou azout lo, lo sa kestyon Anse La Blague, mon'n ganny lenformasyon ki i enkli dan bann proze ki Minister Lanvironnman pe al fer.

Alors definitivman nou pa pou *involve* ladan. Lo lot kote *street light maintenance* Praslin in fini konplete depi semenn pase. Mersi.

**MR SPEAKER**

Ou ankor bezwen klarifikasyon Onorab? Wi.

**HON CHURCHILL GILL**

Wi Mr Chair mersi. *CEO* zisteman akoz bomaten ou'n dir nou poudir menm si *submit* sa lalis avek tou sa bann *jobs* lo la, i pa neserman i pou ganny fer. Rezon ki i pa pou ganny fer akoz ou napa Bidze ou pou napa pou tou. Be prezan ler ou pe dir mon poudir i pa neserman sa

7milyon, wi i pou annan sa bann travay adisyonnal.

Me selman pou Praslin ek La Digue mon krwar nou devret annan en sif. Nou pa kapab zis dir nou pou fer. Akoz si ou get dan ou *backlog* i annan bann travay ki la *pending* en pe letan pa ankor ganny fer me selman i ti lo lalis.

Alors mwan, mon ti pe sizere ki nou met en sif avek bann propozisyon ki sorti Praslin prezan sa ki ou tonm dakor lo la nou a konnen konbyen i arive e nou a kapab *workout* konbyen poursantaz ki pe ganny *allocate* pou Praslin.

Akoz la mannyer ou'n reponn mon wi i pou ganny fer, me selman i pa garanti kwa ki pou ganny fer akoz bann proze i *ongoing* ki sipoze pe fer. Mersi.

**MR SPEAKER**

Ok mersi. *CEO* ou a adrese wi.

**CEO PARINDA HERATH**

Mersi Mr Chair. Mersi Onorab. Bon lo kote sa lalis ki nou'n anvoy kot zot konmsi sa lalis ki zot sipoze anvoy kot nou lo sa form. I sa lalis ki pou ed nou pou nou program nou travay pou sa lannen.

E letan nou ganny sa lalis avek tou bann distrik, nou lo nou kote nou pou annan bann vizit ki pou fer,

avek zot menm oubyen avek Lotorite Distrik pou evalye sa bann louvraz ki zot in mete.

I pa bann louvraz ki *feature* la lo sa 12 proze ki *on ongoing* li. I bann pti proze ki pou tonm anba *maintenance*. Par egzanp bann pti *water barrier wall*, bann drenaz ki zot pe demande bann pti proze koumsa.

E osi lo sa form i annan bann landrwa pou met bann kot semen zot pe demann pou *resurface either* avek beton oubyen avek koltar.

E kot zot pe demann laglas kot zot pe demann lalimyèr bann keksoz koumsa. Ki i tonm anba bann *General Codes*. Alors letan nou ganny sa lalis avek tou distrik ki nou, nou kapab travay lo en program pou sa lannen, depan lo priyorite nasyonal byensir.

Akoz parler i annan bann proze ki sorti kot bann distrik ki bezwen vin en *capital project* letan ou gete. I pa neserman en pti proze. Alors definitivman nou pou *cater* lo pou anba Bidze sa lannen.

Alors i pou difisil *at this time*, pou nou dir nou pe *allocate* en sonm avek Praslin oubyen La Digue. Akoz i bann *General Codes* kot nou pe fer *maintenance*. E *maintenance* pou ganny fer dapre son priyorite dapre sityasyon

semen, dapre sityasyon ki arive.

Alors parey mon dir sa i *CAPEX*. Nou annan bann proze ki *ongoing* depi lannen pase sa i separe. Me selman nou annan bann *general louvraz maintenance* ki nou annan en Bidze pou fer sa bann travay. Mersi.

### **MR SPEAKER**

Wi nou bezwen terminen Onorab. Ale.

### **HON CHURCHILL GILL**

Wi sa *CEO* savedir pou nou ariv lo sa ki mon pe rode pou Praslin, ler Desanm i arive ou pou fini konnen bann proze ki ou'n fer. *Then* ou kapab anvoy kot nou la, la ki ou'n konplete i ava annan son sonm, aprezan mon a kapab determinen kantite nou'n ganny *allocate*. Mersi.

### **MR SPEAKER**

Mersi. *CEO* ou'n note? Byen. Nou a kontinyen Onorab Clive Roucou.

### **HON CLIVE ROUCOU**

Mersi Mr Chair. Bonzour Minis avek ou delegasyon. Bonzour tou Manm Onorab. Mr Chair permet mon demann de kestyon pou Onorab Bastienne ki i pa avek nou ozordi pou Perseverance silvouple? Epi mon a demann mon kestyon.



**MR SPEAKER**

Wi konbyen ou annan?

**HON CLIVE ROUCOU**

Mon annan zis enn - Onorab Bastienne i annan de.

**MR SPEAKER**

Ok Onorab.

**HON CLIVE ROUCOU**

Premye kestyon pou Onorab Bastienne pou *CEO*. I pe demann *CEO* ki evalyasyon ki pe ganny fer pou Perseverance pou *speed bump* avek *zebra crossing*? Espesyalman kot sa de lekòl ki li i krwar i manke?

E dezyenm kestyon, i pe demann *CEO* vi ki i annan en *bus shelter* kot lekòl segonder, ki bis pa pe arive laba, i pa pe operasyonnel e i annan en kantite aktivite anti-sosyal e ilegal ki pe arive laba, ki zot pe fer pou rezourd sa sityasyon? Sa pou Onorab Bastienne.

**MR SPEAKER**

Annou les Minis, *CEO* reponn sa de apre nou a pran pou ou. *CEO*.

**CEO PARINDA HERATH**

Mersi Mr Chair. Mersi Onorab. Malerezman sa de kestyon i pa neserman pou *SLTA*. *Speed bump request* i bezwen ganny fer avek *Road Transport Commissioner* e

letan i aprouve nou, nou kapab enplimante.

Me selman vi ki Perseverance i annan en pti konplikasyon avek. Perseverance i ganny gete konman *still* i en *ongoing project* i pa ankor fini e i ankor anba responsabilite Departman Lenfrastruktir kot *MLH*.

E menm *speed bump* okenn *bus shelter* nouvo menm *street light* Perseverance i tonm anba *MLH*. Mersi.

**MR SPEAKER**

Tre byen. Wi Onorab Roucou.

**HON CLIVE ROUCOU**

So Mr Chair mon kestyon se anba '*major achievement*' kot *bullet 7* kot in site ki "*increase road surfacing through private sector*." Mon anvi demann *CEO*, eski re sirfas sa bann semen sa bann kontrakter ki grad spesifik ki zot annan?

Si limero 1, limero 2, limero 3 sa, sa i legzanp. E ki mannyer zot desid lo grander ki zot ganny, ki zot ganny *allocate* ek sa bann kontrakter? E ki diferans dan pri i annan ant semen primer avek semen segonder ki ganny *allocate* avek sa bann kontrakter? Mersi.

**MR SPEAKER**

Mersi. Wi *CEO*.

### **CEO PARINDA HERATH**

Mersi Mr Chair. Mersi Onorab. Bon lo kote ki grad kontrakter ti annan en *tender* ki ti ganny fer. E dan sa *tender* ti annan serten kriter ki nou ti mete pou bann kontrakter ki anvi partisipe.

Savedir si nou pa ti spesifye okenn *class* kontrakter. Ti annan serten kriter ki ti ganny mete si ou anvi partisipe, ou bezwen annan sa bann lekipman par egzanp.

E dapre sa en *Board* evalyasyon ki ti aprouv bann dimoun ki ti partisipe. Lo kote primer avek segonder, i napa okenn diferans dan pri ki nou peye. I depan lo *area* avek lepeser koltar ki ganny mete.

Nou ki spesifye ki lepeser e kote ki sa bann kontrakter pou, pou fer sa louvraz e nou ki donn koltar dapre sa louvraz. E letan travay in fini ganny fer, nou annan nou bann zofisye ki ale ki mezire e evalye avan peyman i ganny fer.

E en *invoice* i ganny *submit* dapre evalyasyon, dapre mezirman ki ganny fer ansanm avek nou bann teknisyen e osi reprezantan sa kontrakter. Mersi mon krwar setou.

### **MR SPEAKER**

Mersi. Onorab Sandy Arissol.

### **HON SANDY ARISSOL**

Mersi Mr Chair. Bonzour Minis avek ou delegasyon. Bonzour tou dimoun ki a lekout. Mr Speaker mon ti a kontan premyerman siport mon frer Onorab John Hoareau an relasyon avek en lokater anba pon.

Mon krwar nou ariv 2021 nou pa kapab annan dimoun ki pe viv *like Stone Ages*. Mon krwar okenn dimoun ki bezwen lasistans pou lakaz i bezwen fer aplikasyon e nou pa enteronp oubyen zwe avek delo sirtou larivyer ki annan en Lalwa avek.

Mon krwar i enportan e mon sipor Onorab Hoareau lo la. Mon ti a kontan demann Minis trwa kestyon parey ou'n dir ek nou Mr Chair. Mon premye kestyon ki mon ti a kontan demann Minis eski letan ou'n antre ou'n vin Minis, eski in annan okenn dosye okenn *file* okenn koze an relasyon avek en semen pou lekol Beau Vallon primer?

Parske ozordi bann zanfan ki al Beau Vallon primer, zot servi larantre lakour lekol Beau Vallon segonder. Eski in annan sa? Parske sa i annan diskisyon depi 2012. Mon premye kestyon.

Mon dezyenm kestyon mon ti a kontan demann *CEO* si an relasyon avek en *footpath* ki ti ganny fer 2019 dan distrik Bel Ombre par kontrakter *ALJH Plant Hire* ki ti kout anviron 1milyon sote?

Mon ti a kontan konnen kote sa *footpath* i ete silvouple lavalè sa 1milyon sote ki mon'n war dan rapor *Tender Board*.

Mon trwazyenm e mon dernyen kestyon mon ti a kontan demann Minis kan ki ou Minister, Minis i kapab vin Bel Ombre avek ou bann zofisyè pou rann nou en vizit pou koz avek Lotorite Distrik.

Parske Bel Ombre letan mon'n ale i annan en kantite semen ki'n la pou plizyer lannen ki'n ganny tir portre ki'n ganny *assess* ki pe fer *survey*.

E nanryen pa'n arive par egzanp St Luc, Celestine *via* Amelie, semen Nicette ki mont anler pli o lo latet montanny. Kan eski Minis ou kapab donn nou en komitman avek ou bann zofisyè apre ki tou restriksyon *COVID*, i ava fini vin rann nou en vizit koz ek nou pou nou konnen kote nou demare ler ou ganny larzan. Mersi bokou.

### **MR SPEAKER**

Minis ou a konmanse. Wi.

### **MINISTER ANTONY DERJAQUES**

Mersi Onorab Arissol *Chief Whip*. Mon rekonnèt ki nou pa ankor vizit Bel Ombre selman nou pa ankor ganny sa parey Onorab Clifford Andre li i vit in ganny en bon pe vizit dan son distrik i pa la ozordi.

Selman nou pou vin Bel Ombre ase byento *within the next three weeks*. Pou Beau Vallon *primary school* sa semen mon pa'n war okenn *file*, okenn dosye mon a demann *CEO non plus* osi i pa'n ganny - napa okenn, *file* okenn dosye. Savedir ni Minis ni *CEO* napa. Mersi Mr Speaker.

### **MR SPEAKER**

*CEO* pou kontinyen.

### **CEO PARINDA HERATH**

Mersi Mr Chair. Mersi Onorab. Lo sa kestyon *footpath*, *footpath* Bel Ombre premye faz in konplete. Savedir in konmans la kot klinik Beau Vallon, Bel Ombre e in ariv ziska kot nouvo lekòl pli devan *yes*.

E nou, nou anvi kontiny sa *footpath* kot nou kapab ziska kot bis vire dan zil Bel Ombre. Me selman letan nou ti pe travay lo *design* sa proze, nou'n ganny en kantite problemm *wayleave* par devan.

Me selman nou anvi *revive* sa, *hopefully* avek ou led osi nou ava sey gete kote ki nou kapab fer sa *footpath*, *either* lo en kote oubyen lo tou lede kote.

E lentansyon ki nou ti annan se at least pou ganny *footpath* ziska, ziska zil Bel Ombre e i ava annan bann *crossing* kot bann *footpath* kot bann *zebra crossing* i deza la, si i neserman pou nou koupe pou al lot kote. Mersi. Lo kote vizit mon krwar Minis in adrese.

### **MR SPEAKER**

Mersi. Onorab Gabriel.

### **HON CONRAD GABRIEL**

Mersi Mr Chair. *Welcome* Minis ek ou delegasyon. Tou dimoun ki a lekout, mon dir zot bonzour. Premyerman mon ti a kontan remersi *CEO* ek son delegasyon pou travay ki in konmanse dan distrik Pointe Larue *upon* ki mon'n pran landrwa.

Mon'n met en bon pe keksoz dan son latansyon i pe fer son mye, i pe fer son mye e in garanti mwan ki i pe kontinyen travay ansanm. I annan en bon pe keksoz mon anvoy dan son kort pou li *deal* avek. Malerezman i annan en pe sanzman ki pe arive kot mon bezwen atann.

Par egzanp pye dibwa lot, lot ensidswit, in *merge* avek

*LWMA*. So Minis mon'n ekout zot tre byen mon tourn ankor sa zafer *flooding third lane* Pointe Larue. Mon pe gete an prensip konman Minis i la an zeneral ti a bon zot *dig deep* ankor. Get ankor en kou si napa bann *stakeholders* Minister Lanvironnman, bann lezot landrwa.

E menm bann *road tax* ki ganny peye. Petet annan met larzan ansanm akoz sa problem *flooding* Pointe Larue la, i afekte pei antye pa zis dimoun Pointe Larue.

Tou dimoun ki pe servi sa lakot les an montan mon krwar *by mid-year* petet sa propozisyon ki mon pe anmennen nou a kapab war en solisyon *at least*.

Annou met en pe larzan akoz pa zis dimoun ki ganny afekte. Ler nou koz lo *road safety* loto ki ganny andomaze.

Keksoz i en pe ser *nowadays*. So si nou kapab at least fer sa zefor la, i a ed en kantite sa bout la Minis. Dezyenmman i annan sa size elarzi semen Anse Francois i osi in met *to a halt* sa *stretch of road* Minis i vremen danzere.

*Last month* ti annan en aksidan ki ti kapab fatal la ni *crash barrier* pa kapab mete. *Anything* ti a bon zot get byen sa zafer *safety* an zeneral. Avek sa reorganizasyon dan zot Gouvernman mon krwar

fer li en priyorite. Reget priyorite par lao priyorite, *alright?*

Mon dernyen pwen Minis i annan bann landrwa dan nou distrik ki en pe sere kot landrwa in fini pti, pti fanmir in grandi i annan dimoun ti a kontan semen. Nou konnen avek kontrent Bidze i annan ki pare pou kontribye.

Ti a bon nou, nou regete ti annan problem *wayleave* mon pe sey *sort out*. *Apparently* i annan dimoun ki'n menm mont zot miray lo later Gouvernman ki *upon* nou fini sa legzersis, CEO ti a bon nou pase nou gete.

Akoz i pou ed en kantite sirtou Nageon Estate *phase 1* ki'n fini ptipti. Fanmir in gran depi vilaz ouver landrwa i ankor parey. So en pti pe baze lo la ti a bon nou sekwe en pe pou nou organiz *safety* an zeneral aköz in fini ptipti.

Si nou ouver landrwa *then* nou pou war nou pou fer enta progre dan nou distrik e mon a remersi ou lo la. Mersi.

### **MR SPEAKER**

Mersi Onorab. Minis konmanse wi.

### **MINISTER ANTONY DERJAQUES**

Mersi Mr Speaker. Gouvernman avek nou Minister konman nou ti *sworn-in*, deswit mon ti mont

Pointe Larue ou ti la osi ti annan kat *MNA* e nou ti al get sa bann problem pa zis *flooding* be sa *third lane*.

Ki ti pou osi *incorporate* en fason ki mannyer pou manage sa sistenm kot i posib. Nou'n war sa bann plan e CEO i annan sa bann plan, e nou ti get sa bann plan ansanm pou nou kapab fer sa ki nou kapab.

Me malerezman aköz sa kriz ekonomik, nou pa'n kapab enplimant li. E ler mon'n lir sa ki nou pe al met ankor devan Gouvernman dan *budget review*, i enkli sa *third lane* e i pou kout *R7million* ziskan Erport ziskan *Amalgamated Tobacco*.

Apres pou annan bann lot faz pou kontinyen, dan en fason tanporer aköz nou'n bezwen *pause*. *Environment* avek *Infrastructure* in monte, e in fer en nouvo rigol selman pou en serten 200 met zot in fer en, en serten rigol pou ed sa *drainage*.

Me la nou annan en Minis pou *Infrastructure* ki li menm li i en *highly experience and competent structural civil engineer*, Minis Billy Rangasamy.

E nou annan osi Minis Flavien Joubert ki lontan in travay dan bann sekter pou fer avek lanvironnman. E sa i osi konsern *flooding* dan sa *area*. Alor nou annan de Minis ki

teknisyen osi an menm tan zot Minis e zot annan en kantite leksperyans e zot in travay dan zot *domain* pou en kantite letan.

Sa i donn mwan sa *confidence* ki ler Finans i ouver sa laport e ler nou *review* an Zilyet si nou kapab nou ava reget ankor sa *third lane* avek sa ki vin avek semen ki vin drenaz pou Pointe Larue.

E nou a gete ki zistans nou kapab arive. Mon'n montre mon konsern mon'n monte avek zot. Mon'n enkli Lasanble ladan, kat zot in vin ek mon e nou'n war ki nou bezwen fer en keksoz. E sa Gouvernman sa nouvo Gouvernman i pare pou li fer sa travay e Prezidan toultan i dir nou i anvi aksyon.

Aksyon se pandemik ki'n anpes nou fer sa aksyon. E nou pou fer, e sanmenm nou'n ouver Sesel le 25 Mars e Pointe Larue menm kot Erport i ete nou war viziter pe vini.

E partou kot nou pase nou war aktivite pe retournen. Alor sa *budget review* i byento an Zilyet e si nou kapab ganny nou 7milyon ki mon'n dir zot depi oparavan nou pe rode nou ava konmans *plan*.

E nou a gete ki mannyer sa bann Minis i kapab vin *join* ansanm pou nou sey *tackle* sa issue drenaz Pointe Larue.

CEO i a reponn nou bann lezot bout.

### **MR SPEAKER**

CEO wi ou a kontinyen.

### **CEO PARINDA HERATH**

Mersi Mr Chair. Lo kote Anse Francois *civil work* pou agrandi semen in konplete, me selman i reste pou met koltar pou fer serten met *railing* eksetera pou *safety*.

E sa nou espekte *during the course of this year* nou pou kapab fer li. E i deza lo plan *resurfacing works*. Lo kote bann lezot semen ki ou'n mansyonnen, i ava nou fer okenn komitman petet i pli bon Onorab ki nou vizite e nou ava gete kwa ki nou kapab fer. Mersi.

### **MR SPEAKER**

Mersi. Mon krwar i en bon ler pou nou pran poz la. E nou a rezwenn 11er. Mersi.

**(BREAK)**

### **SEYCHELLES LAND TRANSPORT AGENCY (Cont)**

### **MR SPEAKER**

Onorab Naidu.

### **HON SATHYA NAIDU**

Bonzour Mr Chair. Bonzour Minis. Bonzour CEO SLTA. Lo kote *Victoria Traffic*

*Management* pou sa lannen napa okenn sonm ki'n *allocate*.

Me sa lannen ki swiv i annan 5milyon e i leka pou sa lannen apre sa osi. So mon ti a kontan ganny en pe lesplikasyon ki bann proze ki pou al leve dan sa bann lannen.

E lo kote distrik St Louis mon konnen ki *CEO* i tre okouran lo bann proze semen ki sipoze arive. Parey Belonie i annan en problem *wayleave*, lo semen Kato i sipoze annan en lesanz later e menm Roche Bois i menm ka.

Parey Minis ti'n fer en lapel avek sa bann dimoun, i enportan ki zot realize ki zot osi zot bezwen fer zot bout pou ed kominote. Annan en pe konpasyon osi lo sa kote. Pa fer bann demann ki tre egzorbitan.

Akoz nou bezwen vin ansanm si nou le war nou distrik prospere. Lo kote *survey* pou bann lalimyer, eski zot konplet tou le 26 distrik? Si non eski zot pou kapab donn nou sa bann detay osi pou nou osi verifye plitar?

E lo kote re sifas semen, wi i annan en alokasyon 18milyon pou *bitumen*. E byensir i pou annan bann proze ki pou ganny fer me *what's the guarantee* ki nou pou gannyen ki apre ki en proze in fini ganny fer nou pa

pou war semen pe deteryore a en *timeframe* ki vremen kourt? Kot dimoun i eksplik zot fristrasyon. Mersi.

### **MR SPEAKER**

Mersi Onorab. *CEO*.

### **CEO PARINDA HERATH**

Mersi Mr Chair. Mersi Onorab pou kestyon. Lo kote *Victoria Traffic Management* wi malerezman nou napa en Bidze sa lannen. Me selman bann proze ki nou anvi enplimante *in the short term* se par egzanp sa Plaisance *roundabout* ki nou'n koz lo la taler.

Nou annan sa pti round about kot Weeling, nou annan sa *widening* semen Bois De Rose pou tir sa *bottleneck* lo sa pon. E nou osi annan sa proze English River ant sa de *roundabout* sa enn lo *main road* ek sa enn anndan Ile Du Port.

Mon krwar tou dimoun ki pas la sirtou dan bomaten nou war i annan en gran kon zesyon trafik ki arive, sirtou i *involve* sa de lekol. E nou anvi *improve* sa sityasyon ant sa de *roundabout* pou donn kat *lane* dan plas sa de *lane* ki egziste la.

E osi nou annan sa proze depi annefe lo Ile Du Port depi kot Lasanble Nasyonal i été, nou anvi met en *lane* pou *bypass* sa trafik ki ganny kree

avek sa lekol lo Ile Du Port pou tonm dan *roundabout* pli devan.

E osi nou annan en proze *third lane* lo Francis Rachel Nou osi annan sa proze *third lane* Pointe Larue ki si i materyalize i pou, i pou ed sa trafik ki sorti dan sid ki desann tou le bomaten.

E nou annan en *improvement* dan *junction*, ki pou dan ou distrik annefe dan mon distrik osi dan krwaze Bel Air. E la osi nou annan serten *wayleave* ki nou bezwen al negosye e pou *sort of improve* sa *flow* trafik ki sorti anler St Louis ki desann ki koup Bel Air.

Bon sa i bann proze ki nou anvi enplimante *in the short term*. E i annan bann lezot proze ki nou anvi enplimante lo *in the medium term*, *long term* ki petet mon pa pou al ladan la ozordi pou pran en pe letan.

Lo kote *survey* pou *street light* non nou pa ankor fini *survey* pou dan tou distrik. Nou'n fer apepre 50poursan bann distrik nou annan lalis kote ki'n ganny aprouve.

Parey mon'n eksplike taler nou annan nou bezwen fer sa *survey* avek *PUC* nou menm, avek en reprezantan distrik ki konn bann landrwa.

E apre sa ki *PUC* i fer bann *technical input* ladan, kot i kapab ganny mete kot pa

kapab ki bann keksoz ki nesaser.

Apre nou bezwen al aste bann lekipman ki nesaser pou *proceed* avek sa proze. E wi dan bann distrik dan sa bann semenn ki pe vini, nou ava anvoy zot sa bann landrwa ki'n fini ganny aprouve.

E annefe ti napa ti annan zis 12 oubyen 15 lalimyer ki ti'n ganny *survey*. E sa lannen avek sa 3mil lalimyer ki nou'n gannyen nou anvi *increase* sa pou vin 15 a 20. Alors posibleman i annan detrwa lalimyer ki zot pou kapab azout lo la.

Lo kote *bitumen* annefe nou annan 18milyon parey mon'n dir, me selman prodiksyon pou desann akoz *forex* ki'n monte. E nou, nou anvi nou annan en nouvo masin koltar ki'n ganny enstale 2an pase.

Dan lepase nou ti pe travay avek en vye masin, ki tanzantan ti pe kase e son *output* pa ti sa enn ki nou, nou ti anvi. Alors avek sa nouvo masin avek lekipman, ki nou annan lo kote masin lo kote koltar, nou kapab dir ki *hopefully* sa koltar ki nou pe mete, *now* i pou napa sa problemn sorti vitman.

Me selman i enportan pou nou petet manm piblik osi konpran, letan nou pe met koltar nou bezwen zot korperasyon. Dan lesans ki



transpor pa kapab pa sipoze pas lo sa koltar *as soon as* i ki'n ganny mete.

En problem ki nou'n gannyen aneufe lo kote semen St Louis, Beau Vallon letan nou ti pe mete vi ki i en *main artery*, nou'n *resurface* me selman transpor in pas tro vit lo la.

Zot in menm pas zot in tir bann baraz ki nou, nou bann travayer in mete zot in pas lo la. E nou war ki apre detrwa lannen sa sirfas ki nou'n mete i konmans ganny problemm avek.

E alors nou ti a kontan demann manm piblik osi letan bann travayer pe met koltar sirtoun e nou annan bann baraz, ki ganny mete respekte sa bann siny. E nou bezwen les sa koltar *cure* byen avan transpor i pas lo la. Mersi.

### **MR SPEAKER**

Mersi. Onorab Monthy.

### **HON PHILIP MONTHY**

Mersi Mr Chair. Bonzour Mr Chair. Bonzour Minis ek ou delegasyon. Vi ki nou lo koltar CEO pti kestyon lo Brillant Estate Cascade, vi ki sa semen i antyerman beton e mon pe ganny enn de konplent ek bann zabitan ki bann zabitan ki sa beton i en pe *rough* lafason ki'n ganny mete.

Donk eski i dan zot plan pou *resurface* sa semen a

lavenir *in the near future* petet pou met koltar lo la pou ranplas sa beton?

Dezyenm kestyon mon'n ganny en kantite konplent avek bann zabitan Petit Paris lo sa size konpansasyon masin koltar, *ok* bann dimoun ki'n ganny afekte.

Petet Minis a kapab reponn mwan i annan dimoun ki fristre ki zot lakaz ti sitye pre obor sa masin ki'n ganny plis afekte, zot in depans plizyer sonm larzan pou rekouver zot lakaz a menm detrwa fwa.

E zot in war zot ganny menm sonm larzan, menm konpansasyon avek dimoun ki lakaz ti lwen ki pa'n sitan ganny afekte avek sa masin koltar ki ti la, *ok*? So mon kestyon se mon konnen poudir i annan en sonm ki'n ganny vote 4milyon si mon pa tronpe.

Mon ti a kontan konnen ki bann kriter ki'n ganny servi pou determin sa sonm, e pou determinen ki sak fanmir ki sonm ki zot in gannyen? E eski o moman aktyel ki nou pe koze la tou zabitan ki'n ganny afekte in ganny *compensate* avek en sonm larzan?

Mersi Mr Speaker mon pou annan en *follow-up* lo sa size Mr Speaker. Mersi.

### **MR SPEAKER**

Nou a gete. Wi *CEO* oubyen Minis.

**CEO PARINDA HERATH**

Mersi Mr Chair. Mersi Onorab. Mon kapab reponn sa enn petet Brillant. I pa lo nou lalis pou *resurface* sa semen pou le moman. Nou pou bezwen vizite gete byensir. Me selman en semen beton letan son sirfas i rough i sipoze bon.

Normalman si i listre ki vin en problem kot transpor i glise *request* i antre pou met koltar pou *improve* sa, sa *grip*. Me selman nou ava vizite e osi pran not ki sa i enn ki zot kapab enkli lo zot lalis sa form ki zot kapab anvoy kot nou pou nou vizit.

Lo kote konpansasyon pou bann rezidan Petit Paris petet Minis i kapab azout en pe keksoz lo la.

**MR SPEAKER**

Minis wi.

**CEO PARINDA HERATH**

Akoz i annan en Komite ki'n ganny formen ki *PS Land Transport* ki ti la e Mr Pat Andre ki *Chairman*. E mon konnen ti annan en kantite bann, bann sort of lagreman ki ti pe fer ki *ongoing*.

Mwan, mon siny sa bann lagreman konman *the third party*. Me selman mon pa asiz lo sa Komite oubyen sa

*Evaluation Committee* si oule, ki deside oubyen ki get kriter lekel ki ganny peye e ki sonm. Mersi.

**MR SPEAKER**

Minis wi.

**MINISTER ANTONY DERJACQUES**

Enn mon premye bann premye *file* ki ti vin kot mwan ler mon ti vin Minis sete sa *file* pou *PS Andre* ti demann mon si nou kapab prezan demann peyman. E i ti dir mwan ti demann li bann kestyon an zeneral, akoz sa ti *previous Government* ki ti'n *setup* sa *Committee*.

E ki ti'n travay lo tou bann kondisyon apre in dir mwan wi sa lalis la se sa lalis ki zot in aksepte sa sonm ki'n ganny *offer*. Prezan mon'n dir li *ok the list is closed* e tou dimoun in aksepte la i vin zis staz peyman.

Mon'n sinyen *for payment* prezan nou'n anvoy kot *Finance*. Be lanmenm la ankor *COVID-19* in vini e *Finance* in *postpone* e i pa dan sa Bidze la pou fer peyman pou *settle* sa bann *compensation claims*.

Savedir nou, nou'n, nou'n fini anvoye e ler larzan i permet zot ava ganny peye *hopefully in the next budget*. Mersi. Selman lo bann kondisyon lo *assessment* lo

tousala in ganny fer par en Komite e i pa sa aktyel Minister ki'n ki *involve* ladan.

Nou, nou'n adopte e selman zis sa bann kestyon ki mon'n demande *if it's agreed* i dir mwan *yes*. *So it was only now* pou nou peye. Mersi.

### **MR SPEAKER**

Wi Onorab.

### **HON PHILIP MONTHY**

De pti *follow-up* Mr Speaker. Minis ler ou dir lalis in fermen, savedir bann dimoun akoz i annan zabitan ki'n dir mwan zot ti ganny dir pa *apply* akoz zot lwen.

Zot lakaz i sitye lwen avek sa masin be zot in pran an kont ki zot in *neighbor* ki 1 met 2 met avek zot, in ganny konpansasyon. Donk sa bann dimoun in tro tar pou zot fer aplikasyon pou zot ganny konsidere? Sa i enn.

E dezyenm, eski i posibil pou mon ganny en kopi lalis bann zabitan Petit Paris ki'n ganny konpansasyon? Zis pou fer sir ki keksoz in ganny fer dan latransparans e byen, an prenan kont ki sa ti arive dan en peryod eleksyon? Mersi.

### **MR SPEAKER**

Mersi. Wi Minis.

**MINISTER** **ANTONY**  
**DERJAQUES**

Mr Speaker mersi. Nou kapab donn sa rapor avek Lasanble an antye, alor nou ava anvoy kot Lasanble. Prezan ladan i ava detay kwa ki bann mezir ki bann balans.

E kwa ki'n ganny pran an konsiderasyon. E nou ava anvoy li e *of course* ou ava ganny sa lalis osi. Mersi.

### **MR SPEAKER**

Mersi. Onorab Romain.

### **HON GEORGE ROMAIN**

Mersi Mr Chair. Bonzour Minis ek ou delegasyon. Bonzour tou bann Manm koleg Onorab. *CEO* mon'n tann ou mansyonnen pli boner, mon pe koz lo anba *building and infrastructure* sa R1.5milyon ki'n ganny *allocate* pou Manresa Anse Etoile. Ou'n koz lo *drainage improvement*. Mon tann ou dir sa bomaten.

Mon'n war bann devlopman ki pe arive dan sa kontour la *opposite* Manresa. Me parkont zis en pti pe pli ba dan *main road*, ti annan bann problem ki ler lapli i tonbe, bann delo i antre kot bann lakour la anba dan *main road*.

E ti pe vreman *flood quite* en kantite. Zot in travay lo la zot in fer krwar i annan en gran *improvement*. De lakaz in fini *more or less ok* zot *ok*. Me parkont zis akote i annan enn ki pa'n ganny okenn - mon

kapab dir kanmenm lapli i tonbe i kontinyen antre kot li.

E sa rezon akoz dan sa rigol kot sipoze fouye, i annan bann kab elektrik *PUC* ki mon'n ganny dir. I tro anler savedir zot bezwen met li pli anba dan fon pou zot kapab met beton lo sa semen.

Alors ki mon ti pe demann ou *CEO* lo sa bout kan ou krwar sa proze i kapab rekonmanse, an vi ki kekfwa ler nou pou ganny lapli sa vwazen pou kontinyen ganny bokou delo ki pou antre kot li? Sa i mon premye kestyon.

Aprè mon dezyenm kestyon vitman lo *opposite* laplenn La Retraite, i annan sa montanny ki monte i en pti pe *quite* apik. Mon'n deza koz ek enn ou zofisyè, nou ti al fer en vizit laba.

E problemn i sa semen i en pti pe glise ler en pti gin lapli. Aprè bann kanmiyon osi ler zot monte mon konnen i pa lafot *SLTA* ki zot zet zot bann makadanm dan semen, zot fer semen glise.

Me parkont akote i annan bann gran, gran rigol ki *quite* fon, swa loto pa pe monte ennler i *reverse* i tonm dan rigol. Tanzantan i annan aksidan dan sa semen.

Alors ki mon pe mazin, si ti annan posibilite dan lavenir oubyen zot kapab vin vizite lo sa bann rigol zot kapab met bann *grill*, oubyen

zot kapab met bann mon kapab dir bann beton kekfwa bann *slab*.

Aprè sa semen li menm li kekfwa si zot ti kapab regarde pou ede anpes li fer ganny sa glise, ouswa si zot ti kapab fer refer regarde pa konnen zot bann enzyen i kapab pase vin regarde. Sa i mon dezyenm kestyon.

E mon dernyen kestyon *CEO* i trouve en pe dan lavil dan, dan *ex-Playground* kot *Yacht Club* sa semen ki ler ou pe vini ki al bor kot *Dockland*. Sa semen ler ou pe vini dan sa semen si ou vini ler ou vini, ou tant pou antre en pti pe pou al koup ou pa kapab tourn anvil byensir, ou bezwen mont an montan pou al *Dockland* sa sipoze koumsa.

Me parkont ler ou vini toultan ou bezwen gete si napa loto ki pe vini ou bezwen *give way to the right*. Me problemn i en pe difisil pou ou kas ou likou, mon pa konnen si zot in remark sa.

Mon pe demande si ti kapab posibilite met en *road side mirror*, ki ler ou vini ou war direk dan sa laglas devan ou, ou konnen napa trafik ki pe vini zis ou kontiny ou larout.

I vreman en pti pe annwiyan sak fwa ou ariv la. Mon pa konnen si ou konpran mon byen lo sa bout? Mersi Mr Chair.

**MR SPEAKER**

Mersi. Wi *CEO*.

**CEO PARINDA HERATH**

Mersi Mr Chair. Mersi Onorab pou kestyon. Lo kote sa proze drenaz Manresa i *90percent completed* mon kapab dir. E ou osi annan bon lenformasyon annefe i annan en seksyon ki nou pa'n kapab fer akoz bann *utilities* - pa zis *PUC* i annan *Cable* en kantite bann *utilities* i dan sa larout drenaz ki nou ti pou fer.

E zot pa fon zot anler, anler ki nou pa pe ganny fonder pou fer en drenaz. Alors avan nou dir nou pou kapab konmans en proze lo sa seksyon, nou pou bezwen diskite avek Departman *CAMS* kot Lanvironnman pou ganny en pe *advice* lo kwa ki nou kapab fer.

E, e osi nou pou *involve PUC* avek sa bann *utilities* pou gete si i annan si zot kapab *either offset, divert* zot bann, bann tiyo, bann kab ki la. E *as soon as* ki sa i ganny fer, nou pou kapab definitivman pou fer en drenaz i pa en proze ki konplike.

Me selman sa bann keksoz ki mon'n mansyonnen i bann keksoz avek leksperyans nou konnen i pran en kantite letan.

Alors mon pa pou kapab *commit* mon lekor poudir nou

pou kapab konmans li la *when whatever* me selman i dan nou plan definitivman nou pou inisye sa avek sa bann *utility companies* pou gete kan nou pou kapab fer li.

Lo kote La Retraite avek *road side drains* pou met *slab* oubyen bann *grills*, definitivman nou ava fer en vizit ankor nou ava gete. Malerezman *gradient* en semen letan in fini ganny fer, sirtou sa semen ki mannyer i été, i enposib pou nou redwir li.

Akoz i pran lo en pwen pou al lot pou redwir en *gradient* definitivman nou bezwen fer kas kontour avek li e napa lespas pou fer sa. Alors petet pou *improve safety*, nou ava konsider *either* kouver sa bann drenaz, oubyen petet i annan landrwa ki nou kapab met bann *railing*, pou anpes bann transpor tonm dan sa bann *road side drains*.

Lo kote *ex-Playground* nou ava demann nou bann teknisyen pou al vizite o pli vit posib pou gete si en *mirror* pou sifizan. Letan nou met en *mirror* nou bezwen vey byen, rezon se parler i kapab konfiz *driver* osi.

Si nou met li dan en landrwa ki pe montre en lot semen. Akoz sirtou dan lavil i pa pe bare avek okenn lateras oubyen bann kontour dan semen i en *open area*.

Zis byensir nou bezwen kas likou pou gete. Me selman si ou met en *mirror* i kapab konfiz drayver kote transpor pe vini. E sa nou bezwen evalye byen avan nou mete. Me selman zis pou lenformasyon nou annan en lot semen ki sipoze pas dan *border* Maison Du Peuple avek (SPTC) avek *Cable and Wireless*, (*sorry*.)

Ki pou al tonm Bois De Rose. E letan sa proze i ganny fer bann trafik ki pou al laba pa pou bezwen fer sa *illegal turn* e *hopefully* sa pou anpes zot. Mersi.

### **MR SPEAKER**

Mersi. Onorab Aglae.

### **HON EGBERT AGLAE**

Mersi Mr Chair. Minis bonzour, CEO. Dabor mon ti a kontan felisit sa lekip SLTA, ki ankor pe fer en bon travay e nou war poudir sa pei pandan sa 43an en kantite lenfrastruktir semen in ganny fer ziska ozordi.

E mon ti a kontan ki sa Gouvernman i kontinyen anbelir lo la. Minis premyerman mon pou tous lo size *capital projects* ki mon konnen bidzeter Bidze pa pe permet pou nou akonpli.

Me sa ki mon ti a kontan demande sirtou pou nou bann distrik anvi ki 2019 a 2020 bann prozeksyon proze ki ti

pou fer dan sa bann distrik lo nivo *capital projects* ti bezwen *cancel*.

Eski zot annan bann diskisyon ki pe ganny fer dan moman apropiye ki Bidze i permet, pou sa bann proze kapab kontinyen? Pou met li lo en *road map* sirtou, pou ki si demen i annan nouvo proze ki, ki monte nou pa a war zot pran presedans lo sa, ki ti deza ganny *earmark* pou ganny fer?

Dezyenm mon ti a kontan demann Minis lo, ouswa CEO li menm li, ou konnen dan rezon Port Glaud nou annan en fenomenn pye dibwa tonbe akoz sak fwa dan letan movetan Sans Soucis ziska Morne Blanc. Mwan, mon ti a kontan demande akoz in annan bann, bann kontradiksyon ou menm bann malantandi lo *who takes the responsibility* i arive parfwa.

E ler louvraz i ganny fer swa pa pou ganny *endorse* swa pa pou ganny peye. Lo sa nivo mon konnen Minister Lanvironnman i annan en rol pou li zwe ladan li osi.

E vi ki pye dibwa i baliz ek semen se SLTA ki bezwen pran serten responsabilite. Eski zot pe asiz ansanm sa de Departman Lanvironnman avek SLTA, pou war lo en baz bidzeter li menm lekel ki pou pran tel bout, pou kapab fer sir ki dan letan move sirtou

lapli ler pye dibwa i tonbe nou napa sa ise pou se?

E ki ler travay i ganny fer sa ki'n egzekite i al kot sa departman korek pou li ganny peye. E dernyerman Minis, Minis ou, ou pe ansarz bann Departman ki donn bokou kontra e proze osi Minis.

Mon ti a kontan demann ou dan sa laliny akoz i annan serten persepsyon e parol deor ki pe ganny dir konmkwa ki tou proze ki pas anba ou bann Departman, se ou ki donn *final* lotorizasyon, si sa enn pou ganny si sa enn pa gannyen.

Minis pa pe akiz ou si ou ti kapab petet met ou lekor kler lo sa size, pou ki piblik i konnen poudir sa ki pe ganny dir swa i korek swa i pa korek. Mersi.

### **MR SPEAKER**

Mersi. Lekel ki konmanse CEO. Minis.

### **MINISTER ANTONY DERJAQUES**

Mr Speaker mersi. Premyerman i annan en kantite defi lo nou bann proze. E sa ki spesyalis lo bann proze e ki konn bokou plis lo ki semen ki devret vin en priyorite i SLTA, ki travay pre avek RTC Departman avek sa *Road Safety Committee*.

Zot ki etabli bann priyorite, akoz se zot ki konn

bann fe *on the ground*. E pa neserman Departman ki of course i partisip ladan. E parey mon'n dir zot an *June, July* ler nou pe fer *budget review*, mon'n fini lir avek zot priyorite ki'n ganny anvoy kot mwan. E sa mon'n lir dan bomaten mon'n donn zot sa lalis apepre 12 proze.

*Of course* se zot ki pou etabli bann lalis, e pou grad bann proze e zot ki konnen kote ki strikteman neser kote ki annan bokou plis danze, lekel ki kapab esper plis letan.

E mon konman Minis mon pa pou al enterfer avek bann *road engineers* ki spesyalize, ki konn zot travay dan en fason tre byen ki ekselan.

Sa Gouvernman wi i pou etabli *efficient and road network* isi Sesel, e avek *safety and security* ki sa son stratezi e se sa egzaktman ki in dir dan son *manifesto*.

Lo sa ki konsern pye dibwa dan bann *emergencies CEO* in fini dir ki si i annan *emergencies* pe blok semen son *agency, SLTA*, i kapab ede.

Selman prensip avek bann netwayaz, bann *clearing* bann koup pye dibwa in fini tonm dakor *on a Minister's level* ki sa i tonm kot LWMA. E *funding* i a ganny *spear a point by Finance* pou fer sir ki se

laba ki ganny sa finans pou li *carry out sa duty*.

Be *SLTA* konman sa lazans ki regard striktir semen drenaz, semen, *pavement*, li *of course* dan *emergency*, akoz li osi i kolekte lenformasyon pou li osi annan lekiman li i ava ede.

*But it's not the primary agency*. La nou pe sey fer kler pou tou dimoun konnen se *LWMA* ki fer sa *SLTA* i zis en *back up* dan *emergency*. An sa ki konsern bann kontra bann proze, nou gard sa en zistans. E akoz bomaten ler zot ti demann mon lo *RTC* akoz *RTC* li in *incorporate* e i pe vin anba nou Departman mon ti'n fini reponn lo la.

E mon ti dir kot i annan bann proze kot i annan kantite larzan piblik, kot i neseler annan *tender and procurement* sa i ganny garde avek sa *agency*.

E sa *agency* pa pou vin form parti Departman direktman anba Minis. Minis pa regarde proze pa regarde *tender*. E nou pa vreman regard dimoun eksepte par egzant pou *asphalt* pou *tarmac* kot nou ti ensiste ki bann prensip i ganny swiv.

Kot bann ki ganny *best bidders* depi lannen pase, zot ganny zot kontra. E bann ki annan plis ki annan kontrol lo plis ki en *pickup* se non. Ou ava swazir enn ou *pickup* pou

ganny en kontra ki pe partaz travay.

O kontrer si ou ti pe ekoute bomaten ou ti ava war ki nou ti pe ensiste lo *fairness* e pe met prensip lo sa *tender process*. E si ou ti pe ekoute ou ti ava konnen se enn bann rezon, akoz mon'n rod en *legal advisor* dan mon Sekretarya pou li ed *SLTA*.

Be ou pa'n swazir pou ekout sa e ou'n fer en komanter e ki pa ti neseler. Mersi Mr Speaker.

### **MR SPEAKER**

Wi Onorab klarifikasyon wi.

### **HON EGBERT AGLAE**

Mersi Minis. Minis mon'n ekout ou byen mon ti anvi sorti dan ou labous tre kler. Minis baze lo sa ki ou'n dir, mon ti a kontan petet demann ou an relasyon an travay *SLTA* e bann travay ki *PUC* i fer lo semen.

Mon konnen *CEO* dan lepase in met lanfaz ki zot esper *PUC* fini zot bann proze pou zot kapab apre vin *tarmac*. Me i annan bann letan ki tarde e nou war ki *SLTA* i vini i pe met koltar e *PUC* son lannmen i kapab vini zis pe kas semen ankor.

Eski sa lantant pe ganny byen zere, mon kapab dir pou fer ki ou Minister avek *PUC* zot, zot kominik byen, pou ki ler louvraz pe ganny fer pa



*SLTA* i pa deswit ki apre *PUC* i vini kot zot annan sa travay an konzwent? Mersi.

**MR SPEAKER**

Mersi. Minis wi.

**MINISTER ANTONY DERJAQUES**

Wi Onorab. Nou'n etabli sa fason travay e *CEO* ti port sa a mon latansyon konman mon ti pran mon portfolyo. E la bomaten letan mon ti koz lo La Digue, mon ti montre ki sa pe konmans met an aplikasyon.

Akoz ler nou ti mont La Digue Minis Flavien Joubert ti vini. E ou konnen La Digue pe al fer en *centralised sewage system*, ki pou kouver antye tou. E i pou pas dan bann larout dan bann semen ki'n ganny *demarcated*. E nou konnen ki zot pou fouy dan fon apepre 2 met apre larzer apepre 2 met.

I pou kouver kantite e i pou konekte apepre 800 lakaz avek sa *centralised sewage system*. E nou, nou ti monte aköz *CEO* ek *SLTA* i vreman konsernen avek bann kontrakter ki pou vini zot pou *dig up* e ki pou arive ki manner zot pou *resurface* ki manner *SLTA* pe antre ladan.

E nou ti diskite ki nou bezwen fer *MOU* en *Memorandum of Understanding* avek *PUC*. Saverdir *SLTA* ek *PUC* pou

konnen sa lafason ki zot pou travay etrwat ansanm, pou fer sir ki popilasyon La Digue pa soufer avek sa proze e ki semen i kontinyen.

Alors sa plan i pou ganny met an aplikasyon, e i pou sa rezon ki *CEO* ti monte, *RTC* ti monte, *PS* ti monte ek bann teknisyen *PUC* ti monte. Ti montre sa bezwen nesesite sa korperasyon.

Sa pou kontinyen lo Mahe avek Praslin, la nou'n etabli sa sistenm e la sa de Minis in montre ki zot devret travay ansanm. Sanmenm nou tou lede nou'n mont La Digue e Praslin e sa pou ganny met an aplikasyon. Mersi.

**MR SPEAKER**

Mersi. Onorab Loizeau.

**HON NORBERT LOIZEAU**

Mersi Mr Chair. Non mon ti krwar Onorab Pillay pe al fer en *point of order* Mr Speaker aköz *press conference* pe fer.

*(laughter)*

**MR SPEAKER**

Ale avanse Onorab.

**HON NORBERT LOIZEAU**

Bannla i dir i annan trwa boug pe fer tapaz. Mr Speaker mon kestyon i koumsa, semen Curio Road vi ki *CEO* in koz lo la. Depi 2017 letan nou ti annan vizit avek Prezidan

Faure sa letan, *CEO* i rapel i ti la li osi sa proze semen elarzisman ti'n sipoze fini *by now* antye.

Me zis en faz ki in fer kot sa bout ki mwen danzere zis akoz i ti annan en ros ki bis ti frot avek. Me sa bout pli danzere anba an desandan kot lafanmir Elizabeth anba miray anba Bagatel se sa landrwa ki nou, nou ti anvi elarzisman.

Dan Bidze 2020 ti annan larzan dapre mon konpran pou fer pa'n fer. Alors mon anvi demann *CEO*, vi ki in dir i annan sa proze pou fer, mon anvi demann *CEO* kan pou konmanse e ki morse sa semen ki zot pou konmans avan?

E osi vi ki mon lo Curio Road Mr Chair ou konnen lontan, semen pa ti ganny fer lo standar. E anba Gouvernman sortan *US*, i annan serten landrwa dan semen Curio Road en pti pe pli o vizavi ler ou kit larantre (*Indian*) *British High Commissioner*. Akote lakaz Mr Hans Aglae antye i later lafanmir Simeon.

E ki ti arive zis zot ti antre lo later zot in pran plis ki 2 met koup lateras en sel tre, zot in fer *bus stop* lo later sa fanmir. E ozordi lateras pe grennen sa fanmir pe rod rekour, zot pa konnen kot zot pou ale. Alors mon anvi

demann *CEO* osi, si dan sa proze devlopman Curio Road, zot pou osi vi ki Gouvernman sortan, zis zot ti pran pa ti demande akoz bann dimoun ti bezwen zis reste trankil sa letan, si zot pou osi fer *retaining wall* pou anmas later sa bann fanmir pou donn zot sitan later, pou kapab annan en semen pou mont Curio Road?

Mon dezyenm kestyon Mr Speaker i pou al lo bann *driving instructor*. Mon panse se zot ki sa kestyon i bezwen aplik pou zot. Yer i ti dir esper zot bann *driving instructor* zot in ganny dir ki zot pou napa zot pa pou ganny *FA4JR*, bouze ale al travay.

I annan en sityasyon ki arive kot zot pe ganny pouse kot *NSC*, kot zot fer antre dan *cone*. Zot anvi travay, me pou zot travay zot bezwen bann *new comers* ki fer sa legzanmen teori avan al lo semen.

Me sa legzanmen pa pe ganny fer, alors zot trouv zot san en travay zis lo la lo *car park* zot pa pe tro travay. Alors mon pe demande si dan Bidze si sa retar pou fer sa bann tes teori, i relye avek Bidze, petet ki pa ti ankor aprouve?

Sa ou ava dir mwan akoz sa bann dimoun i anvi travay. Zot pa pe ganny *FA4JR* zot anvi travay.

Mon dezyenm kestryon i relye lo lanmenm, vi ki zot pe ganny pouse kot *NSC kot car park Palais Des Sports*, la dapre konpran zot pe sey mark kot *car park Ste Anne Jetty*.

Ki dapre zot sa bann dimoun i pou en lenkonvenyans avek sa ta transpor bann travayer ki pe al Ste Anne ki vini, pou zot kapab fer zot montre manrmay antre dan *cone parking* laba.

Eski zot pe war serten landrwa e si dan larzan i annan Bidze pou zot organize ki sa landrwa i a vin ekspreseman pou sa bann *driving instructor* servi, pou zot menm, pou zot kapab fer zot travay montre bann manrmay antre dan *cone* eksetera? Mersi.

### **MR SPEAKER**

Mersi Onorab. *CEO* wi.

### **CEO PARINDA HERATH**

Mersi Mr Chair. Mersi Onorab. *Ok* lo kote Curio Road wi bann proze ti konmanse depi 2018 e i annan premye faz in fini konplete. Dezyenm faz malerezman kot ou pe mansyonnen la ankor en proze ki *ongoing*.

Sa lannen osi nou annan en Bidze 1.5milyon pou nou konplet sa bout. Retar ki nou'n gannyen avek sa proze

letan nou'n fer apepre 50poursan nou'n war ki i annan en gro delo ki sorti anler lo sa lateras ki desann.

Ki si nou ti kontinyen avek sa miray, i ti kapab kas sa miray tou. E nou'n bezwen bouz anler par lao kot sa semen ki mont anler kot Mr Barbe pli o, si ou pas laba ou pou war i annan en gro proze drenaz ki nou'n bezwen fer.

Pou anmas sa delo pou anmenn li pli ba, pou anpes li tonm lo sa lateras apre re, refooul anba lo miray. Alors annefe resaman proze drenaz in fini, e sa kontrakter in fini re bouz lo semen Curio Road menm pou sa bout faz.

E nou espekte by Zen, Zilyet sa lannen pou nou fini sa, sa seksyon ki la. E osi dan nou vizit nou ti idantifye en trwazyenm landrwa lo Curio Road ki nou ti anvi *widen*. E sa i par devan rezidans *British High Com*. E sa enn ki la nou'n ganny enn de *issue* avek *wayleace* e *hopefully* avek sa lannen *during the year*, nou pou kapab rezourd sa bann problemm.

E nou ava met li konman bann proze pou lannen prosenn ou, oubyen *the year after* depan lo Bidze ki disponib. Lo kote miray pou fer kot ou'n mansyonnen, i pa dan nou Bidze pou le moman e premye fwa mon, mon'n tann sa zafer *encroachment*.

Napa okenn *claim* ki'n vin kot nou. Petet atraver ou lofis oubyen kot *DA*, nou kapab letan nou pe enplimant sa dezyenm faz proze, si i zistifye pou kapab enkli sa konman en bout proze. Mersi.

### **MR SPEAKER**

Wi Minis.

### **MINISTER                      ANTONY DERJAQUES**

Mersi Mr Speaker. An sa ki konsern bann *driving examiners theory* avek sa plas kot Palais De Sport, ler nou ti antre dan Minister nou ti war kot *RTC - Road Transport Commission* ki annan frod ouswa kriminalite pe pase.

Alor nou ti *investigate* e nou ti sispann travayer, aköz avek sa *driving theoretical instructions* nou ti war ki i ti pe arive. E Lapolis ti vin *investigate* e ti annan ki ti ganny *remand e file* in ganny anvoy kot *Attorney General* pou apepre 5 travayer ganny sarze.

Zot ki ti pe fer bann *examination* pou bann *driving instructor* pou kapab *process* zot bann *pupils*, ki pe fer *driving test* i annan *practical* avek i annan *theoretical*.

*Theoretical* kot *RTC* se sa ki ou ti koz lo la. Prezan aköz in ganny *terminated* 2 semenn pase, nou bezwen annan *vacancy* pou nou *recruit*. Alor

i annan en prosedir ki i bezwen pas ladan aköz i annan 5 travayer toudswit ki'n fini ganny retire.

E bann *driving instructors* zot *aware* ki'n arive aköz ti dan *press* tousala ti dan *NASYON*. E alor i annan sa *vaccum* ki nou pe sey ranpli.

Be nou pa ti kapab ranpli li avan, aköz zot ti'n ganny sispann be la zot in ganny *terminated* e la i annan bann *vacancy*. Prezan *Human Resources Department* anba *Land Transport Division*, zot pou bezwen al *recruit* bann nouvo *examiners*.

An sa ki konsern bann *driving instructors*, wi zot in port a mon latansyon 4 zour pase apepre ki i annan sa problem, e zot in demann mon si zot kapab fer bann *cheap practical courses* wi, kot Ste Anne Jetty.

Mon'n deswit anvoy sa let avek mon komanter kot nou *PS* e mon'n demann li *at least find out* pou ki sa later. Aköz mon pa kapab donn en lord pou al fer bann *driving instructors* al servi bann later en lot dimoun, aköz mon pa konnen pou le moman pou ki sa landrwa kot Ste Anne Jetty ki bann *driving instructor* i anvi servi.

Alor i pa pou fer zis sa travay i pou *find out* lekel ki pe anpes zot servi sa *parking* kot

*Palais Des Sports* pou ki rezon. E nou pou bezwen ansanm avek *RTC* avek *Land Transport Department* rod en fason pou ed zot. Alor wi Onorab, (1), nou bezwen *recruit* bann *examiners* e (2) nou bezwen ed sa bann *driving instructors* pou rod en landrwa.

Selman nou bezwen *find out* avan aköz sa landrwa in ganny retire. E (2) si nou kapab ed zot rod en lot landrwa si zot pa kapab tourn laba kot zot ti ede oparavan. Mersi Mr Speaker.

### **MR SPEAKER**

Wi Onorab.

### **HON NORBERT LOIZEAU**

Mr Speaker en pti klarifikasyon konsernan Curio Road. Mersi Minis pou sa lesplikasyon kler, satisfè. Sa morso kot, kot *CEO* in dir i annan sa gro delo.

*CEO* be la i St Louis la pa Bel Air ditou la sa bout ki annan sa de gran kontour kot Madanm kot Mr Barbe sa i St Louis sa. Sa napa nanryen aköz pou i separe.

Eski sa 1.5milyon pou al dan sa proze laba kan nou annan sa bout an desandan anba miray Bagatel pou fer? Eksplik mwan en pe ki mannyer nou larzan 1.5 pou al dan sa proze St Louis?

### **MR SPEAKER**

Wi *CEO*.

### **CEO PARINDA HERATH**

Mersi Mr Chair. Mr Chair pou nou. Mersi Onorab pou ou kestyon. Pou nou fransman dir distrik ki pa'n, pa'n i pa vremen enportan aköz nou, nou pe get Curio Road e nou pe get Curio Road konman en debousman dan bomaten, sirtou pou bann dimoun ki sorti Beau Vallon, Bel Ombre si zot anvi pas la zot kapab ariv Anvil pou *bypass the main road*.

E kote sa proze kot nou pe fer si i annan en laliny ki separ Bel Air avek St Louis, fransman dir i pa pou enportan pou nou. E sa lot bout parey mon'n dir pli devan sa ki pou tonm Bel Air i annan bann *issue wayleave* pa ankor *sort out*.

E *as soon as* sa bout i pare avek son finansman nou pou, nou pou enkli li dan nou bann proze. Me selman pou nou, nou pou get li konman en semen Curio Road. Mersi Mr Chair.

### **MR SPEAKER**

Onorab nou bezwen bouze. Wi.

### **HON NORBERT LOIZEAU**

Mon anvi demann *CEO* kot ki bout ki ou pe demann *wayleave*? Sa pti bout an desandan Bagatel la non? Sa

ki zot pe esper *wayleave*? Akoz la ki pli danzere pou aranze, sanmenm sa mon pe *stress* lo sa pwen.

**MR SPEAKER**

Ale *CEO* eklersi li *please*.

**CEO PARINDA HERATH**

Mersi Mr Chair. Sa bout ki nou pe esper *wayleave* i par devan kot rezidans Lanbasad Angle, Bel Air. Mersi.

**MR SPEAKER**

Mersi Onorab. Mersi *CEO*. Onorab Labrosse.

**HON RICHARD LABROSSE**

Bonzour Minis ek ou delegasyon. Bonzour Mr Chair. Bonzour tou dimoun ki a lekout. Premyerman Minis *CEO* mon ti a kontan remerci ou pou, pou relasyon ki nou annan anver distrik lo bann fason kominike ki i vreman efikas e ki i vreman vit.

Se sa bann fason, bann fason parey ki nou bezwen dan sa Gouvernman. E mon premye kestyon i *well* mon dezyenm kestyon premye kestyon in ganny touse lo la konsernan sa *roundabout* Plaisance la.

Mon dezyenm kestyon ki mon ti a kontan ganny en leklersisman lo la avek *CEO*. I konsernan bann proze ki zot bann semen segonder ki zot fer dan distrik.

Par egzanp bann semen ki pou ariv ki pou tous lakominote. Me selman dan lefase ki dimoun i met dan nou latansyon, ki sa bann semen parey ti annan bann labi lo la kot i zis en serten dimoun ki semen ti ganny fer pou ariv kot li.

So la ki mon ti a kontan ganny en konpran ek ou *CEO*, eski ler zot pe antreprann bann proze parey eski i annan en konsiltasyon ant Gouvernman Lokal, ouswa ek distrik dan sa bann landrwa kot sa bann semen parey pe ganny fer? Mersi.

**MR SPEAKER**

Mersi Onorab. *CEO*.

**CEO PARINDA HERATH**

Mersi Mr Chair. *Well* ki mannyer mon pe konpran sa kestyon si Onorab pe demande si nou konsilte avek distrik letan nou pe *resurface* bann semen ki egziste, bann *secondary roads*?

Wi parey mon'n eksplike taler, i tou bann proze ki priyorite dan zot distrik, ki zot devret pe met lo sa form pou anvoy kot nou. E nou, nou pou travay dapre sa form ki zot anvoye.

An plis ki sa nou annan nou bann lenspekter bann zofisye ki al vizit bann landrwa ki enspekte bann semen. E si nou war i annan en semen ki

devret ganny *resurface* eksetera, byensir sa osi nou pou azoute lo bann lalis *on top of* sa ki zot, zot anvoye dan distrik.

E si ou pe demann bann nouvo semen pou fer pou anmenn semen kot en kominote, sa osi *in the first place* i bezwen sorti kot distrik pou vin kot nou.

Oubyen demann sorti dan en kominote menm, par manm piblik i bezwen vin kot nou e nou toultan nou *involve* distrik pou fer okenn nouvo proze dan distrik. Akoz enn, preski tou bann proze semen i pou *involve wayleave* avek bann zabitan.

E dan lepase toultan nou ti *involve DA* avek son tim, pou ed nou pou fer vizit avek sa bann dimoun pou fer zot siny bann *wayleave* pou eksplike eksetera avek nou bann zofisye ansanm.

E kot i posib nou ti osi *involve* bann MNAs e sa nou pou kontinyen fer e definitivman i pou en keksoz ki nou bezwen fer konman en tim. Mersi.

### **MR SPEAKER**

Mersi CEO. Onorab Phillip Arissol.

### **HON PHILLIP ARISSOL**

Mersi Mr Chair. Bonzour tou dimoun. Premyerman mon ti a kontan remersye CEO ek

bann teknisyen SLTA, pou sipor ki zot kontinyen apporte pou bann zabitan ek distrik Anse Boileau. Mersi.

Avek danze ki apporte pou motoris e pyeton, CEO mon ti a kontan konnen kan eski proze re sirfas semen Anse Boileau pou ganny fer? Sirtou bann morso semen swivan tel ki dan krwaze Montagne Posee obor kot stasyon PUC, kot in fek annan en ka aksidan fatal.

Anse Louis kot MAIA Resort e lo lakot Anse La Mouche prezizeman Roche Canon. E CEO eski kan eski zot espekte sa de proze semen RC Mission ek Caiman Estate konplete?

Epi i annan serten semen segonder Anse Louis ki demann fer *maintenance* mazer e mon pe demande kan eski zot pou kapab fer en vizit pou nou war sityasyon sa bann semen?

E eski CEO i kapab dir nou, ki staz travay konstriksyon lo drenaz lo sa morso semen ki sorti anler Sailfish Estate in arive? Mersi.

### **MR SPEAKER**

Mersi Onorab. Wi CEO.

### **CEO PARINDA HERATH**

Mersi Mr Chair. Lo kote *resurfacing* lo semen primer ki Onorab in demande, i annan seksyon sa bann semen ki

*PUC* pa ankor fini avek zot travay.

Menm si nou war ki bann transe ki *PUC* in fini fouye i met beton lo la. I annan serten travay ki zot, zot pa ankor fer e ziska ler zot donn nou sa *go ahead* nou, nou pou bezwen espere.

Me selman i bon note ki nou pe fer letour par Takamaka e letan nou pe ariv la kot ou pe mansyonnen *PUC* in donn nou serten langazman ki zot pou fini pare ek sa.

Alors i pou en travay kontinyel. Nou pa le aret sa travay ki nou pe fer dan distrik Takamaka, pou bouz laba me selman vi ki parey mon'n dir taler i en sel semen nou pou kontiny *resurfacing* lo larout kot nou'n konmanse.

Lo sa bann *secondary roads* ki ou'n nonmen Anse Louis eksetera, mon pou *advise* ou pou azout sa bann semen lo sa lalis lo sa form ki nou'n anvoy kot ou.

E la prezan nou ava fer en vizit parey nou, nou lentansyon se pou fer vizit avek tou distrik, pou nou idantifye sa bann proze ki zot in mete pou nou kapab gete kwa ki priyorite pou nou.

Alors enkli li lo lalis pou nou kapab vizite apre nou ava gete ki priyorite ki nou kapab donn li. Caiman Estate, *RC Mission* nou espekte fini li an Out sa lannen. Proze Caiman

Estate nou espekte fini li an Me sa lannen *ok*. Mon'n mank sa lot kestyon Onorab *sorry*.

### **MR SPEAKER**

Ou'n fini ti annan en dernyen pwen lo drenaz kote Onorab redir.

### **HON RICHARD LABROSSE**

Sa proze drenaz kot Sailfish Estate. Mersi.

### **MR SPEAKER**

*CEO*.

### **CEO PARINDA HERATH**

Bon i annan serten *culvert* ki ti'n bloke ki travay in fini konplete, i reste en pti travay pou *design* en pti bout drenaz nouvo. E nou espekte la nou pou konmans travay lo li petet avan Zen, Zilyet nou pou kapab konplet sa travay. Mersi.

### **MR SPEAKER**

Mersi *CEO*. Onorab Cosgrow.

### **HON WALLACE COSGROW**

Mersi Mr Chair. Bonzour Mr Chair. Bonzour Minis. Bonzour *CEO*, *Deputy*, tou Manm Lasanble, tou Manm piblik ki pe ekout nou.

*CEO* premyerman mon premye kestyon i *regarding* dabor les mon remerisi *CEO* avek *Deputy* pou sa bon mantalite anver travay kot *SLTA* malgre resours pa



touzour fasil, me zot touzour rod en fason pou ede.

I annan, i annan bokou konplent par egzantp sirtou pou bann main *road* en. Bann *main road* lavil kot zot fer *resurfacing*. Mon konpran taler ou'n eksplik en pti pe rezon akoz i annan serten, serten *bumps* lo semen.

Me touzour i annan serten konplent ki ler zot fini met koltar menm si zot met koltar nef i annan konmsi i pa sa oter ki petet dimoun ti ava ekspekte.

Eski sa osi i annan pou fer avek petet zot kalite masin ki zot annan pou fer sa bann travay? E eski zot pe *plan* petet pou aste nouvo masin par egzantp *grader* avek roler ki neser, pou sa bann travay sirtou dan bann landrwa plat?

Dezyenm kestyon i konsernan semen Copolia, *CEO* eski zot in fini lagrandisman semen Copolia lagrandisman avek *resurfacing*? Ouswa eski i ankor annan travay pou fer lo semen Copolia?

E eski i annan lezot pti semen dan sou-distrik Copolia ki zot annan serten travay ki zot bezwen fer lo la?

Mon trwazyenm Minis in tous en pti pe taler selman mon ti a kontan antre en pti pe pli an detay lo la.

I konsernan sa *tender* sa *expression of interest* ki ti sorti

lannen pase pou bann *truck hire operators* pou *provide* servis *asphalt*, pou *carry asphalt* avek lezot *material*.

Nou konnen i annan en group dimoun ki'n kalifye. E dan sa group dimoun i annan en group dimoun ki i annan serten kontansyon Minis in eksplik en pti pe lo la.

Mon konpran sa bann kontansyon me parkont ladan i annan bann dimoun ki *sole traders* apre i annan konpanyen.

Petet sa dimoun ki en *sole trader* ki dan en konpanyen avek en lot dimoun e i annan sityasyon kot prezan zot war zot pa pe ganny kontra. *And* i ganny pini akoz i dan biznes avek en lot dimoun. So petet legalman Minis i en dimoun legal e i annan son *advise* legal ki pe travay ek zot.

Petet legalman gete ki mannyer zot kapab fasilite sa, akoz sa bann dimoun in *all along* swiv tou bann prosedir, apre letan i ariv lo laliny finisyon zot ganny dir zot pa pou ganny kontra, ouswa zot pa pou ganny konsidere.

So sey gete ki mannyer zot kapab adres sa silvouple si i annan en pti larepons la ozordi? Mersi.

**MR SPEAKER**

Mersi. Wi *CEO*.

**CEO PARINDA HERATH**

Mersi Mr Chair. Mersi Onorab pou ou keston. Lo kote *quality of finishing* si oule wi nou annan serten *issue* avek *finishing* e sa i en keksoz ki toultan lo *management SLTA* nou diskite, nou sey met plizyer keksoz an plas bann prosedir *best practice* eksetera pou kapab amelyor sa.

Me selman rezon i de keksoz i annan lekipman parey ou'n mansyonnen e osi *manpower*. Lo kote lekipman wi nou'n ganny en *new asphalt plant* e nou espekte sa prodwir ki sorti ladan son *quality* i bon. Me selman i annan en kantite lezot lekipman ki nou bezwen pou *lay the asphalt*.

Nou annan *the basic*. Nou annan en *paver* nou anann roler eksetera. Me selman pou *improve quality* i annan lezot *specialised equipment* ki ou pou war partou dan zot lezot pei si oule.

E dousman, dousman malerezman nou napa en gran Bidze sa lannen pou, pou aste nouvo lekipman. Nou annan en pe pou nou aste en pti roler bann keksoz koumsa, be selman i pa pou ed nou pou aste bann lezot lekipman ki nou anvi. Par egzantp nou anvi en *new matic roller* ki li i poli sa koltar pli byen, ki sa bann

roler ki nou, nou annan par egzantp. Sa i zis en legzantp.

Lo kote *manpower* osi nou annan avek letan nou bann vye travayer in *retire*, e bann ranplasman ki nou gannyen i annan zenn ki pa tenir bokou letan ki vini i fer en pe letan apre i ale.

Alors i annan en *sort of* rotasyon. Zot pa ganny ase letan pou zot ganny sa leksperyans pou delivre sa *quality* ki nou, nou anvi. Akoz napa okenn lekol pou nou anvoy dimoun pou al aprann met koltar, zot bezwen aprann sa *on the job*.

Lo kote Copolia pou le moman nou'n fini *resurface* semen Copolia e nou'n fer bann *widening* kot nou kapab. E byensir ti annan bokou plis landrwa ki nou ti anvi fer li ,me selman ankor lo sa size *wayleave* nou'n bezwen tenir lanmenm.

Me si distrik e ou menm ou konman MNA Onorab, si zot kapab ed nou pou ganny sa bann *wayleave* ki nesese nou kapab azout ankor bann landrwa kot nou kapab *widen* semen, e nou ava enkli li dan bann Bidze ki pe vini dan bann lannen ki pe vini. Lo kote *truck hires* mon a les Minis. Mersi.

**MR SPEAKER**

Yes.

**MINISTER** **ANTONY**  
**DERJAQUES**

Mersi Mr Chair. Lo *truck* bann, bann *pickup and truck owners*. CEO ti anmenn a mon latansyon ki ti annan en group ki ti'n fini ganny *best bidders* depi lannen pase.

E en kantite zot osi ti *on ongoing* dan sa bann proze konmsi ti pe kontinyen pe fer sa travay avek *SLTA*. Selman ler nou'n regard sa, nou dir be bann ki'n fini ganny *best bidders* depi lannen pase, zot devret *the new ones* ki pe *ongoing* prezan.

Savedir ti devret annan en *cutoff point* apre bann ki'n *win* i kontinyen. Alor nou dir *alright* bann ki'n *win* zot devret ganny sa kontra ki enkli preski tou ki ti ankor pe fer sa travay.

Dezyenm problem se ler nou'n realize ki ti annan par egzanp menm dimoun ki dan *seperate companies in win* kontra osi.

Savedir ti pou annan 5 *pickup* li avek kontra konpare avek sa prensip kot nou ti pe gete si ti devret *fair*, e sak dimoun swa konman en *sole trader* swa konman en *shareholder* dan en lakonpanyen i ganny zis en kontra.

Nou'n war ki si nou pa ti'n aplik sa *fairness* ki sak dimoun menm si en *sole trader* ouswa si en *shareholder* dan

en lakonpanyen i ganny 1 *truck*.

En bann ti ganny de kontra en bann ti pou ganny trwa en bann ti pou reste zis lo enn. Alor ler nou'n konmans regarde nou'n war ki i annan serten ki annan de kontra nou'n dir li non ou devret en kontra.

I annan ki i en *shareholder* avek en lot dimoun ki annan en kontra, savedir sa *shareholder* dan sanmenm sa lakonpanyen avek li in fini ganny en kontra konman en *sole trader*.

Alor nou'n dir non i ava ganny en kontra selman nou'n travay nou'n sey gete ki mannyer nou kapab anmenn *justice*. Nou'n koze nou'n dir *ok* kekfwa sa *shareholder* ki'n fini ganny en kontra i devret sorti dan sa sosyete dan sa *company*.

Alor *the remainder shareholders* ki pa ankor ganny kontra, i ava ganny en kontra prezan *by the company*. Konmsi nou'n mazin bann diferan mekanizm nou menm dir *ok* annou drafte. E nou ava donn zot en *standard affidavit*, pou zot retir zot lekor dan en *company* pou zot dir zot napa *beneficial ownership anymore* dan sa *company*.

E zot kapab antre e ganny kontra avek *SLTA*. Savedir nou'n mazin tou sa bann *Scheme* e mon'n li avek

mon *legal advisor now*, pou li al drafte sa bann dokiman.

E an menm tan, wi nou pe ganny bann *phone calls* ek bann dimoun pe dir nou, ki sa ti vreman enportan pou zot ki sa *shareholder* ki'n fini ganny en kontra ki ti pe zis ed zot.

Akoz zot, zot pa ti pe al *manage* en *pickup* sa dimoun ti pe *manage* konman *almost* konman en *worker*, ouswa en *manager* selman zot ti met li *shareholder* pou li kapab al fer sa travay. E an menm tan i annan son *own* lot *pickup*.

Alor i annan tousala. Selman sa mesaz i prezan pe sorti, i kler ki *SLTA* i devret fer sir ki sakenn i ganny en kontra keksoz i vin pli *fair*, keksoz i baze lo prensip kot en dimoun pa kapab annan i kre senk lakonpanyen, alor ganny senk *pickup* senk kontra, vizavi en lot ki li i ganny zis en kontra.

Alor nou pe sa ki nou pe pas ladan, i montre ki i annan sa sanzman *towards fairness*. E si sa bann dimoun probableman in *call* ou i *follow* sa ki nou ti *advise* zot konmsi prezan refer ou bann lakonpanyen, sorti, *re apply* ouswa transfer veikil lo en lot dimoun ouswa *personally* lo ou *from company to sole trader and then re apply*. Alor nou ankor reste ase ouver pou nou fer sa bann sanzman. Sel difikilte prezan se i annan en

kantite - i annan sa kantite travay. Sa travay prezan in diviz an mete an 55 kontra.

Ler prezan zot retournen anba sa ki nou'n sizere konman avoka avek zot, nou pou bezwen diviz menm olye an 55 bout an 60 bout. Alor i annan mwens pou sa 55, ou konpran? Savedir ler zot rektifye zot travay dan en fason legal e akseptab, prezan sakenn pou ganny en pli pti bout.

Alor pou annan sa lenzistis ankor selman nou bezwen konmans en landrwa. E si nou kapab *next year* ouswa *in the next years* dimoun pou konpran sa prezan prensip *SLTA*, nou pou bouz devan. Mersi.

### **MR SPEAKER**

Wi Onorab pou klarifikasyon.

### **HON WALLACE COSGROW**

Yes Mr Chair, mersi. Minis mon konpran byen sa leklersisman ki ou'n donner zis mon krwar sa bann dimoun ti anvi ganny en finalite dan sa *process* e zot, zot klerman bouz devan avek sa.

So mon *hope* ki *once* ou Departman in fini donn sa finalite zot a kapab konpran byen. Mersi pou sa. Apre dezyenm *CEO* wi mon pare pou donn en koudmen konman en zabitan Plaisance,

touzour Plaisance aker mon pare pou donn en koudmen.

Menm Onorab ki'n ganny elekte Plaisance mon pare pou travay avek li pou mwan donn li en koudmen pou mwan rod enpe *wayleave* akoz i enportan. Mersi.

### **MR SPEAKER**

Ale mersi. *CEO* in note. Onorab Labonte.

### **HON ANDY LABONTE**

Mersi Mr Chair. Bonzour Minis, *PS*, *CEO* ek *panel* antye. Bon mon premye kestyon i baze lo *budget book program 2 "wages and salaries"* kot "*other allowance*"s mon war i sorti 388mil pou vin 930mil petet nou kapab ganny en pti lesplikasyon lo la?

Aprè mon dezyenm kestyon i baze lo *PSIP*, ki yer mon ti demande mon bezwen leklersisman lo la? Mon war ti pou ganny bidzete 1.9milyon an 2019 kot *road and drainage improvement* Ma Joie pou *link* avek Mont Signal.

E 2020 mon war ti'n bidzet 2.5milyon, me selman dan sa *detailed budget* ki zot in donn nou mon war i met 1.5milyon. Petet nou ti kapab ganny en klarifikasyon?

E *at the same time* laba anler ki zot pe dir zot in fer sa *drainage* Ma Joie pou *link* avek Mont Signal. Be nou pa pe vreman war drenaz ki'n ganny

fer. So petet ou kapab donn en lesplikasyon si vreman i annan sa drenaz e kote sa drenaz in ganny fer?

Akoz nou'n war serten miray in ganny fer me selman napa nanryen drenaz ki'n ganny fer?

An pasan i annan de repons ki Minis avek *CEO* in donn nou *regarding* sa 4milyon ki pe ganny mete pou lagrandisman semen.

Petet ou ti kapab pran kont *CEO* ki mon vreman apresye ki ler ou'n pran sa lokasyon pou mon remerisi ou ki pou en bon pe letan ou ti pe ganny difikilte anba Gouvernman avan, ki ti annan bann presyon ou pa ti kapab vreman delivre *freely*.

E la finalman ou pe kapab delivre ou louvraz pli byen, kot sa bout semen *English River Central* kot ou'n kapab met en pti bout koltar. Me i ankor annan en lot pti bout an relasyon avek sa lagrandisman semen, pou petet fer sa sorti ki ti deza dan proze inisyal pou benefisyè sa bann zabitan ki reste la kot *English River Central*?

E an pasan Minis osi ti'n dir konsernan bis, Vilaz Trezor ti annan en servis bis ki zot ti pe gannyen avan. Petet Minis ou kapab get ladan petet dimoun i kapab reganny sa servis bis, ki sirtou letan ki dimoun i fini travay e dan

bomaten ki fasilite dimoun ki reste la anler Vilaz Trezor? Mersi.

**MR SPEAKER**

Mersi. Wi lekel ki a konmanse. *CEO* wi.

**CEO PARINDA HERATH**

Mersi *Minister*. Mersi Mr Chair. Mon pou reponn sa kekyon lo semen Ma Joie, Mont Signal *link* ki ti en proze ki nou ti konmanse an 2019. E proze i pou *improvement* sa semen e in konmans lo kote Ma Joie malerezman in kontinyen, in kontinyen dan 2020.

E nou pa'n kapab fini sa semen. Sa proze ane nou'n fer apepre 80poursan sa proze. Me letan nou'n ariv anba pre kot bis vire Ma Joie, nou'n ganny bann problem *wayleave* ankor akoz i annan en drenaz ki ti devret pe kontinyen pou vin zet pli ba.

Me malerezman sa drenaz dan nou plan ti pe pas lo en later prive e nou pa'n ganny *wayleave*. E nou'n bezwen aret li en pe pli o i annan drenaz ki'n ganny fer petet parey ou'n *request* Onorab, petet nou a kapab fer en vizit nou ava montre bann landrwa kot travay in ganny fer.

E osi nou bann zofisye in travay lo en lot plan prezan pou kontinyasyon sa proze, sa

proze drenaz i pou kout environ R700mil malerezman i pa dan Bidze pou sa lannen.

E *as soon as* ki Bidze i disponib, nou kapab kontiny sa bout proze pou nou *sort of* tir sa problem drenaz ki pe arive laba. Me nou'n bezwen sanz sa plan orizinal ki nou ti annan pou nou kapab fer sa nouvo drenaz ki pa pou pas lo later prive si oule.

E i annan son dezyenm faz ki i pou konmans kot nou'n arete pou al dan direksyon Mont Signal. E sa osi nou bezwen *liaise* avek bann propriyeter prive avan nou kapab konmanse i pa dan Bidze sa lannen.

E letan sa bann *wayleave* in fini ganny etablir, la prezan nou ava enkli li dan Bidze pou nou kapab kontinyen.

Lo kote "*wages and salaries*" *ok* sa i en logmantasyon dapre en *new Scheme of Service* ki ti vin an plas lannen pase, ki'n ganny aprouve par *DPA*. Mersi.

**MR SPEAKER**

Minis ti annan en bout pou ou.

**MINISTER ANTONY DERJAQUES**

Mersi Mr Speaker. Mon'n donn mon komanter sa pti bout *tarmac* ki nou'n mete kot English River kot Mr Hoareau. Kekfwa *CEO* i anvi azout lo la,

selman mon'n in fer sa pti bout travay.

Mr Speaker lo Vilaz Trezor mon ava anvoy sa *request* kot *SPTC* kot son *CEO* Mr Patrick Vel, pou li avek son zofisye pou monte kot Vilaz pou regarde e pou *report back* si *SPTC* i kapab ede e ki'n arive akoz bis pa pe mont laba.

Parey ou'n dir dan bomaten e dan aswar espesyalman. Mersi Mr Speaker.

### **MR SPEAKER**

Wi Onorab ki klarifikasyon.

### **HON ANDY LABONTE**

En klarifikasyon ki mon pe sey dir se ki sa 4milyon ki zot in dir la i sipoze la kot sa *roundabout*. Petet nou kapab pran an kont sa sorti ki ti deza dan plan orizinal ti sipoze annan en sorti pou al kote dan nor la, petet nou kapab pran an kont ler nou pe fer sa devlopman.

Apre *in regards to* anler Ma Joie, mon ti a kontan sa vizit, akoz i montre ou dan lepase kot si zot in ganny bann difikilte koumsa se senpleman akoz i annan dimoun dan zalantour ki santi ki ler sa proze in ganny deroule in fer pou benefisye selman serten dimoun, ki prezan dimoun in vremen pa mekontan e ki zot in deside pou zot pa donn *wayleave*.

So i enportan pou nou dan le fitir ler nou pe fer bann proze koumsa annou konsilte dimoun dan kominote an zeneral e san faver. Mersi.

### **MR SPEAKER**

*CEO* eski ou annan okenn pwen pou adrese la?

### **CEO PARINDA HERATH**

Mon'n not sa pwen Mr Chair mersi. E lo kote 4milyon ki Onorab pe dir i en i pa dan Bidze sa lannen, me selman sa ki ou pe mansyonnen i sa ant sa de *roundabout* sant La Rivyer Anglez.

Wi nou kapab konsidere e nou pou bezwen diskite avek Departman Transpor eksetera, e pou osi get ki devlopman ki pe vini dan sa *area* pou gete si en semen ki pou konekte avek sa *main road*, devan i apropiye. E si wi nou kapab enkli li dan en proze. Mersi.

### **MR SPEAKER**

Mersi. Onorab Adelaide.

### **HON FRANCOIS ADELAIDE**

Mersi Mr Chair. Bonn apre midi Minis avek ou delegasyon. Mon osi mon oule remersye *CEO* Herath avek son lekip pou bann bon travay ki zot pe fer, esperon ki nou kontinyen.

Petet *CEO* mon pa'n war sa dan Bidze, me mon krwar

nou ti'n konmanse en lagrandisman pon kot Anse Poules Blue kot *opposite* Mr Laporte, petet ou kapab donn nou en pti akoz mon ti war zot konmans vin marke en pti kontrandi lo la.

E dezyenm Minis bomaten ou'n koz lo *West Coast Development Project*, e mon kontinyen ensiste lo la akoz i en keksoz ki pou benefisyè zabitan Baie Lazare e tou bann dimoun ki vin dan Baie Lazare.

Me selman ki mon pepanse dimoun i anvi konnen akoz nou'n tann dir poudir i annan en *Grant*. Konbyen i ete sa *Grant* konbyen larzan nou annan la? E petet si sa *Grant* i ase sibstansyel petet i a sanz en pe bann lide dimoun petet i ankor pe retisan pou donn *wayleave*.

Aprè Minis *in regards to wayleave* petet osi ou konnen parey Onorab Loizeau in dir bann dimoun i ankor tromatize. Tro bokou letan zot in ganny abize lo later e mon aprann la i annan en madanm ki nou pe negosye *wayleave* ek li ki Gouvernman sortan ti anvi fer semen, pou pas dan son salon, kot son lakwizin ti pou en lot kote i ti pou bezwen sot semen pou li al dan son lasanm.

*(laughter)*

**HON FRANCOIS ADELAIDE**

So Minis ... Minis posib ...

*(laughter)*

**MR SPEAKER**

Ale Onorab terminen.

**HON FRANCOIS ADELAIDE**

Minis serye sa, sa ki mon'n dir Mr Chair i serye sa. Zot ti pou pas dan lakaz sa madanm dan salon, lakwizin ti pou en kote ti bezwen sot semen pou li al dormi. Me sa se Gouvernman *SPPF* sa si ou pa konnen mon ava fer ou konnen Mr Pillay Onorab. Minis petet.

**MR SPEAKER**

Ale.

*(Interruption)*

**HON FRANCOIS ADELAIDE**

Mon a *substantiate*.

*(Off-Mic)*

**MR SPEAKER**

Trankil silvouple !

**HON FRANCOIS ADELAIDE**

Mon a *substantiate* sa lakaz se pou Madanm Pool la mon dir ou pou Madanm Pool. In deza monte in deza vin dir tou ! So i pa sipoze annan problemm.

*(Interruption)*



**MR SPEAKER**

Les sa Onorab fini demann son kestyon silvouple. Onorab ou'n fini?

**HON FRANCOIS ADELAIDE**

Mon pa ankor mon pe sey koze i pe *disturb* mwan Mr Speaker !

**MR SPEAKER**

Fini.

**HON FRANCOIS ADELAIDE**

Mon'n ganny elekte pou Baie Lazare mon bezwen defann. Ou pa'n ganny elekte mwan, mon'n ganny elekte pou Baie Lazare.

**MR SPEAKER**

*Order!* Silvouple ki mannyer nou pou travay koumsa zot pou lager ek kanmarad?

*(Interruption)*

**MR SPEAKER**

Onorab Adelaide ou'n fini demann ou kestyon?

**HON FRANCOIS ADELAIDE**

Non Mr Speaker.

**MR SPEAKER**

Ale terminen.

**HON FRANCOIS ADELAIDE**

*Ok.* Wi Minis petet avek sa Gouvernman ki ti la oparavan bann dimoun i ankor retisan zot ankor per, aköz i annan sa

... Nou, nou bezwen revini vin re negosye. E mon asire ler ou poudir nou kantite larzan ki nou'n gannyen pou sa *Grant* dimoun pou pli konpran.

E mon konnen poudir zot pou donn plis *wayleave*. E petet mon a demann ou ki poursantaz *wayleave* ki nou'n gannyen pou fer sa proze, e ki poursantaz ki nou pa ankor gannyen pou nou kapab konpare? Mersi.

**MR SPEAKER**

Mersi.

**MINISTER ANTONY DERJAQUES**

Mon a reponn sa enn dernyen avan.

**MR SPEAKER**

Ale Minis.

**MINISTER ANTONY DERJAQUES**

*Ok.* Sa *Grant* i *sufficient* pou fer sa semen, selman pou bezwen pas proses ki sa pei ek sa personn son bann *expert* osi pou pas lo la pou get sa plan e zot pou met ase pou kouver sa semen.

Savedir napa en sonm spesifik selman Gouvernman Sesel *as part of the project* li in met R6milyon li pou li ede. Sa proze i zot, zot kouver semen selman nou, nou bezwen al lo *wayleave*, e si i annan okenn konpansasyon pou bann

dimoun ki dir *ok* pran en pti bout zot later pou fer semen nou ki bezwen al pey sa.

Savedir nou, nou langazman lo nou kote se pou *provide* ase later tou lede kote semen apre pou negosye avek bann sitwayen avek propriyeter.

Konbyen bann later sa kekfwa sa ou ti devret demann taler ler yer *PS Andre*, ti la akoz napa nanryen pou fer avek *SLTA* sa. Sa ti en kestyon yer e yer mon ti tous lo la e mon eskize ki ou pa'n tro spesifik akoz i ti la li, li ki *head* sa proze li ki ti pe negosye.

E li ki konn tou sa bann detay e ozordi li in fini yer ki ti la. Alor mon pa kapab donn ou sa bann detay selman mon kapab demann li pou anvoy kot ou.

Taler dan *break* nou ti pe diskite ansanm avek *PS ek lot PS* nou ti pe dir ki pou bann konplikasyon lo *wayleave* kot i enkli later avek posibleman konpansasyon. Nou bezwen fer en *emergency* ouswa en *Standing Committee* ki enkli *Land Use, Finance* avek *Transport*.

Pou ede pou nou kapab deblok sa bann problem *wayleave* e mon krwar sa i en bon lepa i en bon lepa devan. Bann ki *SLTA* i kapab fer vit, vit kot nou kapab fer sinyen kot napa konplikasyon nou ava fer li.

Me bann ki difisil ki blok en proze, mon krwar konman en Komite nou a met nou latet ansanm, enkli kekfwa avek *Attorney General* e nou a rod en fason pou nou bouz devan. Alors sa i ava *at least* bouz nou devan. Mersi Mr Speaker.

### **MR SPEAKER**

Tou ou bann pwèn in ganny adrese i annan. *CEO*.

### **CEO PARINDA HERATH**

Mersi Mr Chair. Mon ava zis reponn sa kestyon Anse Poules Bleues pon. Wi nou lo nou kote nou'n fini travay lo la i pare pou *tender out* apre pou enplimante. Malerezman nou napa en Bidze sa lannen i ti pou anba "*maintenance of bridges*" as soon as ki Bidze i disponib petet lo *mid-year review* letan larzan i *available* nou ava enplimant sa proze. Mersi.

### **MR SPEAKER**

Wi Onorab ki leklersisman.

### **HON FRANCOIS ADELAIDE**

Yes Mr Chair. I pa zis i pa en leklersisman petet mon ti a kontan ou, ou koz avek Onorab Pillay ler mon pe koze, akoz mon ki reprezant Baie Lazare mwan ki'n ganny vote.

So dir li pa *disturb* mwan les mon demann mon kestyon pou mon zabitan ! Mersi.

**(APPLAUSE)**

**MR SPEAKER**

Silvouple i pa en kestyon lekel ki'n ganny elekte. Manm i annan drwa demann en kestyon lo en lot distrik be selman sa ki problem se ki ler en Manm pe demann en kestyon lezot pe kriye e sa i ariv lo tou lede kote.

Tou lede kote alor silvouple respekte drwa kanmarad e nou ava al pli byen, *ok?* Annou tou respekte drwa kanmarad. Onorab ou'n fini ou'n terminen *ok* nou a kontinyen.

Mersi fotespere nou ava al en pe pli byen. Onorab Lemiel.

**HON SYLVANNE LEMIEL**

Mersi Mr Chair. Bonzour bonn apre midi Minis avek ou delegasyon. Mon ti a profit sa lokazyon mwan osi pou zwenn avek mon bann lezot koleg pou mwan remersye *CEO*, Depite *CEO*, ek tou lezot travayer kot *SLTA*, ki'n fer en travay formidab osi dan Anse Royale menm si i reste ankor travay pou fer.

Mon kestyon, Minis i annan en fraz ki ou'n dir ki pe fer mon dout en pti pe. Mon ti a kontan en pe plis leksplikasyon lo la. Ou'n servi en mo ou'n dir serten proze pou *phase-out* akoz fason ki i

pa pratik. Mon ti a kontan konnen ki oule dir par sa.

Ler ou premye ou'n eksplik en pti pe manda *SLTA whatever* e ou'n servi sa fraz. Petet ou'n fer mon dout en pti pe mon pe rode eski i annan proze ki i deza lo lalis ki i pa pe ganny fer i pou *phase-out* ki ou ti le dir par sa?

Dezyenman mon vin lo mon distrik Anse Royale i rekonesan e nou dir mersi Lanbasad Endyen kot *High Commissioner*, ansanm avek *SLTA*. Gouvernman ki'n la avan ti siny en, en *Grant* R3.6milyon pou fer semen Gran Rivyer Anse Royale.

Semen in konmanse semen in ganny kit dan semen. So prezan mon ti a kontan en pti pe lesplikasyon avek *CEO* ler i la, pou nou konnen egzaktman ki'n arive ki proze in ganny kit dan milye semen?

Mon war zis en sonm R500mil dan proze sa lannen. Eski zis se tou sonm larzan ki pou nou konplet semen Gran Rivyer? Ti annan en vizit osi ki ti ganny fer an Septanm 2020 kot *High Commissioner* ler i ti vini i ti telman apresye sa ki i ti war lo teren e *CEO* ou ti la ou osi dan sa vizit.

E i ti dir ki *definitely India Government* i pou kontinyen *sponsor* anba *India Grant the second phase Minister*. Me selman mon pa'n

tann nanryen lo *India Grant* konmsi, eski i pou *still* annan *India Grant*?

Eski dezyenm faz proze Gran Rivyer i pou kontinyen? Sa pti R500mil ki nou pe gannyen la egzakteman ki nou pe gannyen i pou kouver kwa?

Donn nou en pti pe plis lesplikasyon lo Gran Rivyer egzakteman ki pou arive?

Mon'n war en R1.5milyon *laboratory equipment* lannen pase ti napa sa mon ti pou kontan ganny en pti pe lesplikasyon petet avek Minis or CEO, ki sa lekipman laboratwar ki SLTA i *involve* ladan, donn nou en pti pe plis detay. So mon a dir mersi Mr Chair.

### **MR SPEAKER**

Wi Minis ou kapab konmanse.

### **MINISTER ANTONY DERJAQUES**

Mersi Mr Speaker. Mon a reponn en bout apre *PS* Thesee i a reponn espesyalman sa *link* avek *India Grant*. Lo mon bout mon annan SLTA son *strategic plan* 2020, enn bann seksyon ki get son bann defi in mete "*non-achievable and why*" an referans avek bann *CAPEX projects*.

E ladan i mete mon a lir li an Angle *ok*" *some projects need to be phase-out because of*" in mal met. *Ok* manner in ganny drafte son Angle pa

egzakt sanmenm mon ezite lir sa an - *into the microphone*.

Selman CEO in eksplik mon sa seksyon aköz in ganny drafte. *Of course there's strategic plan*. Ler zot in fini fer *survey* lo en proze zot war ennler i pa pratik *and this is on the basis of zot bann experts bann engineers, bann road specialist*.

E alor Bidze pa ganny *disburse* pou sa proze spesifik. Si i annan okenn legzanp kekfwa CEO i kapab donn ou enn sa bann proze ki pa'n ganny realize, aköz i pa pratik.

Alor son larepons senp se mon ti pe fer referans dan mon *opening address* lo *the strategic plan of SLTA* e mon ti pe donn son bann defi lo paz 3. *Ok*? Mersi.

### **MR SPEAKER** *CEO*.

### **CEO PARINDA HERATH**

Mersi Mr Chair. Mersi Onorab pou ou kestyon. Bon parey Minis in eksplike i annan serten proze annou dir ki sorti kot en *request* ki sorti kot distrik nou ale nou vizite nou fer bann *topo survey*.

E letan nou bann zofisye i *design* en proze nou kapab war i en bout semen ki 100 met longer, selman i pou kout nou R20milyon pou fer. Rezon pou sa i kapab annan en gran lateras, i annan bann keksoz

bann gro, gro ros eksetera, ki letan ou gete avek Bidze ki nou gannyen i pa pou *practical*, i pa pou fezab pou nou enplimant en proze koumsa *at this point in time*. E sa ki nou, nou'n enkli dan nou *strategic plan* ki Minis in mansyonnen.

Bon lo kote proze Gran Rivyer nou annan en Bidze 500mil sa i an deor sa Bidze ki an prensip Gouvernman Lenn in dakor pou, pou bidzete *sort of* pou sa *second phase*.

E ou ti la Onorab letan zot ti dakor pou donn nou finansman pou dezyenm faz. Ki nou espekte sa osi nou pou kapab *hopefully* konmans li sa lannen letan sa enn sa premye faz pe konplete.

Rezon ki'n annan serten *delay* lo sa premye faz i annan en, en bout tiyo pou *PUC* ki letan nou pe fer zot in dir nou zot anvi sanz li pou met en nouvo tiyo.

Alors proze nou'n bezwen arete. Nou'n bezwen *tender out* pou ganny en lot kontrakter pou fer sa bout sanzman tiyo. Annefe sa bout in fini. E nou'n ganny en *email* yer avek *PUC*, pou dir nou poudir zot in fini teste fer bann *pressure test* lo sa tiyo i *ok* e la nou kapab kontinyen avek proze.

Alors nou espekte tre byento sa kontrakter ki ti pe fer sa proze *re mobilise* lo *site* e proze i ava kontinyen.

Lo kote *lab equipments* sa annefe i petet en lot bout lo kestyon ki Onorab Naidu ti demande taler nou i en keksoz ki pou *improve* nou standar lo *output* si oule.

Mon krwar Onorab Cosgrow osi ti demann sa kestyon. e sa bann lekipman *lab* i pou ed nou pou teste, enn pou nou teste konpakasyon ater letan par egzanp ler *PUC* i fer son ekskavasyon nou war letan i met koltar apre en pe letan i desann.

Nou, nou le teste bann konpakasyon avan nou met koltar, pou fer sir ki i konpakasyon i bon pou nou kapab met koltar. E osi nou le teste nou *asphalt* letan i ganny prodwir dan masin avan i al lo *site* nou le teste li. E osi letan in fini ganny mete lo semen osi i annan serten tes ki nou kapab fer.

Kot *friction* lo semen e osi bann, bann materyo si in ganny byen mete dapre nou, nou *design* ki nou anvoy dan masin. Nou bezwen gete si sa *output* ki'n sorti dan masin i parey sa ki nou, nou'n *design*.

E sa i en problem ki nou'n annan pou plizyer lannen, sirtou avek sa vye masin kot sa *design mix* ki nou, nou'n mete pa li ki sorti. Alors letan nou al met koltar, koltar letan ou get li ek lizye ou pa pou war i annan en keksoz ki mal avek.

Letan ou'n fini mete apre detrwa mwan ki ou pou konmans war i annan defo avek. Alors nou, nou anvi fer sir nou fer sa bann tes davans, ki avan koltar i ariv lo *site* nou'n fini teste nou konnen sa koltar ki nou pe anvoye dan *pickup* i bon.

E alors sanmenm sa bann lekipman *lab* ki nou, nou anvi *procure hopefully* sa lannen, pou nou kapab *improve sa quality finishing* ki nou donnen. Mersi.

### **MR SPEAKER**

PS ti annan keksoz pou azoute wi. PS.

### **PS DAMIEN THESEE**

Mersi Mr Chair. Bonzour. An sa ki konsern bann proze Lenn sa i plizoumwen ganny kordinen atraver *Local Government* e i bann *district projects* ki kapab enkli osi *Local Government, SLTA* osi.

Me pou le moman sa lokasyon in plen, e in fini ganny soumet ek Lenn pou son dezyenm faz e nou ankor pe esper larepons. So si oule detay sa bann lalis ki anba la mon kapab fer ou gannyen apre midi ou a war tou sa bann proze ki anba la. Mersi.

### **MR SPEAKER**

Mersi PS. Mon annan ankor 6 entervenans lo mon lalis e mon konnen i annan bann Komite

ki pe zwenn 12.30. E mon osi mon annan viziter so nou pou bezwen rebran Bidze apre midi.

Minis avek ou delegasyon mon bezwen anvoy zot e re appel zot pou 2er. Alor nou a pran en poz la e nou a rezwenn 2er. Mersi.

**(BREAK)**

## **SEYCHELLES LAND TRANSPORT AGENCY (Cont )**

### **MR SPEAKER**

Bonn apre tou dimoun. Eskiz pou sa pti retar ki akoz plizyer Manm in ganny pri dan diferan *meeting*. Nou annan en pe Manm ki prezan ki *on the way* pou antre me nou a konmanse e zot a zwenn nou.

Onorab Mondon i la? Onorab Mondon wi ou annan laparol.

### **HON TERENCE MONDON**

Mersi Mr Chairman. Bonn apre midi Minis avek ou delegasyon. Mon premye i annan pou fer avek lalimyer dan distrik. *CEO* in dir nou ki pou annan sa *consignment* 30mil lalimyer. Ki zot plan pou bann lalimyer soler?

Mon dezyenm kestyon i adres size sa lanvironnman prokir, prokirman ki zot in fer resorti konman en defi ki

anmenn retar dan zot bann proze.

Eski zot kapab dir nou ki pou, poursantaz sa retar zot gannyen dan zot bann proze lo en, ler nou pe koz en lannen ouswa dan dirasyon en proze ki kantite retar vreman zot gannyen?

E si zot fer sa travay pou asosye bann kou, bann kou ki asosye avek bann retar, pou zot konnen kote plis sa retar i ete si zis prokirman, ouswa i dan bann lezot faz planifikasyon?

Akoz *at the end of the day* piblik ki *bear* sa kou ler in ariv retar dan bann proze. E sirtou la kot nou pe koz *Ease of Doing Business* enn bann endikater ki, ki pou konmans pran an kont se prokirman piblik. E ki travay ki zot pe planifye pou fer pou kapab si oule adres sa sityasyon retar bann proze?

E finalman Mr Chairman i annan sa size re sirfas dan mon rezyon sid, mon kontan ki Minis in dir nou ki zot tonm dakor lo en fason travay, sirtou avek bann antite itilite piblik parey *PUC*.

Be sa travay ki pe ganny fer la aktyelman dan mon distrik dan rezyon sid, eski sa travay pou en travay final, ouswa i pou annan aköz bann lepeser re sirfas i pa neserman i sa re sirfas ki nou bezwen pou fer sa standar lo semen.

Petet dir nou ki mannyer pou ale avek sa Bidze ki nou pe gannyen, si nou pou kapab refer sa re sirfas konplet e ki dan dele letan *PUC* in donnen pou, pou kapab fer sa travay konplet? Mersi.

### **MR SPEAKER**

Mersi Onorab. *CEO* wi.

### **CEO PARINDA HERATH**

Mersi Mr Chair. Mersi Onorab pou kestyon. Lo kote *street light* zis pou klarifye i 3mil lalimyer pa 30mil en. Lo kote *solar lights* nou konnen i annan en donasyon ki (*SEC*) savedir *Seychelles Energy Commission* pe *lead the way* pou nou ganny 800 lalimyer solar.

Mon krwar nou sipoze ganny li sa lannen. E i annan bann landrwa ki nou'n deza propoze kot pou mete e sirtou i bann landrwa parey Perseverance, Roche Caiman, dan bann landrwa kot nou konnen i annan en *network street lights*.

I pou fasilite nou sirtou letan pou fer *maintenance* dan plas met 4 lalimyer dan en distrik *whatever*, parey ti ganny fer dan en lot faz pli boner. Nou, nou pe sizere bann landrwa parey Perseverance kot napa *tree cover* osi ki enportan pou *solar lights*, nou le met li dan bann landrwa spesifik ki letan pou

fer *maintenance* i fasil nou konnen kot sa bann lalimyer i ete.

En sel kou i kapab ganny trouve letan pou fer *survey* pou met bann *solar lights*. Alors *solar lights hopefully* nou ava ganny sa 800 pou nou kapab ranplas sa bann *faulty* ki nou pe ganny en bon pe problemm avek bann Perseverance, parey mon'n deza dir avan e dan bann lezot *housing estates*.

Lo kote retar ki nou gannyen lo *procurement*, i en pe difisil pou asosye en kou avek akoz nou konman en lazans Gouvernman nou fer sir nou bezwen nou swiv tou sa bann prosedir ki'n ganny mete sa *Procurement Act* i ganny swiv.

E definitivman sa i anmenn serten, serten retar. Nou pa'n zanmen deza fer en *cost* e nou pa'n asosye en *costing* avek.

Me selman si ou get nou avek en lakonpanyen prive par egzanp, en desizyon ki kapab ganny pran dan en zour, kote nou kapab al aste serten lekipman par egzanp okenn *procurement* kot desizyon i vitman dan en zour, en semenn maksimonm nou pou war nou antre dan sa bann prosedir *Procurement Act* i pou pran nou petet menm plis ki 1 mwan.

Alors i pa pou *fair* si oule pou tanzantan nou war i annan dimoun i konpar nou avek sekter prive, ki i difisil pou konpar sa de. Pou par egzanp pou enplimant en proze i annan diferan staz e nou bezwen konmans avek en *survey*.

E menm pou *survey* parler nou bezwen depan lo ki *threshold* i ete nou bezwen fer en *tender* pou *survey* ki pran detrwa mwan.

Aprè sa *Planning application ok* sa i normal, la nou bezwen antre dan sa *procurement process* ki pran ankor 1 mwan edmi 2 mwan.

E letan ou gete letan ou pe konmans en proze in fini ariv Zilyet, Out dan en lannen. Sa i bann retar Onorab me selman i difisil pou mwan asosye en kou avek.

Lo kote *resurfacing works* non i pa sa *resurfacing final* ki nou pe fer. Akoz dan bann diskisyon ki nou pe fer avek *PUC*, zot in enform nou depi Au Cap ziska Anse Royale zot in fini tou bann travay ki annan.

Me *from* Anse Royale ziska Takamaka i annan en kantite travay ki zot pa ankor fer zot annan bann koneksyon bann kab zot fer apre zot bezwen teste.

E si i ariv en lenstans kot i annan fot zot pou bezwen re fouye pou aranze. Alors ki nou



pe fer pou le moman, vi ki zot in dir nou zot napa en egzakt *timeframe* ki zot kapab donn nou, nou pe kouver tou sa bann landrwa ki zot in fouye.

I annan landrwa nou pe fer zis en kote semen pou le moman, avek en *very thin layer of asphalt*. E plitar letan tou sa bann proze *utilities* i fini nou pou retournen pou nou *top li up*, pou nou ganny sa *proper* lepeser 50milimet ki normalman nou servi.

Nou bezwen note ki pa zis ki *PUC* i annan zot lezot *utilities* parey *telecom* sirtou, ki zot osi zot annan bann *manholes* eksetera ki zot pe fer obor sa bann *manhole PUC*.

E pa tou sa bann keksoz ki annan en, en *timeframe* ki zot in donn nou ki egzakt pou nou kapab organiz nou, nou programm travay.

Alors nou pe fer li parey mon'n dir en *initial phase* apre letan bann keksoz i fini nou pou vini nou pou *top li up*. Mersi Mr Chair.

### **MR SPEAKER**

Mersi *CEO*. Onorab Porice.

### **HON DOYACE PORICE**

Mersi Mr Chair. Bonn apre midi *Minister* avek ou delegasyon. Bonn apre mon bann koleg e pou tou bann ki pe ekoute. Ankor enn fwa mon osi mon pou felisit Minis avek son lekip sirtou *CEO*, pou sa

bon travay ki zot pe fer lo nivo Praslin.

E pou azout avek sa ki mon koleg Onorab Gill in koze konsernan semen. Annou pa bliy semen Consolation ki pa ankor fini met koltar osi kontinyasyon semen Cherimont pou ariv Anse Lazio.

Mon pa konnen si lo proze la me petet met li lo zot, lo zot lalis. Apre konsernan drenaz nou ganny en kantite problem letan lapli i annan bokou lapli sa *main road* nou ganny bokou problem avek delo, si zot kapab get ladan.

Apre Minis letan zot pe fer zot *review* - konnen in dir poudir la napa larzan pou *bus stop* mazin en pti git lo Praslin akoz nou annan dimoun ki ankor pe esper, pe esper bis dan rigol pa pe kapab debout obor semen akoz napa *bus stop*. Mersi.

### **MR SPEAKER**

Mersi. Wi *CEO*.

### **CEO PARINDA HERATH**

Mersi Mr Chair. Mersi Onorab pou ou kestyon. Semen Consolation wi i dan nou plan pou kontinyen avek *resurfacing*. Annefe nou'n aret *resurfacing* lo Consolation pou fini sa de proze *sort of* proze irzan ki letan nou ti fer vizit avek Prezidan nou ti ganny

demande pou fer sa o pli vit posibil.

E travay i *ongoing* nou espekte dan petet dan detrwa semenn nou pou fini avek sa, sa bann *asphalting* ki nou pe fer dan *jetty*. E letan nou fini sa nou annan detrwa bann lezot pti proze ki nou'n deza ganny peye par egzantp avek SAA ek bann *request* ki'n vini sorti kot *MLUH*.

E letan nou fini avek sa nou pou kontinyen avek nou proze *resurfacing* ki nou'n konmanse Consolation. Lo kote semen Cherimont petet ou'n war nou'n *resurface* sa semen lannen pase.

E nou'n ariv kot semen in fini e pou kontiny li i pou en lot proze kapital; i pa zis pou met koltar i en proze kapital ki nou pou bezwen enkli dan nou *PSIP* pou le fitir e nou pou bezwen inisye en proze pou li i pa *feature* lo nou lalis *PSIP* pou le moman.

Lo kote drenaz avek semen, nou ava demann nou teknisyen pou fer bann vizit avek *CAMS* ki Departman Lanvironnman akoz zot, zot annan en, en *drainage task force*.

E sa *task force* son manda i pou *design* bann drenaz pou idantifye bann landrwa ki *flood* e donn nou bann proze bann rekomandasyon ki nou kapab

enplimante letan finansman i disponib. Mersi.

### **MR SPEAKER**

Wi ti annan en kestyon lo bus stop ou a zis note pa en kestyon vreman en remark lo fer *bus stop* Praslin.

### **CEO PARINDA HERATH**

Mersi Mr Chair. Lo kote *bus stop* malerezman sa lannen nou napa en Bidze pou nouvo *bus stop*. Selman nou ti annan en proze Baie Ste Anne kot lopital ti'n fini pare pou nou kapab enplimante.

Li osi i en vye proze e nou ti anvi enplimant li *as soon as possible*. E nou ava, nou ava gete letan Bidze i disponib mersi.

### **MR SPEAKER**

Mersi *CEO*. Onorab Sophola.

### **HON NOLINE SOPHOLA**

Mersi Mr Chair. Bonn apre Mr Chair. Bonn apre Minis avek ou delegasyon tou Manm Onorab e tou dimoun ki a lekout. Mr Chair mon osi mon zwenn ek mon lezot koleg pou felisit *CEO* Mr Parinda ek son lekip sirtou lekip lo Praslin nou'n fer en bon travay ansanm mon dir ou kontinyen.

Minis mon kestyon se *wayleave*, malgre ki ou'n koz bokou lo la. Anvi ki sa size *wayleave* i en size byen delika

kontrovers e pe anmenn bokou retar dan proze distrik. Minis parey taler ou'n dir zot Gouvernman i donn en larzan ouswa i pran sa later.

Me ki mon pe demann ou eksplik Lasanble sirtou bann piblik deor ki oule konnen, ki prosedir pou aksyon ki ou Minister i pran ler en *owner* malgre tou negosyasyon i pa oule donn *wayleave* pou fer par egzantp en proze semen ki pou deservi lakominote?

E mon dezyenm keston mon pou siport Onorab Churchill Gill ler in koz lo reveni ki Praslin e La Digue i fer. Nou kontribye bokou vremen bokou dan lekonomi e ler mon get lo Bidze *SLTA* pou La Digue nou'n benefisye tre pe.

Mon kapab dir selman semen *Vanilla phase 2* Minis ki pou arive avek sa semen Koko Ibri ki ti dan proze depi lannen pase kot drenaz pe ganny fer?

Dapre diskisyon ler drenaz ti pe fer apre sa semen osi ti pou ganny fer. E mon konnen ki i tonm anba avek de Minister e mon dernyen keston anvi ki sa proze semen ki pas lo pon *bridge* la kot *Espace building* i pa dan proze kapital.

Eski *CEO* i kapab donn sa Lasanble en apersi ki pe arive avek sa proze e osi dir

nou kote i pou fini? Mersi Mr Speaker Mr Chair.

### **MR SPEAKER**

Wi Minis wi konmanse.

### **MINISTER ANTONY DERJAQUES**

*Thank you* Mr Speaker. Mon a zis fer en komanter lo *wayleave* apre leres i teknik ek direktman *CEO* i ava reponn. Lo *wayleave* nou pe sizere trwa Minister i a vin ansanm pou nou kapab *add* tou nou resours ansanm, kot bann propriyeter ki pa oule fasilman negosye, pou nou gete ki mannyer nou pou kapab negosye vremen avek li.

Akoz enn *Land Use* i bezwen vin ladan, aköz en kantite zot i demann en *exchange of land*. E i annan par egzantp kot sa *third lane* Erport i annan enn bann propriyete ki anvi *exchange of land*.

I annan par egzantp ki demann pou fer en pti miray pou li, ouswa en lateras savedir sa osi nou pou bezwen finans dan nou kote pou nou gete ki mannyer nou kapab *finance* ler nou pran en pti bout later, nou pe ed sa propriyeter pou en keksoz. E preski toultan i en lateras ouswa en *fence* pou *fence* li *off main road*.

Apre trwa nou pou bezwen finans bann ki pe

negosye for lo en konpansasyon pou nou sey fer sir ki i pa vreman en *market value* be en pti konpansasyon.

Ziska aprezan zanmen Gouvernman *CEO* i dir mon zanmen in servi sa zouti legal ki la e sa i en zouti final ki kapab ganny servi selman i pa fasil servi li aköz listwar *land acquisition*.

E Gouvernman o zour la pa fasilman pou al fer en *land acquisition*, aköz pou sa dernyen 43an in ganny servi dan en serten fason kot pa neserman pou en *public purpose* be in kapab ganny servi osi pou *private ends*.

E la nou'n ranforsi nou dan trwazyenm repiblik pou vin en demokrasi alor i difisil i annan en *psychological barrier* dan latet en kantite dimoun, ler ou dir ou pou al *acquire* en bout later pou fer en proze menm si i en *public road*.

Alor pou le moman mon pou konsantre avek *SLTA* pou nou form sa Komite avek sa de Minis, de Minister, pou nou kapab *persuade* pou nou montre piblik sa bann propriyeter ki i dan zot lentere osi, pou nou fer bann semen ki pli *safe* ki pli an sekirite e ki pli bon pou piblik Seselwa.

Wi *at the end* i annan en zouti legal selman i pa fasil pou nou ariv laba e alor nou a konsantre lo negosyasyon pou le moman. Mersi.

## **MR SPEAKER**

Mersi *CEO*.

## **CEO PARINDA HERATH**

Mersi Mr Chair. Mersi Onorab. Lo proze Koko Ibri i en proze ki depi lannen pase nou ti'n fini pare pou enplimante, me malerezman *PUC* i annan sa proze *sewage* ki letan nou'n vizite avek Minis resaman Koko Ibri the end son bann landrwa ki zot pou pase antye lo la.

E nou bezwen esper konplet zot bout proze aköz i parey Minis in eksplike taler zot pe al foyu environ 2 met larzer 2 met fonder savedir nou pe koz plis ki lanmwatye semen lanmwatye larzer semen mazorite bann semen lo La Digue.

Alors definitivman nou pou bezwen esper zot fini, pou nou kapab enplimant nou proze semen. Selman nou, nou letan nou'n koz avek *PUC* nou'n dir zot nou annan Koko Ibri, nou ti annan Pansyon Michel sa i bann semen ki nou ti dir zot i priyorite pou nou.

E si letan zot kapab letan zot konmans zot proze fer sa de semen vin priyorite e zot ava fini zot bout pou nou kapab konmans pou nou.

Lo kote semen kot *Espace* i sanmenm sa ki taler mon ti mansyonnen anba bann proze *Victoria Traffic*

*Management* ki pou pran depi kot, kot nou ete *National Library* pou al zwenn, i annan en *highway* i annan en *dual carriage way* ki sipoze pase la, ki pou tonm kot sa *round about* kot Ile Du Port e li i pou kontinyen.

Pou le moman nou pe servi zis en kote sa pon pou al *Inter Island Quay* e letan sa bout proze isi lo Ile Du Port i ganny fer, nou pou ouver sa dezyenm lot kote ki pa pe ganny servi pou le moman. E pou le moman avek sa sityasyon ki nou ete i pa, i pa vremen neser pou ouver lot kote.

Alors i pou bezwen vin avek sa proze, i pou bezwen vin avek sa proze lo Ile Du Port letan nou fer sa *dual carriage way* pou kontiny, pou kontiny ziska *Inter Island Quay*. Mersi Mr Chair.

### **MR SPEAKER**

Mersi *CEO*. Onorab Samynadin.

### **HON KELLY SAMYNADIN**

Mersi Mr Chair. Bonn apre Minis, *PS*, delegasyon *SLTA*, tou dimoun a lekout. Premyerman parmi zot bann priyorite stratezik mon war ki i dan plan pou zot travay davantaz pou minimiz retar sa ki konsern konpleksyon proze.

Dan sa laliny mon ti a kontan konnen ki plan *SLTA*

pou rezyon *Turtle Bay* dan mon distrik, kot i annan plizyer lannen de la bann zabitan sa landrwa ti pe reklanm avek ladministrasyon presedan pou amelyor sistenm drenaz ek semen dan sa landrwa.

Akoz ler lapli i tonbe delo i monte e i antre dan bann lakaz anvi son tipografi. Sa i date depi dan bann lannen 1990. I menm annan en koup Mr Basil ek Madanm Vivienne Soudy ki ti kontribye R250mil an 2012 dan *Disaster Relief Fund* anver materyalizasyon sa proze.

Me ziska ozordi 9an apre sa bann dimoun pa ankor tann nanryen lo la. Si nou ti kapab ganny pozisyon Gouvernman lo sa size pou benefis sa bann dimoun ki pe espere?

Mon dezyenm i en rekomandasyon en pe dan laliny Onorab Porice, mon vremen fyer poudir ki laplipar landrwa dan Au Cap i annan en *bus shelter* a leksepsyon bann zabitan *Green Estate*, ki zanmen zot in ganny en *bus shelter both* monte avek desann.

E lapli soley zot bezwen debout esper bis e se souvandfwa pandan bann long peryod. Mon pe rekomande menm si i pa dan Bidze sa lannen me petet an 2022 pou ki sa bann dimoun zot osi zot

ava kapab ganny en *bus stop* ki zot ava finalman esper bis dan konfor. Mersi.

**MR SPEAKER**

Mersi Onorab. *CEO* wi.

**CEO PARINDA HERATH**

Mersi Mr Chair. Lo kote *bus shelters* wi Onorab nou kapab azout sa de *bus shelter* lo lalis nou pou bezwen byensir gete get lo bann priyorite apre nou napa en Bidze sa lannen parey mon'n eksplike taler.

Me nou ava konmans, konmans inisye en travay pou *design* li. Lo kote drenaz *Turtle Bay* kot ou'n mansyonnen i pa neserman tonm anba *SLTA* me selman mon konn en pe lenformasyon lo la.

Mon ava zis pas avek ou i annan sa *Drainage Task Force* parey mon'n dir ki pe travay lo sa bann drenaz i annan serten louvraz ki zot in deza fer dan rezyon Au Cap me selman la kot Mr Soundy osi i en landrwa ki mon, mon'n war detrwa bokou bann *email* ki'n ale vini lo la.

E i annan sa departman *CAMS* ki pe travay lo *design* sa bann proze. Prezan letan sa *design* in konplete i pou tou depan lo ki lazans ki pou enplimant li si sa i ganny *pass on* avek nou, nou, nou pare pou enplimante si Bidze i disponib. Mersi.

**MR SPEAKER**

Wi Onorab.

**HON KELLY SAMYNADIN**

Ou pa pou konn nanryen lo sa, lo sa ki konsern sa *Disaster Relief Fund* ou pa pou konn nanryen lo la?

**MR SPEAKER**

*CEO* ou, wi ou kapab donn li en repons?

**CEO PARINDA HERATH**

Wi mon kapab zis dir ki nou i pa'n ganny donn okenn *fund* avek *SLTA* petet i avek en lot Lazans. Mersi.

**MR SPEAKER**

Mersi. Onorab William.

**HON WAVEN WILLIAM**

Mersi Mr Chairman. Bonn apre midi Minis avek ou lekip. *CEO* avek ou lekip kontinyen sa bon travay. Mon premye konsern se ler mon pe get anba *strategic priorities bullet point 1*, mon ti a kontan ganny en pti leksplikasyon vizavi letan pe koz *meeting the standard*.

*CEO* nou'n war ki bann groser transpor ki pe ariv dan pei e nou pe war poudir sa baz semen ki nou pe servi en bon pe letan in ganny konstri.

E nou war poudir menm zot pe met koltar, nou war i annan bann depresyon ou a

krwar ou dan laroul ou dan obor Mamelles, zil Mamelles ou a krwar ou dan en bato dan serten rezyon semen.

E mon anvi konnen letan zot pe dir sa, ki zot pe sinyale letan zot pe koz standar? Akoz letan nou Seselwa dan en transpor nou pe, nou pe mazin standar nou pe mazin en semen ki plat.

E nou pe war poudir letan zot pe refer semen nou pe demande ki eski zot pe gard zot pe *assess*, oubyen zot pe *evaluate* baz sa bann vye semen avan ler zot pe fer li, akoz deplizanpli nou pe ganny pli gro transpor, me nou semen pe ganny afekte. So mon ti le en pti pe leksplikasyon lo la.

E dezyenmman letan mon war osi poudir zot anvi amelyor negosyasyon avek bann, bann *owners* later pou *wayleave*. Be mon annan en sityasyon dan mon distrik kot Grand Anse Mahe la mon pe koz prezizeman lekòl La Misere, kot zot ti elarzi sa kontour kot bann fanmir Michel e i annan plis ki 2an edmi zot pe esper zot peyman zot pa ankor gannye.

Me selman travay in fini ganny fer e sa msye i dir mon poudir be letan zot ti konmanse ti vin lo ledò seval, e la letan pou ganny peye konmsi ou a krwar i vin lo ledò

torti. So 2an edmi mon war poudir i tro bokou letan.

E prezan mon annan lezot landrwa par egzanp ler ou kit *View Point La Misere* an desandan defen Sofus Larsen i annan en kontour ki danzere la ki nou'n montre lentansyon fodre ti a bon zot aranze.

Akoz pou annan i riske annan en gro aksidan enn se zour. Me si sa bann dimoun la pe, pe mazine poudir be *ok* mon pou donn mon later, me selman nou pe ganny en retar pou nou ganny larzan, so i pa ankouraz Lotorite Distrik osi pou al negosye. Akoz nou pe, nou pe war poudir keksoz pa pe sanze.

So ki nouvo lapros zot pe pran vizavi fasilite peyman vitman? E mon dernyen kestasyon i trouve lo *PSIP* i annan de proze ki mon war i tonm dan distrik Grand Anse Mahe mon trouv i annan en *improvement* lo *Barbarons Terminal* en kou 1.4million epi mon war poudir i annan en *footpath* i *on going* 2million mon ti a kontan ganny en pti leksplikasyon lo la?

E an menm tan mon war poudir zot Bidze in ganny koupe par 35bilyon e prezan eski zot pou kapab delivre parey zot ti ava voudre par lefe ki zot Bidze in ganny koupe par R35.4milyon? Mersi.

**MR SPEAKER**

Mersi Onorab. *CEO* wi.

### **CEO PARINDA HERATH**

Mersi Mr Chair. Mersi Onorab pou ou kestyon. Lo kote *quality* wi parey mon'n eksplike taler i bann keksoz ki nou pe sey amelyore. Nou annan serten defi lo kote lekipman e osi lo kote *manpower* lo kote lekspertiz si oule, e nou pou kontinyen seye pou nou *train* nou bann dimoun *on the job* eksetera pou donn en travay ki pli o nivo.

E me selman parey ou'n dir i annan bann landrwa ki nou osi nou'n deza idantifye, kot nou bezwen kas sa semen ki egziste pou nou travay lo nou bezwen konmans lo *scratch* travay depi lo baz e apre pou met en nouvo sirfas.

Pou le moman ki nou pe fer vi ki nou annan en gran *backlog* e avek Bidze ki nou annan si nou antre dan bann proze *structural* parey nou dir, sa bann ki la ou pou war nou, nou pou kapab fer petet – (sa zis en legzanp mon pe donner), dan plas nou pe *resurface* depi Anse Royale ziska Takamaka ou pou war nou kapab fer zis 1kilomet semen.

I pou nou pa dan en pozisyon pou fer sa pou le moman. Sa ki nou pe sey fer nou pe sey kouver pou donn en sirfas ki akseptab lo

*network primary* antye, apre sa nou pou antre dan sa bann travay detay lo bann pozisyon spesifik lo bann lokasyon ki nou'n deza idantifye. E i vin avek bann lezot proze ki pou *involve* bann lezot Minister osi.

Par egzanp i annan bann semen lo lakot, ki sa lefe erozyon pe koz en kantite problem. E lav sa bann baz anba la, menm kot i annan bann miray eksetera menm si ou pe war miray i la, ou pa pe war nanryen ki pe ganny lave be anba la sa *sub-base* in ganny lave e semen i kontinyen desann.

Menm ler ou met en sirfas apre serten letan i desann e i pa en travay ki zis nou pou kapab fer lo kote semen, i annan lezot keksoz bann *erosion protection measures* ki Minister Lanvironnman osi pou *involve* pou bezwen travay ansanm avek nou pou fer.

Bann *breakwater* en pe pli lwen avek semen pou ranpli petet pou fer bann *rock armoring* kot i neser. E la prezan sa bann, sa bann keksoz in fini ganny fer ki nou, nou kapab vini konmans travay lo baz semen.

Akoz menm si nou ti fer baz la apre en pe letan sa *sub-base* i kontinyen ganny lave anba la. Lo kote *wayleave* mon pou zis dir de pti mo petet Minis i ava azoute apre.



Mon okouran byen sa case La Misère e i enn ki nou'n *forward* kot Departman *Lands* bokou letan pase, e nou'n sey met maksimonm presyon posib e i malere ki pou le moman i pa ankor ganny *sort out*.

E proze in fini *hopefully* dan sa bann letan ki pe vini detrwa mwan, nou kapab finaliz se e pey sa konpansasyon ki ti'n ganny agree. Mersi.

**MR SPEAKER**

Minis ou a azoute. Wi Minis.

**MINISTER ANTONY  
DERJAQUES**

Mon a demann lenformasyon avek *SLTA* apre mon a *take it up* avek *Lands* ek *Finance* aköz i bezwen al kot *Finance*, si in fini fer lagreman e la i reste zis peyman. Mersi.

**MR SPEAKER**

Mersi Minis. Siplemanter Onorab William wi.

**HON WAVEN WILLIAM**

Mersi Mr Chairman. Mon ti anvì zis pas en pti komanter. Par lefe ki mazorite Seselwa i annan en pti transpor e nou pe pey *road tax*, me an menm tan ou annan bann biznes ou annan bann gro transpor pe antre dan pei.

Mon pe zis mazin en si i pa ti a bon zot revwar en pti

pe? Aköz mon konnen poudir larzan i zwe en rol enportan. Me pou le moman ki mannyer sa i ete bann ki pa pe fer bann soz komersyal oubyen en pti transpor oubyen bann ki pe fer bann gro transpor. Eski i annan en diferans?

Ouswa eski i annan bann kozri partenarya ki bann konpanyen ki fer vini bann gro transpor, pey en pti pe plis ouswa kontribye dan en fon pou kapab ede.

Par egzamp si ou pe sorti kot *point 'a to b'* e ou transpor i gro i pou annan en lenpak mon pa konnen kantite frekans osi ki i ale. Eski nou pe mazin en pe dan sa laliny? Mersi.

**MR SPEAKER**

Wi Minis oule adrese.

**MINISTER ANTONY  
DERJAQUES**

Sa diskisyon mon'n annan avek *RTC* e avek *PS Transport* e nou konsyan bann difikilte e *road tax* pou le moman i ganny peye lo son 'cc.' Alor nou pe get sa, sa *issue* i *complex* selman i lo nou latab e nou pe *review*.

Aköz detanzantan i annan sa bann *issue* ki ganny *raised*. E nou, nou bezwen zis *review keep update* e gete si nou pou sanz sa Polisi si pa pou sanze, e pou le moman nou pe amann bann

regilasyon *for under* pou bann regilasyon, nou pou bezwen get li ankore nou pou bezwen ariv en desizyon selman pou le moman i baze lo ou 'cc.' Mersi.

### **MR SPEAKER**

Mersi Minis. Onorab Henrie wi.

### **HON GERVAIS HENRIE**

Mersi Mr Chair. Bonn apre midi tou dimoun. Mr Chair mon premye pwen i en obzervasyon. Letan mon pe get bann proze SLTA anba PSIP, e mon rekonnet ki bann proze ki CEO in mansyonnen i bann *spill over from dizon from previous administration* e zot in ganny alokasyon sa lannen pou kontinyen.

Me a lavenir petet *from this year* Bidze ki pou vin pou sa lannen, mon pwennvi mon krwar i merit annan plis en lord dan fason ki bann proze pe ganny antreprann ; - par egzant lo nivo rezyonal.

Konmsi nou fini avek rezyon was, nou konnen semen in fini re sirfas, *crash barrier*, lalimyer, *lay by* nou fini sa rezyon pou 2022. 2023 nou bouz dan nor nou bouz la letan mon pe gete bann distrik konmsi i sote *all over* zot pe fer keksoz, ki prezan letan ou *take a drive around* Mahe ou war konmsi ou pa war sa proze konmsi i pe evolue.

Konmsi ou war i pe pyeste plito. So sa i en obzervasyon a lavenir kekfwa *the new administration* i kapab mazin de fason pli annord, pli kordinen. Mon de kestyon Mr Chair mon ti a prefere PS Finans ki reponn.

Premyerman SLTA i en antite ki depans en kantite larzan li dan *procurement*. An 2017 par egzant 42milyon, an 2018 53milyon e 2019 72milyon sa i pou *civil works, goods, services*.

E anfet 2019 zot ti *the fourth entity* par deryer PUC par deryer MLUH avek Minister Ledikasyon, zot ti katriyenm. *Now*, mon kestyon i se ki dan *public procurement it's a high risk area for corruption*. Mon pa pe dir i annan mon me selman *it's high risk*.

Akoz son volim tranzaksyon. Akoz lentere finansyel en prosesis kompleks e apre enteraksyon ant bann zofisye piblik avek bann biznes.

E OECD i toultan kosyonn son bann partener pou *watch out for this*.

E anfet ki nou tann lo OECD Minister Finans i annan en relasyon avek zot sanmenm sa mon anvi demann Minister Finans ki eski zot annan en lizye lo la?

Akoz rapor *Tender Board* i fer sorti bann keksoz par

egzanp par egzanp prensip konpetisyon, valer pou larzan, bann move kontrakter, travay ki ganny peye selman pa'n ganny fer.

So eski zot annan en lizye lo sa i mon premye kestyon? Dezyenm kestyon touzour mon ti ava kontan ki Finans i donn nou lo la. Par egzanp *procurement* koltar, dernyen rapor ki mon'n lir *SLTA* ti aste avek en lakonpanyen ki apel term *Gauteng* Sid Lafrik pou en sonm R41milyon ki vo apepre \$2.9milyon dan sa letan.

*Now* enn bann konsern se ki souvandfwa bann *local businesses* pa kapab *compete* avek sa bann boug. E souvandfwa bann konpanyen lokal i *lose out* lo bann *international tenders*.

Be selman ti ava byen nou war devlopman en lakonpanyen lokal kot sa larzan i reste isi prezan zot pe kapab grosi.

So be la ki nou pe fer aköz *SLTA* mon pe demann sa kestyon la aköz zot pou kontinyen *procure from overseas*. Ki posibilite ki bann Seselwa i vin en pe pli konpetitif dan sa domenn, ki larzan i reste isi olye ki nou war nou larzan pe al Sid Lafrik ou aryer? Mersi Mr Chair.

### **MR SPEAKER**

Mersi. *PS* Thesee kestyon i pou ou.

### **PS DAMIEN THESEE**

Mersi Mr Chair. Lo laspe *procurement* mon krwar sanmenm sa nou annan sa Lalwa *Procurement Act* ki menm si i ganny war konman en Lalwa en pti pe lour i annan bokou konplent lo li nou *still* ensiste nou bezwen annan sa *Procurement Act*.

So nou a fer lentansyon pou nou reviz li pou moderniz li me selman nou pe ganny serten *challenge* ler nou dir moderniz li ki mannyer nou moderniz li. Aköz tou dimoun i dir ou i annan *delay* avek fason *procurement*.

Savedir ki ou *advertise* en *tender* ki ou anvi fer ou met ou lentansyon ladan ou donn en peryod letan pou sa dimoun met son *bid* ou donn en evalyasyon i ganny fer.

Ou anons en *winner* ou donn en *cooling-off period* e ler ou get sa, sa i kapab ariv at 2, 3, 4 mwan. So sa ki sa *main cause delay* ki ganny mete e bokou fwa napa bokou konprenezon oubyen kapasite dan Minister pou kapab fer *procurement as such* ki *lead* plis dan *delay*.

Aköz ou annan 12 mwan dan en lannen e Minister depi Zanvye i bezwen kapab konmans egzekit son bann proze. Sanmenm sa nou'n

konmans sansibilize ki nou anvi bouz lo en *3 year budget* ki atraver *Development Committee*.

Par egzanp pou lannen 2022 ou bezwen vin devan *Development Committee* an 2021, pou ou konmans prepar ou proze met devan ;- ki la ou lo en *waiting list* ki apre i an atann pou ou ganny *funding* lot Bidze.

So tou bann keksoz in ganny fer ou'n fini fer ou bann, ou bann ou'n fini prepar ou bann dokiman, ou annan ou *project concept*, ou annan ou *costing* ki pa tard egzekisyon proze dan en lannen spesifik.

So nou kapab dir nou, nou met lenportans lo la. E i annan serten *threshold* osi ki ganny *delegate* anba bann Minister par egzanp anba 150mil pou zot kapab fer zot prop *internal committees* pou evalye bann *procurement* ,ki pa neserman ankouraz bann pratik pran detrwa kotasyon *as much as possible*.

So i en size ki mon kapab dir i tre kontroversyal. I annan bokou plizoumwen kritik lo la. Me selman nou bezwen mentenir prensip enparsyalite latransparans dan ki mannyer nou depans larzan Gouvernman me *at the same time* asire ki i en fason ki nou fer li ki senplifye e ki pa *cause bottleneck* ek bann Minister.

Dezyenmman lo sa *issue procurement overseas*, sa i pou touzour en *issue* vi ki tou keksoz nou enporte.

So natirelman en *firm overseas* pou annan lavantaz lo en lakonpanyen Sesel, akoz sa lakonpanyen Sesel ler i pe *order*, i pe *order* i pe met en *markup* lo la.

Apre i pe vann ek sa, ek sa Minister so bokou fwa nou war nou *might as well procure* li direk deor ki ou *cut* sa bann *middlemen* e lanmenm la ou annan plis ou annan *less cost on the budget*.

So i pou tou depan lo ki kalite aktivite oubyen kalite servis oubyen kalite materyo ki ou pe enporte. I annan keksoz ki ou *might as well* aste direk avek bann *suppliers* lokal, akoz petet sa pa ou *main* aktivite ou bezwen en serten sonm.

So i pli senp me si ou bezwen en *bulk* par egzanp dan ka *SLTA* son bann *bulk supplies* i pli fer sans pou li rod deor akoz sa i form par son *main* aktivite.

E sa *volume* ki i annan, e si li sa *main* lorganizasyon par egzanp ki pe *order bitumen*, i *might as well* rod li menm deor ki i rod en *supplier* ki pou zis met en *markup* lo la e i pou fer li pli ser. Mersi Mr Chair.

### **MR SPEAKER**

Wi Onorab Henrie.

**HON GERVAIS HENRIE**

Mersi pou ou larepons PS. Zis en pti *follow-up* an vi ki par egzanp dan ka ASP la, letan in vin en nouvo sa nou pe tann en kantite bann lenstans kot i annan in annan pa *mis mismanagement* me i kapab annan en pe labi oubyen en pe *over* sirveyans, i pa'n eski ziska prezan SLTA i mon travay byen ek zot be selman mon le zisteman prezerv zot repitasyon.

Eski in annan okenn *red flag* lo size SLTA? Akoz zisteman parey mon pe dir sa kantite larzan ki zot zwe avek partikilyerman dan *procurement*? Mersi.

**MR SPEAKER**

Mersi Onorab. PS wi.

**PS DAMIEN THESEE**

Mersi Mr Chair. Risk pou touzour la dan okenn antite ki annan aktivite ki pe *go on* me sanmenm sa nou Minister Finans nou bezwen entansifye nou prezans atraver nou *internal audit*, pou fer bann odit regilye. Nou pa kapab annan odit konplet me odit regilye kot bann lorganizasyon.

So risk i pou touzour la i difisil pou nou kapab vreman war ki pe arive. E si nou get *the trend over the years* tou le

lannen, ou annan ou enn de *case* frod dan Gouvernman.

Savedir i annan bokou keksoz ki kapab *go undetected*. Me *as much as possible* pou le moman avek SLTA, nou'n met an plas pou li ki bezwen swiv *Procurement Act* i annan li son prop *Internal Committee*, mon krwar pou bann proze anba 150mil, ki get bann *awards tenders of* proze pou menm bi anpes kolizyon ant bann travayer ek bann kontrakter.

Selman ou *still* tande i pa zis SLTA i menm lezot antite ki annan menm proze ki i annan serten kolizyon. Me bokou fwa i difisil pou ou prouve. Personn pa pou vin devan pou raporte ki pe fer kolizyon avek en, en ek en larzan Gouvernman si i pe benefisyè ladan.

Bokou fwa zot *come* devan ler i annan en dispit oubyen dezakor ki'n arive dapre nou leksperyans. So i pou *up to* bann travayer Gouvernman pou zot onnet, e nou met bann sistenm an plas pou *as much as possible* annan sa kontrol entern.

E bann Sef Egzekitiv i annan, i annan sa Lotorite oubyen responsabilite pou asire ki i annan sa bann kontrol entern dan son lorganizasyon, anpes sa. E nou, nou fer nou odit entern pou entansifye sa e nou met

bann plizoumwenn bann gidans *procurement* pou ed zot kapab asir sa an plas. Mersi.

**MR SPEAKER**

Ok mersi PS. Onorab Pillay.

**HON SEBASTIEN PILLAY**

Mersi Mr Chairman. Bonn apre midi tou dimoun. E bonn apre midi Minis avek ou delegasyon. Mon premye kestyon Mr Chairman enn bann size nou'n koz lo plizyer size lo, lo size semen konstriksyon semen bann keksoz koumsa.

Be en size ki mon pa'n tann aborde se sa size ki *come up* tanzantan, se ki konsern ki mannyer ki kantite enklisiv nou bann devlopman vini. E mon konnen *Land Transport* baze lo largiman zeneral ki nou'n tande dan sa Lasanble ozordi, i en lenstitisyon ki'n delivre byen e ki ou annan e ki zot annan en tre bon relasyon avek lamazorite bann, bann dimoun ki dan sa lasal.

So prenan kont ki zot in ariv sa nivo ase efikas dan zot *delivery*, e zot bezwen avans sa lot nivo e sa apepre gard bann devlopman.

E sirtou an relasyon avek par egzantp *SDJ 11* e sa se fer bann lavil nou bann *cities* vin pli enklisiv e ler mon dir pli enklisiv pou fasilite akse pou bann dimoun ki *the word is* mon krwar - mo ki'n ganny

servi se 'otremann kapab' an relasyon avek par egzantp bann trotwar bann semen bann, bann keksoz koumsa.

Akoz enn bann konsern ki mon war, par egzantp nou pe met bann parfwa nou met bann kouvèrtir lo bann trotwar ki annan en trou ladan. E si en dimoun ki pe servi en *walking aid* i pa en lavantaz pou li.

So eski zot annan dan zot, dan zot bann plan, dan bann plan devlopman ki zot fer pou bann proze, sirtou lo proze lo en pwennvi nasyonal ouswa dan lavil, ki zot fer pou fasilite akse pou bann dimoun ki annan, ki 'otremann kapab' par egzantp? Sa i mon premye kestyon.

Mon dezyenm kestyon i konsern nou fer en semen, so *obviously* ler nou fer en semen byento nou pou fer en demann pou nou fer en *bus stop*, apre ki nou'n ganny demann pou nou fer en *bus stop* nou pou byento ganny demann pou nou met en *crash barrier*.

Apre ki nou ganny en demann pou nou met en *crash barrier*, nou pou ganny demann pou nou met en *culvert* ek en rigol. So dan sa bann diferan prosesis planifikasyon ki zot fer, eski zot in ariv lo sa nivo kot ler zot pe *conceptualise* en proze, (nou'n tann plizyer demann pou plizyer proze sorti dan

plizyer distrik) zot pe mazin pa zis sa proze ler nou pou fini fer li la be dan lonterm.

Tou son bann eleman ki vin avek e zot pe konmans prepar zot Bidze *according to* sa konseps.

Ki zot annan en *costing* pou bann keksoz ki vin *down the line* e pa zis deal avek bann keksoz ki zot pou fer zot pou fer la? E mon trwazyenm kestyon Mr Chairman i konsern parey en, en size ki mon pa konnen si CEO i annan zot annan sa abilité pou fer se eski zot annan en lekip ki fer bann *spot checks* par egzanp?

Mon konnen zot annan en lekip ti annan en lekip ki regard sa size lalimyer, me en lekip ki fer bann *spot check*? Par egzanp kot sa madanm i reste i ava dir ou.

I annan sityasyon kot ou *dust bin* ou bezwen met li lo semen dan en rigol, e si delo i si rigol i plen i pous sa *bin* dan semen, i en lenkonvenyans. Eski zot annan en lekip ki pase ki fer bann *spot checks* pa zis dan letan ki ou annan ou movetan, me dan letan normal, pou *identify* bann proze ki petet bann Lotorite Distrik pa'n ganny sans anmenn devan, ki zot, zot kapab prezan *advise* Lotorite Distrik pou zot regarde.

Sirtou par lefe ki bokou nou semen i kotye, e bann

litoral i toultan annan bann dinamik ki arive sirtou ler ou annan bann, bann movetan? Mersi Mr Chairman.

### **MR SPEAKER**

Mersi Onorab. CEO wi.

### **CEO PARINDA HERATH**

Mersi Mr Chair. Mersi Onorab pou ou kestyon. Bon annefe tou le trwa i bann keksoz ki nou lo *management* preski tou *management meeting* ki nou fer nou diskit lo la.

Mon a konmans avek sa enn dernyen lenspeksyon oubyen *spot check* parey ou'n dir. Nou annan en lenspekter ki pase ki enspekte ki anmas tou bann lenformasyon si oule, e nou annan en kantite ki nou'n anmase ki pa konmela ki nou pou fini avek.

Alors lenformasyon i la. Petet retar ki nou pe gannyen se avek Bidze ki nou annan. Toulezan nou annan anviron 550, 600 bann pti proze ki nou fer e Bidze ki anpes nou fer plis.

Lo kote bann *bus stop* bann lezot *road features* si oule letan nou pe fer en proze, sa i en keksoz ki nou'n deza koz lo la e pli ale *this is what we are doing*.

Konmsi letan nou pe fer en proze i vin en proze konplet ki enkli son *street light* ki enkli son *crash barriers* ki enkli son drenaz. E menm *bus stop* kot

i neser. Byensir nou pou war dan avek letan, letan nou azout tou sa bann keksoz bann pri proze pou monte.

E Bidze pou bezwen *cater* pou sa bann keksoz. Me i en keksoz ki nou'n deza diskite e i sa direksyon ki nou pe konmans ladan. Mon konnen dan lefase in ariv bann lenstans kot letan proze in fini fer, la prezan ki nou al met *crash barriers* nou annan nou al met lalimyer eksetera.

Me nou'n fini bouz devan *from there*. Lo kote *inclusivity* sa osi i en keksoz ki nou'n diskite e mon krwar Onorab Zailor in deza anmenn detrwa pwen devan kot nou, e i en keksoz ankor ki nou pe tyeke ki manner nou kapab *improve*.

E osi petet i *ok* pou mwan mansyonnen ki Minis Rangasamy, in fer bann kominikasyon avek nou pou li *set-up* en Komite pou spesifikman pou *town area*, pou gete ki manner nou kapab *improve* ki nou osi SLTA pou form par sa nouvo Komite pou *improve accessibility* pou bann dimoun andikape.

E ki enkli bann zafer parey *slab* ki ou'n mansyonnen, bann *grills* eksetera. E byensir nou, nou pou travay *closely* avek zot pou gete ki manner nou kapab *improve*. Mersi.

## **MR SPEAKER**

Minis wi.

## **MINISTER ANTONY DERJAQUES**

Sa enn sa pwen limero 1 lo ler nou fer *budget review* an Zilyet i enportan, akoz sa 700mil ki nou'n *identify* pou prepar *for future projects* pou fer sa resers *drawings the BOGs* i enportan pou SLTA.

Pangar i pou *blind going forward* e i pa pou kapab fer sa bann preparasyon sa bann planifikasyon. I nou'n antre dan en konversasyon nou de CEO pou nou get sa *chain of projects from initial to the final* kot *the best bidder* i konmans son proze.

E i enn bann rezon akoz mon ti bezwen dimoun dan mon Sekretarya, pou ed SLTA akoz sa moman la mon ti war menm zot napa *in-House Legal Counsel* pou ed zot form bann kontra.

E imedyatman sanmenm nou'n pran sa enn La Digue konman en nespes *test case*. *It's a huge project* ki kouver *the whole island*. E nou anvi gete ki manner nou kapab prepar nou pli byen pou enplimant sa proze *sewage*, sanmenm i enportan pou nou.

E nou'n war nou bezwen fer *MOU* ant SLTA avek PUC par egzantp. Savedir lo *procurement* lo *contracts*, lo *award of contracts*, i nou



lentansyon pou nou al get pli pre e pou nou *buttress* sa *chain*, akoz neglizans ouswa *corruption* i kapab antre a nenport moman.

Konman Minis zanmen mon'n tann lo okenn akt frod, kriminalite ouswa pran larzan avek *SLTA*. Sel keksoz ki'n vin a mon latansyon, se dan lepase kekfw a en semen ti ganny fer pirman pou en dimoun, akoz sa dimoun i konekte. Se sa.

Selman pa neseserman *SLTA* pe fer frod be *SLTA* pe ganny demande fer sa semen pou al kot en dimoun spesifik se sa, sa *level*. E manm piblik tou le Zedi i war mon e i annan en kantite konplent ki antre lo bann lot landrwa selman lo *SLTA* mon pa ankor ganny okenn dan 4 mwan e sa i en bon siny pou *SLTA*. Mersi Mr Speaker.

### **MR SPEAKER**

Mersi. Wi Onorab Pillay.

### **HON SEBASTIEN PILLAY**

Mersi Mr Chairman. Mr Chairman mon not sa dernyen larepons. Minis mon'n toultan konsider mon lekor ase byen konekte zanmen *SLTA* in deza fer en semen pou mwan.

Me mon pran legzanp lo *case* ki Onorab *from* Onorab Manm Elekte *from* English River in dir i paret poudir sa size fer semen pou en dimoun,

Minis pa nouvo avek. So petet *going forward* zeneralman nou bezwen asire ki si nou pe dir in arive dan lepase nou pa repet listwar.

Akoz i paret poudir listwar pe ganny repete en pe tro souvan resaman. Me sa ki enportan pou nou met an konteks Mr Chairman, se sa ki, sa ki Minis in dir *regarding* bann kontra.

E pou mwan sa i en keksoz enportan sirtou dan sa faz kot nou pe fer bann proze e *award* sa bann kontra. Minis eski Gouvernman i santi li ase proteze an relasyon avek bann desizyon ki'n pran, *regarding awards of* bann kontra? Ou'n mansyonn sa size bann kontra bann, bann *pickups*.

Mon konpran ou largiman ou pa kapab en sel dimoun pe ganny tou keksoz *and then* i form lezot konpanyen e *it comes back to* en sel dimoun.

Me eski Gouvernman in protez son lekor? E an relasyon avek sa Mr Chairman, eski nou pe asire *going forward* ki sa ti en kestyon ki Onorab Aglae ti demande e mon not osi ou larepons.

Ki pou napa en *attempt* pou zwe avek *Procurement Act* dan en fason ki rann li pli fasil me *at the same time* rann li pli siseptib avek posibilite ganny abize? Mersi Mr Chairman.

**MR SPEAKER**

Mersi. Minis wi.

**MINISTER ANTONY DERJAQUES**

Mersi Mr Speaker. Sa met *tarmac* lo sa pti bout La Rivyer Anglez sa i en keksoz ki *long standing* ki sa bann vwazen la avek sa msye ki zot in nonmen, depi lontan i pe rod en pti *tarmac* lo sa semen kot en kantite dimoun in ale.

Mon'n menm vizite osi pou al gete e mon krwar ti merite e in merit en pti bout. Annefe sa msye ti pe demann bokou plis, i ti pe demann en semen ki pet anler kot sa *roundabout* e si ti pou annan okenn faver par sa Gouvernman, pou li nou ti'n kapab al bokou pli lwen.

Be son *MNA* ki'n ganny elekte in al lo latansyon ki ti merite e vizit in ganny fer, *SLTA* in vizite, Minis osi in vizite in gete e i ti merite pou met en pti koltar kot in ganny mete. E i pa'n an okenn ekstravagans si ou vizite ler ou sorti la dan Lasanble, ou a war ki i en keksoz ki ti'n devret dwatet fer plizyer lannen pase.

An sa ki konsern *Procurement Act* parey *PS* in dir i annan nesesite pou protez larzan piblik, selman an menm tan i annan nesesite pou fer bann aksyon vin

bokou pli vit, akoz sa osi i dan lentere popilasyon.

Ki bann kontra an zeneral enkli pou *SLTA* i ganny delivre avek bann *best bidders* e sa bann kontra i kapab ganny enplimante pli vit posib. I annan en kantite defo.

Par egzanp avek *SCAA* ler zot get zot bann kontra ki *very specific* i pou lavyasyon, ler zot al dan sa bann *Board* zot war ki sa bann *Board* pa *expert* lo sa kalite lekipman ouswa servis alor i vin en gran problemn akoz napa spesyalizasyon.

Ler nou get bann servis spesyalize i aparet ki sa *Board* i bezwen ganny *reinforced* e si ou pe al *reinforce* li ou pe al kre plis birokrasi i annan bokou plis konsiltasyon.

Apre ler ou ganny en *best bidder* sa ki'n perdi i annan akse avek Lakour pou fer *judicial review* e nou'n war ki manner La Gogue Dam ti ganny tarde e mon konman avoka mon ti bezwen sot dan devan *Supreme Court* mont devan *Court of Appeal* e *Court of Appeal* ti *meet out of court session*, pou nou kapab les sa *desalination plant* konmanse.

E La Gogue alor i kapab drain pou nou kapab kontinyen avek La Gogue, ki ti en *national interest project*.

Alors sa ek sa *Procurement Act* i annan en kantite difikilte. Selman si

Gouvernman i sey *streamline* tou fason pou vin devan zot, akoz pou bezwen fer amannman e se zot ki annan *final say*.

E apre zot *of course* i al kot Prezidan pou li *assent* baze lo ki amannman zot, zot mete anba sa avek sa akt. Alor i en zefor e i en travay lo - (1) *transparency*, (2) *good governance*, (3) pou *streamline* okenn prosedir e pou retir koripsyon.

Be osi pou annan sa *efficiency* ek sa *quick delivery* avek bann proze. Nou ava sey ansanm se sa ki mon kapab dir. Mersi Mr Speaker.

### **MR SPEAKER**

Mersi Minis. Onorab Georges.

### **HON BERNARD GEORGES**

Mersi Mr Chair. Mr Chair avek ou permisyon avan mon demann mon trwa kestyon, permet mon fer enn de refleksyon lo enn de keksoz ki'n sorti dan sa seri kestyon.

Mon pa pe rod larepons Minis avek *CEO* oubyen *panel* me mon ti a kontan ki zot reflesir en pe lo sa bann keksoz. Akoz mon krwar tousala in i kontinyelman monte. Premyerman an sa ki konsern Victoria ek trafik *CEO and* e Minis tou lede in koz lo *third lane* Francis Rachel.

Pa nou ki pran desizyon Egzekitif ki pran desizyon, me

dernyen fwa ki sa size in leve dan sa Lasanble, i pa ti ganny sipor bokou Manm. *Obviously* nou pa pe antre dan deba me sa ki mon, mon ti a demann zot fer silvouple, se si zot pa'n fer li eskiz mwan si zot pa'n fer li se olye rod meyer fason pou fer plis trafik antre Victoria e sorti Victoria, eski zot pa ti a kapab *invest* en pe zot lenerzi ek zot letan, dan trouv mwayen pou anpes trafik antre dan Victoria ?

E donk *obviate* neseseite pou annan en trwazyenm *lane* lo en semen ki en zoli semen e kot en trwazyenm *lane* i kapab defigir li. E sa *obviously* i annan en kantite fason pou fer mon ava les zot deside lekel ki meyer fason fer.

Dezyenmman sa size *driving school* in monte ozordi dan en fason ase, ase negativ eski si zot pa ankor fer li eski sa i pa en moman pou annan en, en lenstitisyon ki pou fer bann kour teori avek bann *learner drivers*, ansanm dan en laklas epi apre zot ava al fer zot, zot tes pratik endividuelman?

Dan en fason ki tou dimoun ava kapab ganny menm lenformasyon e ki zot ava annan zot *peer pressure* pou zot kapab *do the best* ki zot kapab fer.

Mon konnen ki sa linisyativ in fini ganny met devan zot a plizyer repriz me

mon ti a kontan ki zot kapab regard sa ankor.

Trwazyenmman e sa se en pwen ki mon ti fer sorti avek Minis Lanvironnman ler i ti la, me mon konnen ki zot travay an kolaborasyon parey CEO in dir pli boner dan serten ka.

Eski zot pa ti a kapab donn en soulazman avek Minis pou Lanvironnman ki'n dakor avek sa lide pou fer bann dimoun bann propriyeter later ki *abut* lo bann *primary and secondary roads*, i pran responsabilite pou tay zot vezetasyon olye les bis SPTC vin zot zardinyen pou tay zot kanpes?

E katriyenm pwen *wayleave, wayleave* in en problemm partou e Minis in antisip keksoz ki mon ti pou al dir ler in fer referans avek *compulsory aquisition*.

Nou konnen ki *compulsory aquisition* in annan en move non dan nou pei. E nou konpran aköz bann Gouvernman siksesiv pa'n anvi retourn dan sa bann pratik.

Me, me lentere piblik annan de fwa i bezwen *prim* lo lentere personnel. E ler i en kestyon fer en semen *aquisition of land in the Public Interest Act* i permet en sistenm kot Gouvernman pa azir avek gro lebra, me kot Gouvernman i anvoy sa ki nou

appel en '*notice to treat*' e i dir avek sa propriyeter mon ti a kontan negosye avek ou.

Antre an negosyasyon avek mon e i annan bann mezir ki kapab ganny pran *short of compulsory aquisition* ki kapab kas sa serk visye *wayleave*.

Akoz partou nou annan sa problemm. Dan tou nou distrik semen pa pe kapab ganny fer aköz annan de fwa en propriyeter pa anvi. Dan tou nou distrik. Bann dimoun Mamelles i konnen egzaktaman lekel ki nou problemm dan nou distrik.

Alor mon ti a kontan met sa lo latav Minis pou ou revwar e pou *once and for all* pou fer dimoun konpran ki nou bezwen bouz devan. Nou pa kapab les enn oubyen de dimoun pran otaz en pli gran popilasyon.

Mon vin Mr Chair a mon trwa kestyon aneefe de pou mon e enn pou Onorab Bastienne avek ou permisyon ki pa kapab la avek nou ozordi.

E kestyon Onorab Bastienne i konsern sa *bypass road* ki sipoze ganny fer sorti pa lwen kot nou ete la e pou al lo bann later IEA Perseverance pou anpes bann *articulated lorries*, bann gro kanmiyon *container* pas atraver Perseverance.

I ti anvi konnen ki staz sa in arive, e si i kapab ekspekte ki sa semen pou ganny fer a en moman? E mwan mon de keston lo Les Mamelles, premye i konsern *drainage* ek *flooding* dan kan Plaisance, e sa i en problem ki tou osi grav ki problem La Pointe Larue.

E sak fwa ki nou annan en gro lapli avek en *high tide* an menm tan, nou ganny sa problem akoz nivo semen i pli o ki nivo bann propriyete sak kote.

Eski avek tou bann kontrent bidzeter, eski bann dimoun ki reste dan sa morso semen ant legliz Ste Therese avek krwaze semen Mamelles, i kapab espere ki *SLTA* i ava a en moman apropiye refer bann dren la, pou fer sir ki ler i annan lapli *flooding* pa, pa ariv ankore?

E dan sa menm konteks, eski *SLTA* ti a kapab regard spesifikman semen ki antre kot lafanmir D'Unienville e ki pas obor lakaz Matombe *opposite* nouvo *building opposite* DA Plaisance *opposite* nouvo *building* Kim Koon?

Akoz i annan en problem *flooding* la ki arive e ki tre grav pou lafanmir Matombe. I pa en gro problem i pa pou kout bokou larzan e en pti pe ti ava byen.

E finalman mon dernyen keston eski parey zot ti fer

anler Copolia, eski zot ti a kapab regard en kou sa *hump* ki annan lo semen Mamelles obor laboutik Chalam pou sey redwir li en pe akoz i difisil pou bann bis e i en landrwa kot aksidan i arive souvan.

Akoz semen i etrwat e i en *hump* ki en pe tro o. Si zot ti kapab *level* li enpe kanmenm pa *level* li net me tir en pe sa *hump* i ti ava ed bokou. Mersi Mr Chair.

### **MR SPEAKER**

Mersi Onorab. Minis i a premye.

### **MINISTER ANTONY DERJAQUES**

Mon a les *CEO* reponn sa dernyen kat keston konmansman *IEA* ziska *hump* Les Mamelles e mon a reponn sa premye trwa.

### **MR SPEAKER**

*CEO* wi.

### **CEO PARINDA HERATH**

Mersi Mr Chair. Mersi Onorab pou keston. Lo kote semen *bypass* mon espekte ou pe koz lo sa enn ki pou pas dan *waterfront*. Sa enn i en proze konzwent avek *MLH* e i pou enkli sa *Waterfront Development*.

E i annan serten landrwa ki devret ganny konble e apre sa ki definitivman ki nou pou kapab antre avek en proze

semen. Alors i - mon pa pou kapab donn en *timeframe* pou li i pou tou depan Gouvernman kan i decide fer sa gro proze *waterfront*.

Lo kote lo sa kestyon drenaz *and flooding* Plaisance, nou napa en proze pou li an se moman la, me selman ki nou kapab dir avek ou Onorab ozordi nou kapab war travay avek *CAMS Drainage task force*, nou a sey anvoy nou bann dimoun pou vizite pou gete kwa egzakteman ki devret ganny fer.

E *CAMS* i ava *come up* avek en proze, en *design* e nou, nou kapab enplimant li byensir letan Bidze i *available*. Lo kote *opposite DA* Plaisance i pou mon konn en pe sa landrwa ki ou pe dir. Si mon pa tronpe i enkli dan nou proze kot *roundabout* Plaisance.

Akoz nou annan en bout *footpath* kot pou ale devan *building* Kim Koon ki pou al zwenn ziska kot sa pon pli devan.

E alors definitivman sa *issue* drenaz pou ganny adrese dan sa proze Plaisance *roundabout*. E parey mon'n dir Plaisance *round about* in fini pare pou nou enplimante nou pe zis esper *funding*, e byensir nou bezwen antre dan prosedir *tender*.

Lo kote *speed bump* mon ava refer sa avek *Road*

*Transport Commissioner* i ava zis vizite e i ava donn nou en lendikasyon kwa ki devret ganny fer, e si i devret ganny tire, oubyen *re level* i pa en gro louvraz nou kapab fer li *internally*. Mersi.

### **MR SPEAKER**

Mersi *CEO*. Minis i annan bann pwen ki ou ti le adrese lo remark Mr Georges.

### **MINISTER ANTONY DERJAQUES**

Mersi Mr Speaker. Mr Speaker sa *third lane* kot Francis Rachel *street* i annan de dimoun ki'n apros mwan lo la. Premye i *Mayor of Victoria* e li i pa oule ki sa bann moniman nasyonal, enkli sa bann pye dibwa ki la ki in vin en fason istorik, i ganny touse ouswa detri ditou.

E in rekomande ki sa proze pa ganny fer, si pe al tous sa bann moniman. An menm tan Prezidan in koz ek mon *personally* in dir mwan ki i pe revwar ki mannyer Victoria i été, ki mannyer ki nou kapab fer *traffic free central* Victoria.

Kot nou kapab kre par egzanp *parking space* partou, kot i kapab ganny en devlopman apropiye par egzanp obor, ouswa kot Stad Popiler. Savedir avek *infrastructure* avek Minis Rangasamy avek bann tim i

*personally* enterese pou gete ki manner nou kapab devlop Victoria.

Kot bann landrwa parey Independent Avenue, *is just walking only* e kot i kapab annan plis latraksyon touristik dan *central* Victoria ki mor aswar.

Ki manner nou kapab *plan almost like a ring road around* Victoria, kot ou par neserman antre anndan. Me sa i en *conceptual stage* e si okenn keksoz i ganny planifye, ouswa pou ganny fer pou annan *full* diskisyon nasyonal, akoz sa i en gran proze. E i bezwen ganny planifye byen.

Me selman mon kapab dir ou ki i vreman enterese, e i anvi war annefe sa ki ou konsep ki ou pe koz lo la i osi enkli son konsep manner li i pe pans lo la.

Mr Speaker lo *driving school* annefe mon'n fer *meeting* avek en dimoun ki en Seselwa ki'n propose ki li in dir mon li ki'n *train* en kantite dimoun par egzant kot *SPTC*. In menm *train* en pe bann polisye e i anvi *set-up* en *driving school*.

Mon'n pran son let e mon'n war li *personally*, mon'n *interview* li Zedi pase annefe. E mon'n met li avek *PS* Andre akoz *PS* Andre i bezwen kre sa avek son analis *of course* i

bezwen kre sa Polisi lo ki manner nou bouz devan.

E i pou bezwen annan bann regilasyon pou permet en *driving school* Sesel. E i pou bezwen annan bann *check and balances* e ki manner nou pou fer bann pas tes e ki manner nou kapab annan sa *theoretical* ek sa *practice*. Sa *direct practical driving skills* i ganny *attain* e pou bann *examiners* osi.

Alor annefe sa pe ganny fer e mon'n met li direktman an kontak avek *PS* ki pe travay lo la. Lo *cutting vegetation* parey nou'n eksplike wi anba *Environmental Act* ek *Regulations* i en *dangerous tree*, wi i annan en obligasyon pou koupe.

Be ler i *overhanging* e i pa *dangerous* la i vin en ledikasyon, ki nou bezwen fer avek nou, avek nou piblik pou zot *train* sa.

Mon'n fer en papye pou *SPTC* mon'n anvoy kot *Cabinet* konman en *Cabinet Paper* pou ed nou pou nou ganny plis lide *how we are going to tackle it*.

E mon'n *circulate* kekfwa mon anvoy kot ou osi akoz *SPTC* in drafte en papye lo la. E ti ava enteresan pou ou, pou mon konn ou pwennvi avek *MNAs* avek *Caucus* avek nenport dimoun ki anvi konsilte e *bring back* lenformasyon kot nou pou nou

gete ki manner nou kapab tackle sa *issue once and for all*.

Ou sizesyon lo *land aquisition* i enteresan. Akoz anefè ou pe sizere ki sa bann staz *towards land aquisition* i kapab ganny en *stimulant* pou bann dimoun antre dan negosyasyon serye.

E pa neserman esper final kot en *land aquisition* i ganny fer. E si en *land aquisition* i ganny fer, anefè apre ou bezwen al pey *market value* si ou pran. E sa *bargaining* ki nou pe sey fer par egzanzp *exchange of land* pou rod bann konsesyon, tousala i ganny koupe.

*You have to go and you have to pay the market value* e si sa i ganny met Ankour bann ziz pou ekout bann *expert*, e pou koz e pou demann *compensation based on the market value*.

E sa li menm li i kapab fer ki sa proze pa kapab bouz devan, akoz Finans kekfwa pou napa sa larzan *the true market value*. Alor ankor enn fwa mon fer sa lapel avek tou bann propriyeter, espesyalman bann kot semen i pas obor e i neser pou nou fer semen Sesel. Silvouple pa al demann premye keksoz pou demande, si nou kapab fer *survey* ek evalyasyon e pey zot *market value*.

Get sa konman en kontribisyon pou nou kre

bann semen pli efikas posib isi Sesel, kot nou kapab in *safety and security, transport* tou nou bann dimoun.

E par egzanzp mon ti pe dir zot bomaten *SPTC* i annan 50mil pasaze toulezour. E parey bomaten ler, mon ti konmanse mon ti dir zot ki semen avek transportasyon li menm li kle pou annan devlopman ekonomik ek sosyal.

E pou nou menm pou nou kapab pa zis travay me pou nou *travel* pou nou lwazir pou nou *safety* pou nou sekirite.

Alor mon demann korperasyon tou dimoun ed nou pou nou fer sa bann trotwar, sa bann semen, sa bann *drainage*, ki tousala neserman pou bezwen pas lo later prive.

E ler mon get par egzanzp sa *west coast road* si nou ti ganny korperasyon nou ti pou antann en semen bokou pli modern efikas, *efficient*. Konmsi i ti pou *solve* en kantite nou bann *daily stress* sortan Anse La Mouche ziska Baie Lazare.

E si nou kapab adopte sa metod tou otour Mahe kot i annan semen. Mr Speaker mon krwar sa dernyen kestyon mon anvi remersi tou bann *MNA*. Mon anvi remersi mon tim pou zot kontribisyon e piblik ki'n ekout nou e *PS*



Damien Thesee ki la obor nou toultan ek son *computer* ek son bann statistik, ek *figures* ki ed nou en kantite. Mersi Mr Speaker.

### **MR SPEAKER**

Mersi Minis ek ou bann zofisyé. Bon nou a vot lo Bidze pou *Seychelles Land Transport Agency* ki lo paz 552 ziska 559 pou en total R150milyon 166mil. Manm ki an faver lev lanmen silvouple? Mon krwar tou Manm in vote.

Bidze pou *Seychelles Land Transport Agency* lo paz 452 ziska 459 pou total R150milyon 166mil in ganny 28 vot pour 0 vot kont e 0 abstansyon. Alor Bidze in aprouve par Lasanble.

Nou pou osi vot lo de pti antite pti, wi ki nou'n dakor ki nou pa pou fer deba lo la. Premye i *Road Transport Commission* lo paz 460 ziska 463 pou en Bidze R12milyon 407mil. Manm ki an faver lev lanmen silvouple. Byen.

Bidze pou *Road Transport Commission* lo paz 460 ziska 463 pou total R12milyon 407mil in ganny 28 vot pour 0 vot kont e 0 abstansyon. Bidze *Road Transport* in aprouve par Lasanble.

E prezan Bidze pou *Seychelles Maritime Safety Administration* lo paz 464

ziska 469 pou en total R11milyon 241mil. Manm ki an faver lev lanmen silvouple? Mersi.

Bidze pou *Seychelles Maritime Safety Administration* lo paz 464 ziska 469 pou total R11milyon 241mil in ganny 28 vot pour 0 vot kont e 0 abstansyon. Alor Bidze in aprouve par Lasanble.

Avek sa mon a dir Minis ek son delegasyon, mersi bokou pou zot prezans e nou a rezwenn 4.05.

**(BREAK)**

### **DEPARTMENT OF FINANCE**

#### **MR SPEAKER**

Alor nou pe envit *Department of Finance*. Bonzour tou Manm delegasyon *Department of Finance*. E nou annan avek nou Minis Naddy Hassan Minis pou *Finance, Economic Planning e Trade*. Mr Patrick Payet *Secretary of State* pou sa Minister. E byensir Mr Damien Thesee i ankor la e Mrs Irene Croisee *Comptroller General*.

E osi Madanm Annie Dugasse *Director Procurement Oversight Unit*. Nou'n pare pou sa Bidze *Department of Finance* lo paz 135 ziska 147 pou en total R120milyon 158mil. Avek sa Minis Hassan

mon ava envit ou pou entrodwir ou Bidze.

### **MINISTER NAADIR HASSAN**

Mersi Mr Chairman. Bonn apre midi Mr Chairman. Bonn apre midi Dirizan Lopozisyon. Bonn apre midi Dirizan Zafer Gouvernman. Bonn apre midi tou bann Manm e bann dimoun a lekout.

Mr Chairman Departman Finans i konpri divizyon Bidze ki enkli Trezor, *Accounts* e Zesyon proze kapital. Lofis Det, Brans ki fer analiz makro fiskal, Divizyon odit entern, Divizyon ki zer Polisi *Tax* e Sekter Finansyel e *Procurement Oversight Unit*.

Sa Departman i annan responsabilite zeneral gouvrenans e zesyon finans piblik pei. Bi sa Departman se pou asire ki i finans bann program e proze Gouvernman ki promouvwar krwasans e azanda ekonomik e sosyal, ki Gouvernman i annan lobzektif atenn.

Alors atraver alokasyon resours en Bidze, Departman Finans i asire ki sa bann resours i ganny donnen e i ganny byen zere, dan en lanvlop ki ankadre byen bann kondisyon fiskal e makro fiskal anliny avek *Public Finance Management Act 2012*, *Public Finance Regulation 2014* e *Accounting Manual*.

Departman Finans i osi responsab pou asire ki det pei i ganny byen zere e asire ki nou det i lo en nivo soutenab, e osi fer finansman bann proze atraver bann diferan fasilite pou permet devlopman kapital ganny fer par Gouvernman.

An plis ki Polisi lo depans Departman Finans, i zer Polisi reveni e plizoumwenn bann diferan Polisi *Tax* ki finans Bidze Gouvernman preski antye.

E osi adopte en Polisi ki promouvwar devlopman e permet sekter prive kapab fer biznes. Lot manda Departman Finans atraver son Divizyon Odit Entern, se pou asire ki bann Departman Gouvernman i annan bann bon prosedir e kontrol entern, dan egzekisyon Bidze e osi lo bann diferan *assets* dan posesyon sa bann Departman.

Departman Finans i annan li 365 travayer dan ki 225 in ganny segonde dan bann Minister, Departman e bann Lazans depandan lo en Bidze pou donn servis kontabilite e permet sa bann Departman egzekit zot Bidze.

Nou loperasyon i baze lo *Liberty House* eksepte Trezor ki lo premye *floor Capital City* e Divizyon Odit Entern ki baze *Le Chantier Mall*.

Bidze 2021 ki Departman Finans pe rekomande pou laprouvasyon

Lasanble Nasyonal, i pou en sonm R120.1milyon konpare avek 111milyon pou 2020.

Sa i prensipalman akòz konsolidasyon Bidze *Procurement Oversight Unit POU* pou en sonm R12.4milyon. Sa i anvi ki *POU* i ankor en *Unit* anba Departman Finans.

Bidze saler i pou en sonm R91.1milyon. Logmantasyon dan saler i anvi lentasyon pou kreasyon en Divizyon spesifik pou devlopman sèkter finansyel, en *IT Manager*, pou amelyor servis bann diferan sistenm dan Minister, e rekritman priyorite 3 oditer pou entansifye, prezans odit entern dan bann Minister e Departman.

Dan Bidze *non-financial asset* nou annan nou en sonm R6milyon ki'n ganny bidzete, sa i prensipalman i pou fer provizyon en don R5.7milyon pou lakizasyon en *aids management information system* par Labank Devlopman Afriken.

E en sonm R504mil pou aste en nouvo sistenm zesyon det ki apel *Meridian* avek *Commonwealth* an vi ki sistenm ki nou pe aktyelman servi pe al ganny *phase-out* dan lemonn.

Nou osi annan en provizyon R30mil pou renovasyon larantre dan *Liberty House*, ki nou'n oblize

fermen lannen pase akòz lenfestasyon karya. Avek sa Mr Speaker mon pare pou reponn okenn kestyon ki bann Manm pe annan. Mersi.

### **MR SPEAKER**

Mersi Minis. Nou a konmans avek kestyon Manm. Tenir lanmen anler silvouple eskan ler mon a - Mersi. Byen nou a konmans avek Onorab Henrie.

### **HON GERVAIS HENRIE**

Mersi Mr Chair. Bonn apre tou dimoun. Mr Chair mon premye kestyon i baze lo lobzektif Bidze. Minis ti dir nou ki prensipalman i annan de lobzektif son Bidze.

Lo en premye pilye pou koup gaspiyaz met en fer plis avek mwens *basically*. E dezyenm pilye pou relans lekonomi prensipalman dan senk pilye ki nou konnen nou tou, tourizm, lapas, eksetera.

So sa ki mon anvi demann li se ki mannyer aprezan baze lo zot manda, zot pou travay avek bann *stakeholders*, pou asire partikilyerman pou sa relansman ekonomik i arive, ki nou, nou ava war progre disi 2023 par egzanp? Sa i mon premye kestyon.

E dezyenm kestyon Minis in koz lo en mekanizm entern pou asir bon zesyon finans dan Gouvernman. Zisteman

mon oule demann li ki sityasyon aktyel ozordi? Dan enn bann prezantasyon ki ou'n vin dan devan Lasanble avan ou'n dir, dan bann mwan resan i annan apepre en 10enn ka ki'n ganny refer avek lapolis ouswa ACCS.

So mon anvi konn vreman ki sityasyon dan Gouvernman lo kestryon zesyon fon piblik, e *how good or how bad* i ete? Sa i de pwen pou le moman Mr Chair. Mersi bokou.

### **MR SPEAKER**

Mersi Onorab. Minis.

### **MINISTER NAADIR HASSAN**

Mersi Mr Chair. Mersi Onorab pou ou kestryon. Lo ou premye kestryon wi i annan de lobzektif prensipal ki mon ti anonse premye *cut cost e wastage*.

Lo la mon a pas laparol avek *PS Finance*, pou reponn sa kestryon akoz li ki pe *take the lead*. Lo kote *the economic relaunch* striktir ki nou'n met an plas se nou annan nou en, en Departman *of Economic Planning* ki son Bidze pou pase apre.

E li prensipalman i responsab pou plan lekonomi e i annan en *National Development Plan* ki pe ganny *tweak* avek laspirasyon nouvo ladministrasyon. E sa i pou anliny avek bann lanons ki'n ganny fer dan Bidze.

E sa Departman li i annan diferan zofisye ladan ki sakenn i ganny *assign* en sektor. E sa zofisye i vin en *focal point* ki li prezan i *link up* avek diferan Minister e i pran zot bann program i met ansanm i fer sir i annan *alignment* dan vizyon pei ki nou napa en sityasyon kot diferan Minister i annan diferan direksyon.

I anmenn sa kordinasyon. So sa i sa striktir ki la, ki'n ganny met an plas e la nou lo komansman sa travay e mon krwar byento nou popu war son bann rezilta ki vin avek.

Lo kote *internal mechanism* pou odit e mon krwar dan lepase mon'n mansyonnen en kantite ki i annan *the Internal Audit* Departman dan Minister Finans ki li i fer bann diferan odit diferan landrwa pou get si larzan *tax payers* pe ganny byen servi.

E mon'n mansyonnen poudir i annan en kantite ka ki'n prouve ki i annan – i en *area* problematik dan Gouvernman dan zesyon fon piblik.

E mon a pas laparol a PS ki kapab donn en pe plis detay. Me ki mon kapab dir se ki dan sa bann mwan resan ki'n pase i annan en kantite louvraz ki sak bann Minis in mete pou kapab regarde ki pe

arrive dan sa bann landrwa, e pran bann aksyon pou aret sa bann kalite pratik.

Me sa odit nou apel sa en *first line of defence*. A *first line of defence* i komans dan ou Minister – ou *management of Minister* li menm li i bezwen pran sa responsabilite pou fer sir ki larzan pe ganny depanse byen.

Me la ou annan osi en *2<sup>nd</sup> line* ki ou Departman Odit ki li i ale i fer sa bann odit. E parey ou war mon'n mete, e nou pe *recruit* en pe plis bann oditer pou fer sa louvraz, pou fer sir ki sa fonksyon i vin efektif.

Me lo bann *exact* sityasyon bann *case* mon a pas laparol avek PS Thesee ki a donn en pe detay. Mersi.

### **MR SPEAKER**

Mersi Minis. PS wi ?

### **PS DAMIEN THESEE**

Mersi Mr Chair. An sa ki konsern bann *cost-cutting measures*, parey nou anonse dan Bidze nou annan 3 pou sa lannen e sa i premye i *rent*, 2enm sekirite e 3enm *cleaning*. Savedir bann *outsources services* ki nou annan.

So nou'n deza *launch* en *special interest* pou ganny bann lakonpanyen oubyen en endividi pou vini fer en revi lo lafason ki Gouvernman pe

plizoumwen organiz son sekirite pou fer li pli modern en fason ki nou *combine* en pe *static officers* ansanm avek bann lekipman modern ki kapab fer sirveyans.

Sa avek bi redwir petet lakantite *static officers* ki nou mete kot i pa neserman bezwen annan.

E dezyenmman osi ek sa nou war osi bokou *issue* avek konpetans bann lakonpanyen ki pe donn sa servis, pou asire ki i annan valer pou larzan.

Lo *cleaning* osi nou'n komans inisye bann diskisyon parey nou'n anonse ler ti fer Bidze pou Lanvironnman ki pou gete lafason ki alokasyon bann diferan *plot* pe ganny fer avek LWMA e osi avek Minister Lanvironnman zot bann *cleaning of marshes and rivers* ki mannyer i ganny *allocate* ki nou pe asire ki i annan valer pou larzan, me nou pa pe zis kas, kas bann pti bout;- ki nou war *it becomes more difficult*. Akoz la ou bezwen plis resours pou kapab zer sa kalite aktivite.

Trwazyenmman nou deza atraver Bidze koup en pe spending ki Minister i fer depi lannen pase *consumables* lo bann *purchase of printing and stationary items* ki osi si ou byen gete en bon sonm larzan dan Bidze avek sa bann kalite *spending* koumsa. So ki

manner Minister i kapab servi pli byen zot bann Bidze.

Nou ti annan at some point lentansyon entrodwir en *Central Procurement Unit*. Sa unit basically i responsab pou prokir tou bann item ki common use dan Gouvernman.

Par egzanp *A4 Paper*. Dan plas lakantite pe aste *A4 Paper*;- kot i annan en pti laboutik si Gouvernman i combine tou son nesosite, son bezwen ou kapab pran lavantaz, ganny bann *discount* lo *bulk purchasing*.

So sa i bann keksoz ki nou anvi gete si nou kapab fer me solman nou bezwen met bann kontrol an plis, pou asire ki i pa vin en lot problemm prezan pe kree koripsyon oubyen lot pti *cartel* ler ou'n fer sa. Sa i tre enportan.

Gaspiyaz osi i bann fason ki bann Minister sa i a zot pou fer sir ki napa. E nou war i annan en gran *weakness* par egzanp dan *management of consumables* oubyen bann *stationaries*, oubyen bann *inventories* dan bann landrwa ki zer bann *gro stores*.

Nou'n komanse par met bann *inventory accountant* dan sa bann landrwa pou ede sa bann Minister kapab zer pli byen zot bann *inventories*. Konnen kan i ler pou *reorder*, kantite item ki sipoze ganny servi dan en peryod letan, ki

*ring en alarm bell* ler ou a pe rod tro bokou, tou le semenn. Savedir i bezwen annan keksoz ki pe arive.

Dernyerman mon annan osi dan *capital projects* osi. Sa osi i en konsern ki nou annan lo egzekisyon proze e osi lafason ki ou *tender it out* ki pa bann proze ser ki ou pe fer. Me get ki manner ou kapab redwir en pe sa bann *capital projects* ki met devan Gouvernman ki tre ser.

E ler i pa ganny fer byen, napa *proper monitoring*. Nou pe pey bann proze ki apre ou bezwen pase refer li ankor, akoz i pa'n ganny sa sirveyans nesaser ki ou sipoze pe fer.

So sa i bann keksoz ki mank nou kapasite kot Minister Finans osi pou nou kapab fer bann lenspeksyon. Akoz nou pa kapab fer lenspeksyon total.

Nou swazir serten dosye pou nou fer sa bann lenspeksyon e ou war bokou sityasyon kot bann proze pa'n nesaserman ganny byen egzekite.

E lanmenm la ou ganny problemm avek bann kontrakter, oubyen bann Minister, ki pe met lanfaz lo peyman li. Me solman tant pou met lanfaz lo ou bezwen delivre sa proze byen.

Lo kote bann *audit cases* i annan nou zis 20 oditer la dan *Internal Audit* e sa i pa

ase. I pa ase akoz nou war ki tou le lannen nou annan enn ou 2 frod, *fraud cases* e dan en lannen ou kapab annan en 10enn osi *request pou special audits, investigation*.

E an mwayen ou bezwen ou 10 a 15 oditer lo en *site* ler ou annan en *fraud cases*. Savedir i fini tir tou ou resours kot *Internal Audit* pou li fer son bann lenspekasyon kontrol entern lo sistenm i bezwen al *investigate* sa.

E bokou fwa nou annan zis 1 mwan pou nou donn en rapor akoz si nou pe sispann en travayer Gouvernman, i annan li 1 mwan pou kapab prouve ki i annan en *case against* li oubyen i ganny *reinstate*. So ou war.

Prezan *Internal Audit* i bezwen travay bann long hours pou li kapab *deliver* sa. E sa i pa pratik. E i pa pe edan. So nou napa ase resours lo la. E kwa ki dekourazan *despite* tou sa bann travay ki ganny fer pandan bann lannen, napa okenn aksyon ki ganny pran.

So nou pe zis dan en fason rent nou lekor – *Internal Audit* pe fer sa bann ta travay, *long hours*, 8er diswar – 10er diswar pou prodwi rapor apre napa nanyen ki arive. Mersi.

### **MR SPEAKER**

Wi Onorab.

### **HON GERVAIS HENRIE**

En senp pti *follow-up*. Mr Chair letan Minis in koz lo *first line of defence* mon konprenezon i se ki lamazorite bann *MDAs* i annan bann dimoun ki sorti kot Minister Finans i ganny *seconded*.

E akoz letan ou lir rapor Oditer Zeneral lannen apre lannen, ou war bann problem dan sa bann *MDAs*, be eski napa en fason ki zot bann zofisye i raport sa kot zot e ki prezan - Minis Finans i kapab anmenn sa a latansyon *Cabinet* poudir “Get sa kolektivman dan Gouvernman i annan en problem la?”

### **MR SPEAKER**

Mersi. *PS* ou pran sa, wi?

### **PS DAMIEN THESEE**

Mersi Mr Chair. Egzakteman avek ler ti fer sa bann *staff* transfer avek Minis Finans sete sa lentansyon. So i annan bokou ka ki sa bann *account staff* raport avek Kontroler Zeneral or son Direkter *Accounts* lo sa bann *issues* e apre Kontroler Zeneral pou *liaise* ek sa Minister pou donn li konsey, ki mannyer i kapab fer sa bann keksoz en pe pli better dapre Lalwa.

Me solman i annan bokou *case* ki - i annan bokou travay pou nou fer pou travay avek sa bann *staff* dan

sa bann *line Ministry* pou raport keksoz.

Akoz zot santi zot osi dan en zaviron milye zot. Zot ganny *issues* avek zot bann *accounting officers* enn ler, ler pe donn sa bann *advice*. Zot pa kontan ler sa bann *staff* pe raport ek Minister Finans serten *issues*. So zot pri zot.

So nou bezwen travay ek zot pou fer zot konnen ki zot bezwen fer nou konnen pou nou kapab ed zot. Akoz pre i *raise* dan bann *audit meetings*.

E bokou fwa si ou get PAC bokou larepons ki bann *accounting officers* i donnen nou al get avek Minister Finans, ler sa bann *issues* i *raise*.

Me zot pa oule ekout *advice* ki ganny donnen ler ou pe dir zot ki mannyer ou sipoze fer serten keksoz.

I annan *PFM Regulation*, i annan *PFM Act* ki i annan bokou travay osi pou sansibiliz bann *Accounting officers* ki annan dan sa de regilasyon e Lalwa pou zot konnen ki mannyer zot sipoze fer zot bann louvraz. Mersi.

### **MR SPEAKER**

Mersi. Onorab Lemiel.

### **HON SYLVANNE LEMIEL**

Mersi Mr Chair. Bonn apre midi Minis avek ou Delegasyon. Mon kestyon i preski dan menm laliny avek

entervenans avan ki'n demande. Mon ti'n anvi konnen anba sa *strategic priority*, kot zot pe dir zot pe "*complete restructuring*." Pou zot *improve capacity of internal audit*. Pou zot '*enable adequate internal coverage*' dan bann Minister, Departman ek Lazans.

Mon ti anvi egzakteman konmsi ki zistans zot ti'n arive la e kwa ki ti reste pou zot fer? Akoz zot ti pe dir poudir zot pe al konplet sa.

Me selman mon santi in reponn par bout. Parkont Minis si ou annan en pti pe plis detay pou ou kapab donn nou.

E apre mon pe vwar ki zot le al *migrate* lo zafer *e-signature*. Mon ti a kontan konnen ki zistans zot in arive? Eski i dan en staz final oubyen i reste ankor travay pou zot fer, avan ki zot lans dan en tel laranzman. Mersi Mr Speaker.

### **MR SPEAKER**

Mersi. Lekel ki –

### **MINISTER NAADIR HASSAN**

Mersi Mr Chair. Mersi Onorab pou ou kestyon. Lo *restructuring of the Internal Audit* mon a fer PS donn en *comprehensive explanation of what that involves*.

Lot kote *e-signature* i annan travay ki *DICT* in konmans fer mon krwar ti dan



medya *recently*, bann diskisyon in konmans fer.

Me lo *e-signature* i annan de eleman. I annan son eleman son lenfrastriktir li menm pou met li an plas. Me i osi annan son eleman legal. So tou le de i bezwen ganny travay lo la.

Mon antisipe ki sa i kapab ganny *finalize* dan sa lannen. Akoz ler parey mon ti koz lo sa *concept digital economy* e nou pe koz lo *e-government*.

Sa *e-signature* is a critical component of pou ou kapab fer a lenplimantasyon. So it is a *priority* e mwan mon pou kontinyen pous sa avek *DICT* osi lo son kote legal osi.

Akoz i pou *facilitate* en kantite fason fer louvraz dan Gouvernman e dan pei li menm. Lo kote *Internal Audit* mon pou pas laparol avek *PS* i ava donn lesplikasyon. Mersi.

### **PS DAMIEN THESEE**

Mersi Mr Chair. Nou ti konmans nou *structuring* an 2019 kot nou ti kree en *Deputy Chief Internal Auditor*. E nou ti konman rod bann *expatriate* osi pou vini, an vi ki nou annan defayans dan ganny bann oditer lokal pou kapab antre.

*Scheme of Service* osi i en *issue* pou ou kapab atrakte dimoun from *private sector* pou vin dan Gouvernman. E

nou'n kree striktir ki'n osi separ son *system audit* avek son bann *investigation*. Pou kapab annan kapasite ki annan *staff* la ki konsantre pirman lo *investigation*. E *allow* bann *system audit* kapab kontinyen san ganny enteronpe.

E trwazyenmman nou'n entrodwir en seksyon ki met an plas bann prezans dan bann Minister. Kot nou annan bann *Internal Auditors* ki ganny *seconded* spesifikman par sekte pou adres bann spesifik Minister.

Me solman nou annan defayans pou nou kapab atrakte *Internal Auditors*. Ou napa sa *sort of* la kantite oditer deor ki pe rod louvraz pou kapab vin dan Gouvernman pou nou kapab anploye.

E sa lannen nou'n met 3 ankor e pou nou kapab annan en *unit* ki fonksyonn byen ou bezwen *at least* double sa kantite ki nou annan la. Me sa i pa en keksoz posib.

So nou stratezi se pou tou le lannen *recruit* en 3 a 5 oditer akoz i bezwen li osi gete ki kantite oditer ki pe *graduate* osi lo *market*, lo diferan *level*.

So nou pe konmans *groom* en pe bann oditer *junior* ki nou annan, nou ankouraz zot pou fer letid pou avans zot. E i pou en keksoz kontinyel ki nou bezwen fer pandan sa prosen 5an, pou nou kapab

*achieve sa right size* ki nou anvi. Mersi.

**MR SPEAKER**

Wi Minis ou ti oule azoute?

**MINISTER NAADIR HASSAN**

Mersi Mr Chair. Zis pou en pwèn ki *PS* in releve lo kote pou ganny sa resours teknik dan pei. E sa i en gro problem, akòz parey mon ti anonse i annan en *focus* pou nou ranplas etranze ek Seselwa kalifye.

Me ler ou gete parey dan bann *areas* teknikal parey odit, i annan *scarce resources*. E mon krwar lo kote *manpower planning*, nou pa'n neserman *think ahead*, ki resours pei ti pou bezwen dan 5an dan 10an.

E ozordi nou war nou dan en sityasyon kot napa ase sa bann *skills set*. E sa i en keksoz ki *Cabinet* anfe pe diskite, ki mannyer nou aranz nou *Human Resource Planning*, ki nou vwar dan detrwà lannen ki sa bann *skills* ki nou pou bezwen. Sa *skills* ou bezwen li dan 2-3 lannen. Ou bezwen konmans *build* sa *skills* ozordi pou ou gannyen.

So sa mon krwar i en eleman vremen enportan ki bezwen ganny fer. I pa neserman byen ganny plan oparavan. E sanmenm sa ozordi ou bezwen menm pran

etranze pou fer sa bann louvraz kan ou, ou anvi Seselwa fer. Mersi.

**MR SPEAKER**

Mersi Minis. Onorab Mondon.

**HON TERENCE MONDON**

Mersi Mr Chairman. Bonn apre midi Minis avek ou lekip. Mon kestyon i adres sa size reveni det ki Oditer Zeneral i fer resorti la kantite, ler in fer en legzersis pou en peryod 10an ki kantite det ki *outstanding*.

Dan 6 *entities* 679milyon pou lannen 2019. Mon'n vwar dan zot program osi ki zot pe koz lo en *software* pou *migrate from a software* pou ou *manage* det. Aprezan mon pa konnen si sa zot pe koz pou det pei. E sa sistenm i pou ganny servi pou bann det ki bann *MDAs* ki nou pa pe kit bon rikord.

E zot pa kapab *track* tou bann det pou fer sir ki zot azour avek bann reveni ki zot pa ganny kolekte. Mon anvi en pti pe klarifye lo sa de.

Me ler nou koz det pei nou'n koz lo – pou asire ki pou annan soustenabilite nou bann det. Ozordi i depas 100poursan *GDP*. Kwa egzaktaman ki zot pe anvizaze fer, pou kapab fer siny ki nou gard nou lo sa semen soustenabilite, sirtou la kot ou det in arive?

E mon anvi konn en pti pe plis lo sa *Transfer Pricing Framework*. Ki mon santi i vremen enportan pou nou kapab fer sir ki bann reveni nou pa perdi larzan atraver bann *elicit financial froze*.

Ou kapab donn nou en pe plis detay apart ki sa *framework* kwa ki egzakteman ki zot pe fer, pou nou kapab sir ki nou annan en sistenm ki pou marse avek sa nouvo Gouvernman? Mersi Mr Chair.

### **MR SPEAKER**

Mersi. Minis wi.

### **MINISTER NAADIR HASSAN**

Mersi Mr Chair. Mersi Onorab pou ou kestyon. Lo sa klarifikasyon sa sistenm i plis pou *manage* det pei me pa det bann antite en. Lo sa konsern ki ou'n releve lo kote bann det ki bann Minister i annan, mwan mon pozisyon i kler lo la.

En Minister i ganny *allocate* en Bidze pou *meet* tou sa bann *financial obligation*. E i responsabilite sa *accounting officer* pou ou fer sir ki bann det i ganny peye.

So pou mwan si i annan en antite ki pa'n pey son det e *then* son Minister i an defo, *then* i bezwen pran responsabilite pou sa. E pou mwan sa ki mon'n vwar i en defayans ozordi dan Gouvernman.

Se ki bann dimoun ki responsab pa'n pran zot responsabilite pou fer sir ki lobligasyon i ganny fer. So sa mon krwar i bezwen annan en mesaz kler ki ganny anvoye, poudir ou bezwen *manage* ou antite byen e tou ou bann lobligasyon finansyel i ganny peye.

Lo kote soutenabilite det pei kekfw mon a eksplike ki problem la. Nou det in ariv apepre 100poursan of *GDP* ki i fini dan sa *range* kot i pa soutenab. Akoz i pa soutenab?

Akoz ozordi ler ou get ou Bidze of R11bilyon plis ki en bilyon ladan *goes towards* peyman lentere zis lentere lo ou det. Savedir preski 10poursan ou resours pe al dan zis pey lentere.

E ki pou arive pli ale se ki ou pa pou kapab zener ase reveni pou ou pey ou det. So *that's why* nou bezwen redwir sa det. E pou ou redwir sa det ou bezwen fer siplis dan ou Bidze. E pou ou fer siplis savedir ou bezwen redwir ou depans *increase ou revenue*.

Pou ou *increase* ou reveni ou bezwen annan aktivite ekonomik ki pou *then allow* Gouvernman anmas plis *tax*. Me dan lot kote ou bezwen redwir ou depans. Be sanmenm a ou vwar ki Gouvernman in bezwen pran bann mezir ki pa neserman popiler.

Me bann mezir ki ti nesaser aköz finans pei ti'n ariv lo en presipis. E si ti napa bann desizyon ki ti brav nou ti pou'n desann lo sa presipis. E sa ti en keksoz ki ti nesaser.

E ozordi nou war poudir defisit in *narrow* 2021 e lobzektif se ki nou *actually breakeven* lo Bidze dan 2 lannen. E apre sa nou *then* rekonmans fer siplis pou nou kapab redwir sa det.

Me son det li menm li i bezwen ganny *restructure* li. Sa ki diskisyon nou pe fer avek nou bann *partner IMF* ek lot. E ou bezwen *basically swop* sa 2 domestik ki *Treasury Bill* ek *Treasury Bond* ki *expensive*. I apepre 10poursan an montan e rod det *concessionary* ki li i apepre 1 a 2poursan.

So ki sa i vedit? Ou lentere pou peye lo ou det pei i redwir e fer li vin pli afordab. So sa i bann stratezi ki nou pe pran pou nou re-anmenn finans pei lo en *pathway* soutenab.

Lo kote *transfer pricing* sa mon a les pou *PS* a eksplik en pe ki bann louvraz pe fer lo sa kote.

### **MR SPEAKER**

Mersi. *PS*.

### **PS DAMIEN THESEE**

Mersi Mr Chair. Lo *transfer pricing* i form par nou revi ki nou pe fer lo *business tax*. Pou

revwar nou *current* rezim an term son to *tax* ki nou pe sarze.

E osi senplifye nou *business tax model* ki nou annan. E en fason ki lentansyon Gouvernman pou redwir *business tax* lo bann *high threshold*, nou bezwen rod en fason prezan ki nou rekouver sa perd ki nou fer ler nou fer sa rediksyon.

E en defayans ki nou'n vwar se ki bann biznes ki fer tranzaksyon petet avek sa bann *Headquarters* an deor, i annan fason ki zot fer bann transfer larzan ki pa neserman reflekte en tranzaksyon ti pou fer *at arms length*.

Savedir en tranzaksyon ki reflekte en pe *market conditions*. Zot fer bann transfer an plis e zot in met li an term bann *high marketing fees*, bann *high interest* kot tou zot bann *parent companies*.

So sa bann revizyon ki nou bezwen fer dan nou Lalwa pou protez nou baz *tax*, ki nou kapab protez nou reveni.

So nou pe travay avek *World Bank* ki pou nou serten gidans. *Actually* depi lannen pase in konmans serten *capacity building* avek *SRC*.

Me nou bezwen annan an plas en Lezisasyon ki pou kapab gid *SRC* e osi fer konnen bann biznes ki nou model ki *tax* ki nou pou *apply* isi Sesel,

an sa ki konsern *transfer pricing*, ki pou kapab en keksoz transparan pou zot. Mersi.

### **MR SPEAKER**

Mersi. Yes Onorab Loze.

### **HON JOHAN LOZE**

Mersi Mr Speaker. Msye Speaker mon premye keston pou Minis i dan *IMF Country Report* limero 20/170. I annan en keksoz in dir ladan i dir “*All end December 2019 quantitative targets for the fifth review were met, including the inflation rate. And the floors on the primary fiscal surplus and net international reserves. The heavy toll of the pandemic has pushed a fiscal targets for end of June 2020 out of reach but progress in other areas continues to be made.*”

Mon keston Minis se la ki ou’n ganny sans asiz konfortableman dan sa *hot seat*. Kan ki ou pe prozekte ki nou pou ganny vwar en *economic recovery* Sesel? Akoz from sa ki *IMF* pe dir li dan son rapor se ki nou ti korek nou. Lekonomi ti *ok*, e in servi sa mo *quantitative* ki pa en estimasyon i en keksoz konte mon krwar. Nou ti byen apre *COVID* in vini. Sa i mon premye keston.

So si ou kapab donn nou en lestimasyon petet. Mon 2enm keston i *tie-in* avek sa

enn premye. *World Bank* dan son *overview* li i dir “*Recovery is expected to gradually begin in 2021 driven by a resumption of tourism and related capital flows. If unmitigated the poor are expected to bear a disproportionate impact of the economic shock.*”

*According to the 2013 household survey about 6 out of 10 poor individuals have a job mostly in informal activities in the service sector that are expected to experience significant declines.*”

Minis Gouvernman in pran bokou mezir. Mezir neser be selman ou Gouvernman avek mon kote nou opoze lo bokou keksoz.

I annan keksoz ki nou, nou kestonnen dan lafason ki zot in *handle*, selman i pa nou plas pou dir zot ki mannyer pou *run* pei, akoz zot in ganny elekte.

Me selman *the question begs* ki menm *World Bank* in trouve li poudir se sa ki pli mizer ki pou *bear the brunt* e deza nou pe trouve. In annan sa skandal *Dedicated Fund* ki’n pete la.

So kan posibleman ki ou, ou santi ki sa *economic recovery* pou finalman *trickle down* to sa bann ki *World Bank* la pe dir pou pli ganny afekte par kriz ekonomik *COVID*. Mon pe dir *COVID* mon pa pe blanm ou in *anyway*.

Annou konpran byen *I am not pointed any fingers towards you.*

E mon 3enm kestyon i *follow on to* sa ki PS fek reponn, PS eski nou napa okenn lot fason pou nou aranz nou baz taksasyon? Akoz *for years now* nou pe tay deryer sa zafer BEPS – *Base profit Erosion.* Nou pe tay deryer sa bann dimoun ki pe aste *raw materials* ek zot *owning company at over market prices.* Nou pe tay deryer sa bann laranzman finansyel ki zot annan ek zot *management contracts and whatnot.*

Eski napa en lot fason ki nou kapab aret depans resours administrativ pou nou tay deryer. *Manage* sa bann keksoz be nou deside nou dir vwala ou, mon oule ou pey mwan tan *whether* pou 5an *whether* pou 1an.

Mon oule tan Roupi ek ou donn mwan sa mon fini avek ou mwan. Mon napa nanryen ek ou plis. Ou al BEPS si oule, al anvoy larzan kot ou manman, ou papa, ou tonton laba *overseas.* Mwan mon bezwen tan mon oule ou donn mwan tan *and this is the instrument,* mon pe anmenn devan Lasanble. Mon oule Lasanble ratifye sa.

Eski nou kapab senplifye nou baz taksasyon e *move away from* sa *internal dance* ki nou'n pri ladan avek *Base*

*Profit Erosion.* So if there is another way ki nou kapab fer;- akoz nou la nou dan BEPS nou osi. Pa oubliye nou annan nou tout en Lendistri ki SS Payet pe sey *regulate* dan *offshore* laba.

BEPS menm li i pe pran larzan kek par i pe anmenn kot nou. Nou kontan ler kanmarad i anmenn kot nou selman nou pe gele *all along* ler pe sorti kot nou pe ale.

So eski napa en lot fason senplifye nou *tax, do away* ek sa bann zafer *once and for all?* E nou konnen i annan larzan anplis ki pe antre. Mersi Mr Speaker.

#### **MR SPEAKER**

Mersi. Minis ou komanse?

#### **MINISTER NAADIR HASSAN**

Mersi Mr Chair. Mersi Onorab pou ou kestyon. Sa kestyon ki ou'n leve lo kote *economic group recovery* mon krwar i en kestyon enteresan.

E if I go back to mon *budget speech* kot mon ti *lay out* en plan kler ki mannyer sa *economic recovery* pou rekomanse. E mon krwar sa ki pe arive ozordi i reflekte sa stratezi.

E stratezi Gouvernman ti kler se ki, *in the short run* se nou Sekter Tourizm ki pou relans nou lekonomi. E ki nou'n vwar Gouvernman ti annan en plan kler pou

*vaccinate* popilasyon pou li kapab reouever pei.

E pei in reouever le 25 Mars e bann *numbers in terms of tourism coming in* in vreman pozitiv. Annefe zis dan premye semenn apre reouvertir ti annan 3800 viziter ki ti antre. E nou'n vwar bann *occupancy rate* dan bann lotel i annan lotel ki *fully booked*.

E la nou vwar ki *even* bann *smaller establishment* akoz *numbers* pe ogmante, zot osi zot pe konmans gannyen. E sa i zis konmansman sa *economic recovery*. Me ki nou'n vwar osi? Nou'n vwar ki to lesanz i konmans desann *to close to R22* lo son pik.

E la i *mid 21 - 21* Roupri ekek. E mon ti antisipasyon ki i pou desann par anba R20 Roupri *very soon*. Akoz mon dir sa? Akoz ler nou get statistik *flow of foreign exchange in increase* en kantite depi ler *tourism* in ouver. E nou vwar labank *is already buying below R19 rupees*.

E zot pe aste *below 19 rupees*, akoz zot konnen *in the next coming few weeks* zot pa pou kapab vann 1 Dolar par lao R20.

So mon krwar sa plan ki ti ganny met an plas i konmans – son rezilta i konmans vini e i kler. Si pou ou ed sa kours pli vilnerab ou bezwen annan resours finansyer pou fer li.

E ki mannyer ou ganny resours finansye? Ou bezwen annan en lekonomi ki fonksyonnen. Si ou annan en lekonomi ki dan *lockdown*, ki mannyer ou pou *generate* reveni dan en lekonomi kot ti annan ki ti pe dir fodre met dan *lockdown*?

So la ki reveni i konmans antre e nou kapab *allocate* reveni, e dousman, dousman sa *wealth* i *trickle* li. Sa biznes ki pa ti pe travay i kapab konmans travay. So sa i sa *economic recovery*.

E ler ou demann mwan kan i pou konmanse? Mon larepons se ki in fini konmanse sa *economic recovery*.

Lo ou 3enm kestyon lo *taxation* kestyon ti'n adrese a PS mon a pas laparol a PS pou reponn. Mersi.

### **MR SPEAKER**

*Thank you. PS.*

### **PS DAMIEN THESEE**

Mersi Mr Chair. Lo *issue BEPS* mwan mon get li dan en fason ki i pe osi ed pei pou li protez son *tax base*. Akoz si ou gete dan lepase nou'n fer bokou keksoz ki fer nou perdi larzan. *DTAs* i en keksoz ki nou pa realize nou'n *actually* perdi larzan, akoz ou'n antre dan bann Lagreman ki sa bann pei, ler i fer biznes - bann Konpanyen ler i fer biznes

Sesel i pa pey biznes Sesel me i pey biznes dan son pei kot i sorti son pei lorizin.

E dezyenmman nou' fer bokou *exemptions* oubyen bann konsesyon favorab dan nou rezim *tax* anver biznes, ki fer ou perdi reveni.

So *BEPS* ler ou gete li i sipoze en Lagreman mityel dan bann prosedir *DTAs* ki ganny fer *in good faith*. Savedir ki tou le de pei i bezwen kapab benefisyé. E dan nou reform *business tax* ki nou pe fer, premye bi se pou nou *consolidate* nou *tax based*.

Savedir fer siny ki nou annan en plizoumwen en *flat rate* ki *apply* pou tou sektor. E ki tou dimoun ki kontribye dan pey *tax*.

Dezyenmman ou ava rapel bann *SITZ* bann *ITZ Companies* i sipoze *at some point* li osi rekonmans pey *tax*. E lenportans se ki si ou pe fer biznes Sesel *then* ou sipoze pe pey en *tax*. Akoz *then* ou annan lavantaz *over* bann *domestic companies*. E se sa ki petet *OECD* pe met lanfaz lo la, ki bann pei prezans bann pei *L'Europe* i tant pou penaliz nou.

Akoz i vwar ki bann biznes i zis kre bann *shell* anrezistre dan en pei, i pa pey *tax* dan son pei. E i pa pey *tax* Sesel osi.

So sanmenm sa ki i annan bann *minimum*

*standards* ki ganny mete. E bann kondisyon par egzanp ki ou bezwen annan en prezans dan sa pei.

Ou bezwen annan en biro, ou annan en reprezantasyon pou asire ki ou annan *at least somewhere* ki ou pe pey *tax*. E osi at *the same time* ou pa pey *tax* dan de landrwa.

So nou bezwen get li dan en fason ki pe osi ed nou pou kapab anmas nou larzan. Akoz ki pou arive, nou pe vwar bann devlopman ki pe ganny fer si nou, nou pa takse *L'Amerique* in deza met an plas mon krwar prosedir ki li i pou takse.

Si i vwar ou pa pe takse dan ou pei en biznes Ameriken, i pe fer biznes Sesel, Sesel pa pe takse li. *L'Amerique* pou met en *minimum tax* lo sak konpanyen li. E li i pou anmas *tax*.

E nou sa biznes ki pe *operate* dan nou pei i pa pe pey tasks e savedir nou ki perdi. Savedir nou bezwen get li dan en fason parey mon'n dir ki nou protez nou *tax base at the same time*.

E se sa bann *incentive* ki nou'n donner dan lepase ki fer ki sa bann biznes pa pe kontribye nanryen. Akoz si ou get Sektor Tourizm i ti annan li e i annan li en *tax rate* 15poursan, ki *the lowest*.



Me solman *still* bann *international companies* ler ou get zot bann *tax* ki zot peye, in *terms of business tax*, bokou zot pa pe *declare* en *positive tax liability*.

Mon krwar dapre 2017 *data* ler nou ti fer *assessment* avek *OECD* sete selman 8poursan total lakonpanyen ki'n anrezistre dan Sekter Tourizm ki pe deklar oubyen pe pey en *business tax*.

So nou bezwen kapab retir sa bann *incentives* ki nou donnen ki balans *playing field*, e ki tou dimoun i kontribye. Mersi.

### **MR SPEAKER**

Wi Onorab.

### **HON JOHAN LOZE**

Mersi Mr Speaker. Mon rapel tre byen ofet letan ti pe pas Prozedlwa pou bann *ITZ Companies* retourn pey taksasyon. Mon rapel osi bann *Leaders LDS* ki ti opoze zot pa ti kontan ditou sa zafer. Mon vwar enn i vire i get mwan.

Mr Speaker, Minis mon krwar i pa'n byen tann mon kestyon li. Mon pa'n koz nanryen lo *lockdown* mwan *Minister*. Ti napa en mo dan mon kestyon konsernan *lockdown*.

Mon konnen ou'n tante pou reponn sa. Be mwan mon ti anvi konn en keksoz senp mwan. Sa dimoun ozordi ki pa

pe ganny okenn rekour pou met en dipen 50sou lo son lasyet. Tou in fermen pou li e la nou'n menm tir gadyak son piti. Nou pa pou donn li. I pa ganny okenn rekour okenn par.

Pandan letan kot *CSR* in ganny tire lo bann lakonpanyen. Lakonpanyen li i pe ganny benefis *corporate socialism*. *Tax* pe bese lo bann lakonpanyen. Ankor zot, zot pe benefisye avek *corporate welfare* zot la.

La bann gro Lakonpanyen zot, zot ganny *welfare* zot. E *welfare* i ganny tire lo sa 6 *out of 10* la, ki *World Bank* pe dir nou i dan *Informal Sector*. E an konsekans *COVID* in perdi lanplwa la li. I deor li i a laport.

### **MR SPEAKER**

Al lo ou klarifikasyon Onorab *please*.

### **HON JOHAN LOZE**

Mon ti pe zis rode kan apepre li i pou war en *trickle down*. Mon pa ti pe rod *trickle lockdown* mwan. Mon le konnen kan li i pou ganny son dipen 50sou.

### **MR SPEAKER**

Wi Onorab ou pa'n mansyonn *lockdown* be Minis i annan drwa mansyonnen.

### **HON JOHAN LOZE**

Non Minis i annan drwa fer li. Mersi Mr Speaker, *thank you very much.*

**MR SPEAKER**

Wi, Minis ou ava adres son pwen silvouple.

**MINISTER NAADIR HASSAN**

Mersi Mr Chair. Mon krwar dan mon larepons *budget speech*, mon ti fer kler ki *Welfare* i ankor la. Mon konnen in annan bann linisyativ pou kre sa persepsyon ki tou dimoun ki ganny lasistans pa pe gannyen.

Me mon krwar Minis Ledikasyon in eksplik byen lo televizyon sa *issue*. E mon pa pou al ladan ankor. E mwan mon senpleman krwar poudir sa i en persepsyon ki pe ganny kree. Mersi.

**MR SPEAKER**

Nou a *move on*. Onorab Labrosse.

**HON RICHARD LABROSSE**

Bonn apre midi Minis ek ou Delegasyon. Bonn apre midi tou Koleg e tou dimoun ki lekout. Minis mon'n ekout ou tre atantivman ler ou'n donn ou bann deliberasyon la devan. Me i annan en kestyon ki'n vin dan lespri ler mon ti pe ekout ou.

Pandan plizyer lannen Gouvernman ti pe demann

Sesel ordiner konmsi pou nou fer *saving*. Tanzantan nou'n war sa bann *spot* par ler lo televizyon. So konman en Gouvernman eski zot in fer *savings* pandan dan bann letan ki pei ti pe fer *economically good*?

Kot nou tou nou konnen kekfwa ti kapab ede dan bann letan difisil ki nou ladan. E si non, ki pozisyon nouvo Gouvernman lo sa size?

Mon 2enm kestyon i konsernan mon'n vwar ki dan ou dokiman Bidze la, lo plan stratezi mon'n vwar poudir ou'n mete ki zot pe al fer en *introduction* dan *Financial Sector Strategy*.

E la mon ti a konnen Minis mon konnen ki Sekter Finansyel *offshore* ki lot kote latab laba zot pa tro, tro dakor avek, ki pe met manze lo en ta lasyet bann dimoun.

La mon ti a kontan konnen ki plan ou Gouvernman. Ou ti dir dan ou *speech* Bidze mon ti tann ou dir zot pe al kre en *unit* pou sa. An se moman ki nou pe koze la ki mannyer travay pe ale lo sa kote?

E apre osi mon'n vwar en pe dan ou *current challenges* kot ou'n koz en pe lo *poor monitoring of contract*. Ti annan en bout mon osi mon ti koz lo la dan mon repons Bidze.

E la mon ti ava anvi konnen eski an se moman ki nou pe koze la, Minis Finans i annan en *Monitoring Unit* ki'n ganny fer espesyalman pou sa. Mersi Mr Speaker.

**MR SPEAKER**

Mersi Onorab. Minis ler ou pare.

**MINISTER NAADIR HASSAN**

Mersi Mr Chair. Mersi Onorab pou ou kestyon. Lo sa *issue savings* we mon filozofi se ki dan botan nou bezwen fer *savings*, ki zour movetan i vini ou kapab annan en rekour.

E ki mon ava dir se ki parey mon'n mansyonnen oparavan se ki ler nou pe koz *savings* dan en Bidze, dan *context* en Bidze nasyonal se ki ou bezwen *run a surplus*. Ou *run a surplus* pou ou kapab pey ou det avek. E nou –

*(Interruption)*

**MR SPEAKER**

Bann Manm gard en pe lord silvouple, nou a ekoute?

**MINISTER NAADIR HASSAN**

E zis pou montre sa progresyon. Lannen pase ler nou ti pran – mwan mon ti vin Minis defisit ti preski 20poursan e sanmenm sa nou'n bezwen pran bann mezir pou *reduce* sa defisit, *ok?* Redwir sa defisit.

E wi ti annan bann mezir ase mon pou dir pa ase – pa popiler me bann mezir ki ti neserer. E pou mwan sa *is what leadership is about*.

I *ability* pou pran bann desizyon difisil pou byennet nasyonal. E nou'n war ki defisit i pe redwir e i pou kontinyen redwir.

Me nou bezwen fer sir ki zesyon finans Gouvernman i byen. Nou napa gaspiyaz, nou napa koripsyon. E sa i bann kontrol ki nou pe fer sir nou met an plas pou ed nou ariv – kouver sa defisit ki *eventually* nou *move to* a siplis.

Lo kote *Financial Sector Development* progre ki nou'n fer *so far*, parey mon ti anonse i annan en Komite ki *include* bann diferan Lazans Gouvernman.

E bann *relevant private sector players*. Sa in fini ganny *set-up*. E bann Manm in ganny apwente. E zot pou konmans zot louvraz byento. Dan Minister Finans li menm i annan en nouvo striktir ki'n ganny anvoye kot *DPA* pou *approval*, ki pou *set-up* sa *unit* ki pou li i pou kordinen sa louvraz pou devlop Sekter Finansyer.

Lo 3enm pwen *monitoring* mon ava pas avek *PS* pou reponn. Mersi.

**MR SPEAKER**

Mersi Minis. *PS*.

**PS DAMIEN THESEE**

Mersi Mr Chair. Wi nou annan sa *unit* i apel (*PIM*) *Public Investment Management Unit*, ki plizoumwèn fer bann *spot check* lo bann *capital projects* plizoumwèn.

So parey mon'n dir nou pa fer *full* 100poursan *inspection*. Nou swazir serten proze pou nou fer lenspeksyon lo la. E pou le moman i ankor enn nou bann defi ki nou annan. Mersi.

**MR SPEAKER**

Mersi. Wi Onorab pwen.

**HON RICHARD LABROSSE**

Wi Mr Chairman. *PS* la ou'n dir – savedir tou bann Kontra ki Gouvernman i donnen zot pa neserman zot pe sivre tou oubyen zot pe *randomly*. Sa ki ou pe esey dir mwan?

Ou pe esey dir mwan tou bann Kontra Gouvernman ki ganny donnen an deor eski zot pa pe *monitor* li? Akoz sa ki mon pe ganny en konpran ou la zot pa pe *monitor* tou Kontra zis en pe *randomly*.

**MR SPEAKER**

Yes.

**PS DAMIEN THESEE**

Mersi Mr Chair. Wi bann proze kapital plizoumwèn ki vini. Bann Minister i sipoze annan zot *set up* pou zot *monitor* zot

proze. Ler zot *award* en proze. I ganny *tender*. Kontrakter i gannyan zot sipoze *along the way* fer son *monitoring* ziska son *completion*.

E i annan bann peyman ki ganny fer sirtou bann gro proze ki nou apel sa *interim payment*, ki li a serten staz ou fer en peyman lo la dapre konplisyon ziska ler i fini.

So pa tou proze ki nou al enspekte akoz ou annan ou en Bidze *capital project* ki ariv en R1bilyon par egzanp preske tou le lannen. Ou pa pou kapab *monitor* tou sa proze.

Akoz la ou pou *micro manage*. Sirtou bann pti proze osi ki pe arive *Local Government* par egzanp i annan en R30milyon pou bann *small district projects* i pou tro bokou.

I pou koz bokou retar osi lo peyman osi akoz nou annan zis de *staff* kot nou, ki *actually* al lo teren pou *monitor capital projects*. So nou'n swazir serten dosye.

E la sanmenm sa bann dosye ki nou al enspekte ki nou fer peyman lo la. Me solman Minister li menm li i sipoze annan son lenspeksyon li menm li ki *monitor* proze *along the way*.

E osi Biro Oditer Zeneral e osi *Internal Audit* i kapab ale al fer lenspeksyon lo bann proze ki'n ganny fer dan lefase. Mersi.

**MR SPEAKER**

Mersi *PS*. Onorab Cosgrow.

**HON WALLACE COSGROW**

Mersi Mr Chair. Bonn apre midi Minis. Bonn apre midi *SS* avek bann lezot dimoun ki'n vini.

Mr Chair premyerman mon krwar in *stop short of* eksplik Onorab Labrosse atraver ou Mr Speaker lo ki zot fer avek *surplus*.

Petet *SS* Payet ouswa *PS* Thesee i kapab dir vi ki zot pou plis letan, konbyen letan pei in *run surplus* avan 2020 e ki zot in fer avek sa *surplus (savings)* i a kapab reponn Onorab Labrosse en pti pe pli byen.

Mr Chair mon kestyon lo Bidze i lo sa Bidze 2021. Eski Minis, *PS* ouswa *SS* i kapab dir nou ki kapab larzan zot in *forecast in terms of revenue* pou sa Bidze 2021, la ki nou pe vot lo la?

Ki kantite gap i annan e eski zot demars pou *borrow the private financial market* pe byen ale. E ki arive si nou pa *achieve* – ki arive ek sa Bidze 2021 si nou pa *achieve* sa target?

2enm mon ti anvi fer en pti lentervansyon lo *Internal Audit* me Onorab Henrie, Onorab Lemiel e osi *PS* in fer en pti ekspoze lo la.

Mon ti a kontan zis dir poudir petet mon fer en

propozisyon, ki aköz zot pa konsider dan sa *or* sa 2 gro Minister, ki pe *consume* bokou plis Bidze. E osi petet *Agency for Social Protection* ki zot annan en *permanent* reprezantasyon *Internal Audit* dan sa bann Minister?

Ki i ava fer ki zot bann Zofisye Odit i ava kapab pa odit zis bann tranzaksyon finansyel, me osi bann prosedir ki ganny fer dan sa bann Minister e dan sa Lazans *ASP*.

Akoz mon rapel byen avan dan Sekirite Sosyal e zis en pe letan apre dan *ASP* ti annan en *Internal Audit Department*, ki ti fer sa bann zafer tyek bann prosedir avek bann tranzaksyon finansyel. So petet konsider sa konman en propozisyon pou zot bouz de lavan.

3enm i konsern *Procurement Act* 2008 revizyon. Nou'n tann bokou bann *MDA's* ki'n vin devan la nou pandan Bidze, ki'n dir pou dir zot ganny en kantite difikilte an term *procurement process*.

Eski zot kapab eksplik nou kwa ki zot anvizaze revwar avek sa *Act*? Eski zot pe anvizaze anmenn bann sanzman ki pou fasilite the *procurement process*?

E osi eski zot pa krwar petet dan pe fer sa i kapab annan sityasyon kot nou kre

posibilite, pou annan laport ouver pou dimoun petet, mon pa pou dir koripsyon. Me solman dimoun pran lavantaz avek. Mersi bokou Mr Chair.

### **MR SPEAKER**

Mersi. Wi Minis ou'n pare pou reponn?

### **MINISTER NAADIR HASSAN**

Mersi Mr Chair. Mersi Onorab pou ou kestyon. Ou premye kestyon lo Bidze 2021 *projected* reveni i 8.2bilyon of that 6.3 i tax. So if I go back pou ou kapab anmas tax, ou bezwen annan aktivite ekonomik. So ler nou ti fer nou prozeksyon nou ti *take into account* ki mannyer aktivite ekonomik dan lannen pe rekouver.

E pou le moman sa i on track akoz nou ti'n kalkil li avek reouvertir pei lafen Mars. E nou bann prozeksyon in ganny fer anliny avek en *recovery* baze lo en *re-opening of end of March*.

Lo *the funding gap* e sa i son *overall funding gap* ki mean i *include* ou peyman lentera tou sa i 3.4bilyon. Savedir ou *funding gap* i *basically* ou *difference between* ou reveni ek ou *expense*.

E sa i vin ansanm avek nou negosyasyon pou en program reform ek *IMF* pou ed nou kouver sa *funding gap*.

E i pou osi annan bann lezot *partner* ki nou pe diskite avek. *The usual partner* nou annan *AFDB, World Bank*.

Me *again* akoz nou pa kapab *borrow* tousala lo marse domestik. Enn i tro ser, 2enm sa resours finansyer pa egziste akoz nou'n fini – lannen pase ti annan en *bond* 1.5bilyon. Sa lannen in annan enn.

*So this is why* ou bezwen annan ou bann partener eksteryer ki zot, zot donn ou *concessionary financing*. So sa negosyasyon avek *IMF* i *ongoing* i plizoumwen lo son staz final. So sa i pou kouver sa *funding gap*, me osi redwir restriktir nou det *at the same time*.

Lo kote *Internal Audit* mon a les *PS* reponn sa kestyon apre. Mon ava pran ou kestyon lo *Procurement Act*. Depi ler mon'n *assume post of* Minis Finans sa i en landrwa ki'n toultan in problematik.

I annan en kantite konplent lo *issue of procurement*. E i en *issue* ki ase *complex*, akoz ou bezwen ganny ou en balans delika *between* asire ki i annan ase kontrol an plas, pou fer siny ki *procurement* i ariv dan en fason byen.

Me *at the same time* i ariv dan en fason ki ase *timely*. Pou le moman i paret ki i annan de *issue*. I annan en *issue* of kot prokirman li menm li i arive.

akoz *procurement starts in the line Ministry.*

E i paret mwan i annan problemm laba. E mon'n mansyonnen dan lepase diferan problemm ki annan e sa i bezwen ganny adrese.

Me dan lot kote i annan en lot problemm *of speed that it takes for a procurement to happen.* E i annan en kantite faktor ki antre ladan. Kekfwa mon a donn loportinite Annie ki diriz sa seksyon, kekfwa i a eksplik en pe sa *issue* ki bann Manm a ganny en *understanding* ki bann *challenges* ki i fer fas. Mersi.

### **MR SPEAKER**

Mersi. Nou a pas kot *PS* avan oubyen ... ?

### **PS DAMIEN THESEE**

Mersi Mr Chair. Parey mon'n eksplike ler nou ti revwar striktir *Internal Audit* nou ti met en seksyon ki fer bann *public sector audit.*

Savedir nou plas bann oditer par sekter aköz nou napa ase kantite pou donn 100 *Internal Auditors* dan tou sa bann 100 *entities* ki nou annan.

So nou swazir bann sekter parey Lanvironnman, *Health, Education* e nou met enn. E an 2019 nou ti konmans *recruit* 2 enn dan *Health Sector* ek enn dan *Education Sector.*

Me apre avek *COVID-19* nou'n bezwen retir nou bann *staff* tourn li *back* dan *Headquarters.* Ek *ASP* avek odit ki'n ganny fer nou'n sa lannen met en *Internal Auditor* laba plase *fulltime.*

E nou stratezi se ki sa i ganny santralize dan *Internal Audit* dan plas sa bann Minister i *recruit* sa bann *Internal Auditors* zot menm. Aköz nou vwar son efikasite i pou pli byen si dan *Internal Audit* ki dan sa Minister.

Aköz dan sa Minister i pa pou fer *much* - sa *accounting officer* i *still* kapab kasyet serten keksoz ki son *Internal Auditor* met devan li.

I zis parey en Konpanyen pou *Internal Auditor* i raport ek ou *Board of Directors.* I pa raport ek ou *CEO* pou donn sa transparans en pe plis. So sanmenm sa stratezi ki nou'n servi.

Me parey mon'n dir si nou anvi *beef up capacity* partou, nou pou bezwen *recruit.* Me nou napa sa resours e osi sa *availability* dan *market* pou nou kapab fer li dan en fason entansif. Mersi.

### **MR SPEAKER**

Mersi *Director Procurement* i oule pran laparol?

**DIRECTOR** **OF**  
**PROCUREMENT** **ANNIE**  
**DUGASSE**

Bonn apre midi Mr Chair, bonn apre midi bann Manm Onorab. Lo kote *procurement* parey Minis in dir i en size ki ase *complex* mon kapab dir li.

E vre i annan de laspe. I annan sa laspe ki i konmans dan Minister apre i annan sa laspe ki vin kot nou osi.

*Speed* i en *issue* wi e lot kote osi abilite pou fer *procurement* osi i en problem. Savedir kapasite *wise* dan *line Ministry* osi i en problem. E avek sa *issue* kapasite ki nou vwar i osi anmenn sa eleman retar. Akoz?

Bokou fwa letan ou pa konpran *procurement* ou pa pou kapab fer *procurement*. E bokou fwa letan sa bann *request* in vin kot nou, nou bann zofisye i pas bokou letan avek sa Minister, pou aktyelman redrafte son proze pou li kapab pase. E retar osi i vin dan sa fason osi.

En lot fason kot retar osi i vini se *poor planning* depi konmansman sa Minister. Nou tou nou konnen nou ganny en Bidze depi Fevriye i ganny *release*.

Bokou fwa ki nou vwar ou fer ou plan me selman ou tarde egzekite. Ou asize ou espere, ou tranpe letan lannen pres pou fini e la ou larg tou. Be sa osi i ede pou fer retar osi.

Wi nou dakor ki parfwa retar osi i arive prosedir petet i devret revwar. Parey Minis in

anonse dan son *budget speech* i pe fer reform dan *procurement*.

E i annan en *independent walking tip* ki pe *set-up*, dan sa lide se pou revwar sa Lalwa lo li menm. Revwar bann *issues* ki annan bann defayans ki annan e sey *tackle* li pou fer li vin pli konpreansiv pou *line Ministries*. e pou tou dimoun ki pe servi li osi. Mersi.

#### **MR SPEAKER**

Wi pwen klarifikasyon Onorab.

#### **HON WALLACE COSGROW**

Yes Mr Chair pa neserman klarifikasyon me ki mannyer nou pou *improve*. Peter ler nou pe revwar zafer *procurement* la en, akoz i vremen enportan li.

Ler nou pe revwar li nou pran kont ki wi nou bezwen *speed* me solman nou bezwen *checks* pou fer sir ki – akoz la nou pe vwar en bon pe bann Minister, bann *MDAs* ki pa kase bokou kontrol pe al anba bann Minis *ok*?

So nou bezwen fer siny ki napa en kontrol santral ki annan en lanmen lo *procurement*, ki apre nou vwar en pake problem dan bann Minister. Mersi.

#### **MR SPEAKER**

Mersi. Mon krwar *panel* in not ou pwen. Mersi bokou. Onorab William.



**HON WAVEN WILLIAM**

Mersi Mr Chairman. Bonn apre midi Minis avek ou lekip. Mon premye kestasyon mon ti a kontan demann Minis se si i kapab donn nou en lendikasyon.

Nou konnen poudir prozeksyon se 11 ekek bilyon Roupri lo Bidze 2021. Ki zistans zot ete avek demars pou ganny *budget support*?

E an menm tan anliny avek pri domestik avek pou enternasyonal, eski zot pe prozekte poudir pou annan en rediksyon, par lefe ki la nou pe vwar poudir keksoz pe amelyore?

Epi dezyenmman an relasyon avek lenflasyon, *rate* ki nou ti konmans avek konmansman lannen, ki ou prozeksyon petet pou lenflasyon la, dan ver lanmwaye lannen?

Epi vizavi zot bann *strategic priorities* mon vwar pou dir zot annan lentansyon revwar *The Public Procurement Act*. Mon anvii konnen kan ki sa i ekspekte vin devan Lasanble.

An menm tan si ou kapab dir nou, baze lo par lefe ki in annan en sanzman e pou ou ki Minis la, ki vreman bann defayans ki ou ti a kontan met a la porte Lasanble? Ki ou'n vwar ki i neselit vreman, annan sa revizyon dan

*Procurement Act* 1, pou elimin gaspiyaz e koripsyon? Mersi.

**MR SPEAKER**

Mersi. *Panel* lekel ki'n pare? Minis?

**MINISTER NAADIR HASSAN**

Mersi Mr Chair. Mersi Onorab pou ou kestasyon. Lo ou premye kestasyon lo *budget support*, kekfw mon ava eksplik sa *process*. So *budget support* normalman ou kapab ganny li, i annan de avenii. Nou annan bann avenii *Multilateral Organisation*, *IMF*, *World Bank*, *AfDB*. Me osi ou annan avenii bilateral, so pei pou pei.

So, me normalman sa katalis pou ou kapab konmans ganny *budget support*, ou bezwen annan en program reform ek *IMF*.

So *once* ki sa i agree, *it is endorsed and approved*. Then tou sa bann lezot i vini, i *join* nou.

Akoz ou reform *IMF* li, son *focus* se ki mannyer ou det i re vin soutenab. E en pei, *or* en lorganizasyon pou donn ou *budget support*. Senpleman si ou kapab demontre ou abilite, pou ou det re vin soutenab.

So parey mon'n dir, sa bann diskisyon i *ongoing*. I en *case* ki ase *complex*, ler ou negosye sa bann program. Me nou'n ariv lo preski son konklizyon sa bann diskisyon. So mon mazine *in the next*

*month or so*, sa i ava finalize e nou kapab met keksoz an plas.

Lo kote ou 2enm kestyon *price reduction*, e mon ava pran li ansanm ek lenflasyon. E nou konnen pli gro faktor ki enpakte lo lenflasyon Sesel, se to lesanz.

E sanmenm sa ler mon ti pran sa pos, mon priyorite se premye, ti pou stabiliz to lesanz. E nou'n vwar *on the last few months*, to lesanz ti'n stabilize.

E *secondly it was linked* avek the *economy recovery*. Kot *then* ou re anmenn ou to lesanz pli ba, e nou vwar ki sa i konmanse.

E parey mon'n dir, ler mon pe get bann *Statistics*, bann fondamantal dan marse to lesanz, tou lendikasyon se ki, nou to lesanz Roupie, Dolar, byento pou tonm anba R20.

E si nou Sekter Tourizim i kontinyen parey in komanse la. E mazine la marse *L'Europe* i ankor fermen, so touris ki pe antre i pirman *outside L'Europe*. E *once* ki marse *L'Europe* i ouver, mon antisipe poudir keksoz pou kontinyen *pick-up*. E prozeksyon lo ler mon regarde, se ki to Dolar pou kontinyen desann. *Ok?*

E otomatikman vi ki to lesanz i faktor prensipal, lo pri komodite, *then* i devret annan en rediksyon, dan pri si to

lesanz pe desann. E lo kote lenflasyon osi similar lozik.

Lo kote *Strategic Priorities* lo *Public Procurement Act*, i annan de *issue* kle ki nou bezwen regarde.

I Lalwa li menm, nou bezwen en Lalwa ki pratik. Annan de ler ou annan en Lalwa, i *look* zoli sa Lalwa li. Me selman ler i vin son lenplimantasyon, i annan plizyer keksoz ki ou rankontre. Ki prezan i fer li, vin inefikas.

So i dan sa lespri, ki nou'n deside *set-up* en Komite, en *working group*. Nou apel li en *working group*, ki annan bann zofisye *procurement*.

Ki annan sekter prive, akoz ou bezwen ganny tou lede kote. E sa i enportan i sa diskisyon i arive, e kot bann problem ki pe ganny *encounter* la. E ki bann solisyon pratik, *tout at the same time*. Fer sir ki, parey mon'n mansyonnen ou annan sa balans *between adequate control*. And the *practicality of procurement*.

So sa i priyorite sa reform ki pe ganny fer. E i pa en reform ki Minister Finans i dir i pe fer lo li menm. I en reform ki pe *include* en *wide range of actors*, pou ganny diferan lide ki mannyer nou fer li vin pratik. So sa pe komanse.

E *hopefully by* lafen lannen nou kapab annan en *working document*, ki nou

kapab komans en konsiltasyon avek.

So i en gro louvraz ki pe ganny sa, akoz parey nou'n mansyonnen *Public Procurement Act* i - *The Public Procurement* li menm i en *issue* ase *complex*, e ou bezwen fer li dan en fason byen. Ki sa *end product* ki ou *end up* avek, i en bon prodwir. Mersi.

### **MR SPEAKER**

Wi Onorab, ou annan klarifikasyon?

### **HON WAVEN WILLIAM**

Mr Chairman mon ti a kontan, *well* ouver en laport pou Minis pas en mesaz lo nivo nasyonal. Pran lefe ki Gouvernman i angaze dan fer pran bann mezir pou fer sa bann reform, pou nou lekonomi rebran.

Eski ou santi poudir pep Seselwa an zeneral, zot angaze? E menm si ou annan en parti, ki pe *still* anvi nou al dan *lockdown*. Eski ou kapab konfirman poudir ti byen, ki nou pa'n fer en total *lockdown*? E ki la nou kapab re ouver?

E ki mesaz, vizavi mezir lasante. Eski ou santi poudir, letan ou koman Minis Finans, pe regard kot i en zefor ki nou bezwen fer ansanm.

Eski pep Seselwa ou santi, pe vremen zwenn ansanm pou kapab fer sir, ki bann mezir lasante pou siport

reform nou lekonomi, avek larive bann touris? Eski ou ti annan en mesaz ki ou ti a kontan pase? Mersi.

### **MR SPEAKER**

Mersi Onorab. Minis.

### **MINISTER NAADIR HASSAN**

Mersi Mr Chair. Mersi Onorab. Wi, mon krwar sa *issue lockdown*, pei pa ti pou kapab *survive*. Akoz ou ti'n ariv en pwen kot Gouvernman ti napa resours finansyer. E pei ti napa resours finansyer, pou kontinyen siport Biznes.

E ler sa arive, ou senpleman bezwen re ganny aktivite ekonomi pou re konmanse. E la nou'n vwar, aktivite ekonomi in komanse. Ou vwar kantite louvraz ki *available* lo *market*, pou komans ogmante. E dimoun i kapab travay, pou zot met manze lo latib.

Akoz senpleman mon krwar, ler mon get *public sentiment*, i ti kler. Dimoun ti senpleman anvi sa abilite, pou li sorti, travay *earn* son *living*. E nou, nou ti bezwen fer li dan en fason, ki i *safe* pou nou popilasyon. E la kot ou annan ou program vaksinasyon.

E i kler ki sa stratezi i marse, e dimoun pe konmans travay. Me selman i enportan ki - e sa kekfwa i mon pli gran konsern. Se ki nou pa les nou *guard down*. Akoz nou

sityasyon lasante, i *directly* osi *link* avek nou *economic recovery*.

So pa akòz nou'n vaksinen, nou pou kontinyen pran nou bann mezir *public health*. Sanmenm sa ki sa bann *public health measures* i ankor la. Akòz son lenportans, i ankor la.

E as piblik nou bezwen pran nou responsabilite, ki nou adopte sa bann mezir. Ki nou anpes *spread of* sa viris. E sa i a kontinyen ed nou lekonomi, pou *recover* sa i en keksoz kle. Mersi.

### **MR SPEAKER**

Mersi Minis. Onorab Gill.

### **HON CHURCHILL GILL**

Mersi Mr Chair. Bonn apre midi Minis avek ou delegasyon. Mon premye kestyon i annan pou fer avek *procurement*. Nou'n ganny dir par Ms Dugasse, konmkwa i annan en *working group*. Ki pe travay lo la, e osi Minis ou'n, masyonnen konmkwa ki sa travay pe ganny fer avek *private sector*.

Mon kestyon se, eski i annan dimoun dan *private sector* lo Praslin ek La Digue ki zot osi, zot pe form par dan sa group dimoun, pou zot osi kapab fer serten kontribisyon?

Mon 2enm kestyon, lo *Policy Tax* ki ou Minister pe fer legzersis lo la. Eski i pou

*warrant* en lot travay apre, avek bann pei ki nou'n siny Lagreman pou *double taxation*?

Mon 3enm mon kontan Minis depi dan letan Bidze, kot ou'n fer sorti poudir ou pran desizyon. E mon annan en kestyon ki mon ti a voudre, en desizyon i ganny pran lo la.

Sa se depi ler nou pe diskite Bidze, tou bann *MDAs* ki'n vini. I annan en defayans konsiderab dan Bidze. Ki ganny *allocate* pou Praslin ek La Digue.

E mon kestyon se, mon santi poudir in ler ki sa formil i ganny revwar. Akòz ou menm si ou pou fer ou bann teknisyen, fer en legzersis lo sa sonm ki ou'n prozekte koman Bidze pei pou 2021.

Ou fer zot donn ou sa sif, ki Praslin pou benefisye avek, ou pou vwar ki kantite gran diferans i annan. E i pa akseptab ki en parti nou teritwar, i pa pe ganny kouver parey i devret. Dan en legzersis Bidze pei nasyonal.

Alors eski sa i en keksoz ki ou santi, ou pou pran en desizyon lo la? E bann dimoun Praslin ek La Digue i a kapab dan lot Bidze 2022, zot a kapab vwar en kontribisyon ganny *allocate*, ki pli rezonnab ki ozordi, ki nou vwar? Mersi.

### **MR SPEAKER**

Mersi Onorab. Minis.

**MINISTER NAADIR HASSAN**

Mersi Mr Chair, mersi Onorab pou ou kestyon. Lo sa *issue* sa *working group*, mon ava koz avek Direkter. So ki nou fer sir nou annan reprezantasyon Praslin ek La Digue lo la. Mon krwar i en pwen valid ki ou'n met devan.

Lo kote *Policy Tax*, spesifikman lo *double taxation*. Wi, i annan *issues* lo bann *double taxation agreement* ki'n ganny sinyen. E sa i en keksoz ki mon bezwen fer analiz lo la, e regarde ki mannyer nou *close* en pe sa bann *loophole*. Sa i en priyorite ki sa lannen nou bezwen travay lo la.

Lo kote *budget allocation* for Praslin ek La Digue, mon ava fer bann teknisyen fer sa analiz. Pou vreman idantifye si i annan sa defayans dan alokasyon.

E si vre i annan en *issue there*, mon krwar i en keksoz ki nou devret adrese. So bann teknisyen i avar pran note, nou ava fer sa analiz. Mersi.

**MR SPEAKER**

Mersi Minis, Onorab Pillay. Onorab Aglae ou ti'n lev lanmen? *Ok* mon ava pas ou.

**HON EGBERT AGLAE**

Mersi Mr Speaker. Minis bon apre midi avek ou delegasyon. Minis avan mon demann ou

mon kestyon, petet mon konnen sa size *lockdown*. In enn ki'n ou'n koz bokou lo la, e bann lot Manm pe fer mansyon.

Mon ti a kontan petet Minis, akoz ler nou fer referans avek *lockdown*. E ou'n fer resorti pou dir, ti pou napa gran eleman ekonomi dan en sans.

Me selman sa ki nou, nou konnen, demann sete ki Zanvye, apre festivite, ler pei ti pas dan serten problem, kot lenfeksyon ti pe ganny ogmante, *community transmission* ti'n ogmante.

E se la moman ki nou ti dir be *ok*, fer en *lockdown*. Akoz Zanvye i en mwan ki *non-productive*, e *by* Fevriye pei i *kick in*.

E sa bann moman letan osi, bokou pei pa ti ouver, lafrontyer ti fermen. Ti napa vol osi, se sa rezon. Nou pa ti pe dir *lockdown* eternite nou. Minis –

*(Interruption)*

**MR SPEAKER**

Ale, lord silvouple.

**HON EGBERT AGLAE**

Minis mon ti a kontan petet demann ou. Ou'n koz en pe lo labi, ou'n koz en pe lo move zesyon. Sirtou anba *goods and services* dan bann Bidze, dan

bann Departman dan bann Minister, *ok?*

E mon krwar poudir i annan bann *layers of governance* ki ganny *set-up*, pou *oversight* dan bann Minister, bann Departman. Minis petet ki ou pe mazin fer, pou ou kapab premyerman, akoz ou annan ou bann *accounting technician* Ki dan bann Departman, ansanm avek en *PS*.

Se sa de *accounting person* mon kapab dir, dan bann Departman, dan bann Minister, ki donn lotorizasyon pou *issue* peyman, ki pou ale kot Trezor.

E baze lo sa Minis, eski ou bann dimoun premyerman i ase okipe, pou petet ler zot vwar pou dir, i annan serten *malpractice* ki pe ganny arive, move zesyon, ou'n koz lo *store, procurement*. Eski ou bann *accounting technician* i ase ekipe, eksperyanse pou zot detekte, ler i annan bann move zesyon?

Akoz se zot ki pe donn lotorizasyon peyman, ansanm avek sa *PS*. *Unless* zot pe *collude* ant sa de dimoun, pou fer ki i avar vin en *layers of protection*, kont koripsyon li menm, e move zesyon avan ki ou ava *bring in* ou *Internal Audit Unit?* Sa i enn.

2enm Minis, Gouvernman i pran desizyon pou retir serten *Board* avek

serten lorganizasyon, ki mon pa konnen petet si ou, ou pou annan en lot lopinyon lo la, ou pa annan drwa osi donn mwan en lopinyon osi. Petet kestyon i devret direk.

Lo size *Board* li osi, ki mon get li koman en *layers of governance oversight*, dan bann Departman ki ganny *set*.

Pou ki desizyon i pa inilateral par zis en endividi. Me ler nou'n war i annan serten landrwa, ki *Board* pe ganny sorti, mon konsern i eski pou annan sa *oversight*, ki pou kapab zwe en rol osi, pour donn Finans en rapor demen?

Akoz *Board* i soumet en rapor, lo sa antite, son fonksyonman. Pou ed Finans osi, kapab detekte okenn bann form, move pratik.

Sirtou kot i konsern proze kapital li menm, e bann *procurement* ki ganny fer. So eski ou Minister petet pe mazin annan en lot kalite *form oversight*, vi ki i annan serten landrwa ki *Board* pou sorti prezan.

Ki pa pou iniratelman avek en sel endividi, sa i pou sa Minis mon krwar, ki pou annan sa *final say*. Pou fer ki deteksyon boner bann move pratik, ki zot Gouvernman i krwar ladan, pa vin anfors? Mersi.

**MR SPEAKER**

Mersi Onorab. Minis.

**MINISTER NAADIR HASSAN**

Mersi Mr Chair, mersi Onorab pou ou kestyon. Lo sa *issue* premye kestyon lo *lockdown*, mon krwar an Zanvye ler *Platinum Committee* ti *meet*, ki mon en *member of*, e ti demann bann Dokter. Dr Gedeon, Dr Louange eski ti annan en nesesite, pou fer en *lockdown*?

Larepons ti kler se ki non, e *as* bann *expert* dan sa *field*, nou ti ekout zot. So mwan mon pa *the Public Health Commissioner*, i pa mon lekspertiz lo *Health risk*, sa i lekspertiz Dr Gedeon.

Lo 2enm kestyon *gouvernans* dan bann *Departman*. Mon lobservasyon, se ki in en lese fer *attitude* lo kote kontrol ki'n arive. E sa i keksoz pli enportan pou nou tire, sa latitud pou dir i *ok*.

Ou konnen en senp legzanp, i annan en *Policy* lo ki manner ou servi transpor *Gouvernman*. I annan, *Policy* i la li. *But it has become* en *norm* pou dir, nou pa swiv *Policy*.

E si *at the high level* sa pe ganny abize, anba i pou gete li. I pou fer parey, e mon krwar i sa kiltir ki bezwen sanze. *This is your first line of control*. Ki tou dimoun pou realize poudir, *this is tax payers*

*money*. *And we need to be* responsab avek.

Me in ariv en nivo kot tou dimoun ti krwar i *ok* pou fer sa, pou fer sa kan pa ti *ok*. So premyerman nou bezwen sanz sa kiltir. Akoz ler ou koz *gouvernans*, *gouvernans* son premye keksoz pli enportan, se ou bezwen annan en kiltir. Ki ankouraz bon *gouvernans*. San sa kiltir ou kapab met tou sa mekaniz ou, i pa pou marse *ok*?

Lo *issue* eski si ou retir *Board* i pou redwir efikasite *gouvernans*. Non. E *this is where* Minister Finans i annan en *say*, lo bann landrwa ki *Board* i reste i bann landrwa ki *Board* retire.

E kot dapre operasyon serten antite, sa i pou dir wi. La i fer sanz pou annan en *Board*, me i annan lezot landrwa ki non. Ou pa bezwen en *Board*.

E pa bliye en *accounting officer*, i annan sa responsabilite li. E si i annan en keksoz ki al mal dan en *entity*. Sa *accounting officer* ki responsab i bezwen *personally accountable*.

Ler en dimoun i *mess up* i fer en keksoz en landrwa, nou pa kapab zwe *musical chairs* avek. Aksyon i bezwen ganny pran, i bezwen ganny fer en legzanp, ki lezot pa fer parey.

E sa ki problemn ki'n arive. E ozordi nou bezwen serye, ki mannyer bann dimoun ki annan sa *ultimate* responsabilite. Pou zer *tax payers money*, si zot fer keksoz ki mal. Zot bezwen *face* la konsekans. So wi, mersi.

### **MR SPEAKER**

Wi, Onorab annou terminen.

### **HON EGBERT AGLAE**

Minis mersi pou ou bann larepons ki ou'n donner. Mon ti a kontan demann ou, mon'n swiv ou byen. Mon'n ekout ou byen, dan sa laliny pou nou evite ki nou pou pas ankor dan bann move zesyon.

E nou konnen poudir parfwa, i annan serten opresyon par serten dimoun. Ki si mon vwar en keksoz mon pa kapab vin devan. Akoz petet swa mon perdi mon lanplwa, ouswa mon ganny viktimize.

Eski ou Gouvernman e ou Minister pe mazin kree, par egzantp i kapab en laliny kominikasyon. Ki a permet dimoun ki sipe serten keksoz, vin devan atraver en fason san ki i ganny devwal son idantite.

Pou met serten fe devan Minister Finans, ouswa mon pa konnen lekel. Pou kapab, mon pa pe koz lo anti-koripsyon la mwan. Mon pa ankor ariv lo sa nivo la mwan.

Kot i annan kolizyon, *collusion*. Kot i annan bann move pratik *goods and services*. Zot kapab vini dir pou dir be *voila*, i annan tel keksoz ladan pe pase dan tel Minister, Departman.

E ou pran en aksyon, anvoy serten dimoun pou al gete. Si vre sa keksoz pe pase, e la nou ava dir ok. La Minis la ou serye la. La ou pe travay. Mersi.

### **MR SPEAKER**

Mersi. Minis ou a kapab reponn son pwen.

### **MINISTER NAADIR HASSAN**

Mersi Mr Chair. Mersi Onorab. Mon absoliman dakor avek ou, *it is more than time* ki nou kree en kiltir *of* si en dimoun i war en keksoz mal, i kapab anmenn devan. I ganny sa proteksyon nesaser, pour anpes li ganny viktimize par son siperyer.

Akoz sa osi in en *issue*. Se ki *staff* in per pou anmenn keksoz devan. Akoz si i anmenn devan, i kapab annan reperkision pou li.

E i enportan ki *staff*, ou konnen nou kapab anmenn en *Whistle Blowing Policy*. Ki donn proteksyon sa *staff*. So sa i bann keksoz ki nou bezwen regarde.

So sa *it is part of changing the culture*, ki mannyer dimoun in vwar fer



keksoz dan le pase. E ki mannyer nou anmenn en nouvo fason fer. Mersi.

### **MR SPEAKER**

Mersi. Bon mersi. Nou avagard en pe lord silvouple. Onorab Pillay, wi ou tour.

### **HON SEBASTIEN PILLAY**

Mersi Mr Chairman. Mr Chairman i en pe tar so mon avar dir bonswar tou dimoun. Bonswar Minis ek ou delegasyon, bonswar tou bann Manm Onorab. E byensir bonswar tou Seselwa ki a le kout.

O kontrer mon remersye tou dimoun ki'n regard *press conference United Seychelles*, e i pou repete tanto 7.30. So sa ki pa'n ganny sans regarde, i ava ganny sans regarde ankore.

Mr Chairman mon krwar Minis i enportan, ki nou met serten fe devan ou. Fe, aköz bann keksoz ki ou'n dir sa. Se en fe devan ou ki ou'n dir oparavan, aköz ou koz en kantite. Parfwa mon krwar petet ou devret rikord en pe sa ki ou dir, avan ou kontinyen koz lo bann lezot keksoz, en?

Parey legzanp – mon pa pe donn lord Minis. Me selman mon oule met sa devan Minis, aköz i annan serten keksoz ki Minis in dir. Ki mon dakor avek. Me i annan serten keksoz ki Minis dan serten

laliny, ki al ladan ki rann mwan en pti pe soke.

Premyerman par egzanp ler Minis i koz lo kontrol to lesanz. Minis ou napa okenn kontrol to lesanz ou. Ou'n travay *Central Bank*. E ou konn tre byen, se marse menm ki kontrol to lesanz. E ou konn tre byen rol *Central Bank*.

Ou'n travay *Central Bank* plizyer lannen, so si sa bann labi in pase. Ou'n vwar tou sa bann labi, petet ou'n santi ou pa'n kapab fer *whistle blowing* sa letan. Ou ava dir mwan pou dir kekfwā ou ti per, pou perdi ou pozisyon me ou ti laba ou. Ou ti dan sa bann landrwa.

Mwan mon'n *attend meeting* avek ou, an sa ki konsern *Central Bank*. Mon ti *attend meeting* an sa ki konsern, *loss of correspondence Banking* avek ou.

E ou ti re asir – ou ti enn bann dimoun ki ti kont lamannman ki ti pe vini. Anmennen par Vis Prezidan Afif sa letan.

So mon krwar i enportan ki nou regard bann keksoz. Annou regard bann keksoz ki'n ganny dir apre midi, pou nou kapab konpran en pe pli byen sa *Policy* ki Minister Finans pe vin avek.

Premyerman lo sa size *savings* ki nou fer, ek bann mezir ki nou'n pran. Bann mezir brav ki nou'n pran,

bann desizyon brav ki nou'n pran.

Be la mazorite desizyon brav ki ou'n pran, zot in *basically almost go back* lo la. Premyerman zot ti sorti lo *part rental*, e mwan mon rapel tre byen ki ti ganny dir.

Aprè *part rental* in re ganny amande, e *suddenly* in ganny glise, ki i pou *still* ankor egziste. An sa ki konsern *Welfare*, zot in sorti for lo *Welfare*, e petet zot ava dir mwan, mon pa pe koz laverite.

Me mwan mon krwar, e mon konvenki la mazorite zot lo kote latab, in resevwar plizyer *text*, e plizyer *call*, vizavi sa sityasyon. E zot in al fer en reprezantasyon anver zot Gouvernman, lo menm size ki nou ti pe koz ek zot lo la.

Lo menm difikilte ki plizyer fanmir ti pe gannyen, dan zot *constituencies*. Akoz zisteman desizyon ki Gouvernman ti pe pran. E ler Minis i koz ek nou lo *lockdown*, nou pozisyon lo *lockdown* in toultan parey.

Nou pa'n zanmen dir *lock pei down vitam aeternam* nou. Sa ki nou ti dir se ki pandan letan, sa ki nou ti dir pandan letan.

*(Interruption)*

### **MR SPEAKER**

Bann Manm lo kote *LDS* trankil silvouple. Onorab Pillay *move on* en pe, mersi.

### **HON SEBASTIEN PILLAY**

Mr Chairman ou pa kapab ekout zot, apre vin dir mwan *move on*. Mon pe fer mon pwen parey tou dimoun, in ganny sans fer zot pwen. So mon loportinite i la.

### **MR SPEAKER**

Onorab Bistoquet mon tann ou tro bokou. Mersi.

### **HON SEBASTIEN PILLAY**

Zot ozordi pou Lazournen Ners, konport ou en pe!

*(Interruption)*

### **MR SPEAKER**

Onorab Pillay konsantre.

### **HON SEBASTIEN PILLAY**

Mr Chairman mon krwar sa ki enportan pou nou, met an perspektiv. Se si ou kapab dir nou, kantite larzan egzaktteman ki ou'n *save* atraver sa bann mezir drastik e brav ki ou'n pran? Donn nou en *figure* konbyen ou'n *save* egzaktteman?

Prezan dir nou konbyen i koute, tou sa bann dimoun ki'n perdi zot lavi avek *COVID*?

Tou sa bann dimoun ki'n ganny enfekte, avek *COVID*? E dir nou ki ti ou reaksyon ler nou, nou ti dir ou poudir

malgre ou pran 2enm doz vaksen, ou *still* kapab ganny enfekte avek COVID?

E mwan mon rapel tre byen ou reaksyon, sa letan. Akoz demanti mwan prezan zot dan Lasanble, si napa dimoun ki'n pran tou lede doz vaksen, in *still* ganny enfekte? Demanti mwan! Non, be demanti mwan!

*(Interruption)*

**MR SPEAKER**

Ale. Onorab Arissol reste trankil en pe silvouple.

**HON SEBASTIEN PILLAY**

Mon krwar fodre nou arete fer sa politik bon marse. Akoz sa letan ki nou ti annan la, sete pou nou diskite en size vreman enportan.

Size enportan ki devan nou, se ki mannyer Gouvernman pou kapab *achieve*, son rezilta ki in set pou sa lannen. *At the same time* san ki okenn dimoun i ganny kit deryer. *That was the point* ki nou ti pe *come to*.

E nou'n annan diskisyon avek Minis Derjacques lazournen. Nou pa'n ganny sa bann kalite problem, nou pa'n ganny sa bann kalite problem avek Minis Vidot.

*Nor* avek lezot Minis, *nor* avek Minis pou *Local Government*. Me mon war i drol, ki nou bezwen ganny sa diskisyon o moman. O moman ki nou pe diskite Bidze Minister Finans, akoz i enportan pou nou met serten pwen an perspektiv.

**MR SPEAKER**

Me avans en pe lo Bidze silvouple.

**HON SEBASTIEN PILLAY**

Me serten keksoz i bezwen ganny met an perspektiv Mr Chairman.

*(Interruption)*

**MR SPEAKER**

Silvouple Onorab.

**HON SEBASTIEN PILLAY**

Akoz.

*(Interruption)*

**MR SPEAKER**

Ale, trankil silvouple. Lord dan Lasanble.

**HON SEBASTIEN PILLAY**

Mersi Mr Chairman.

**MR SPEAKER**

Wi, be avans en pe Onorab Pillay.

**HON SEBASTIEN PILLAY**

Mersi Mr Chairman. Sa ki enportan, se ki nou bezwen kapab met an perspektiv serten keksoz. So premye kestyon ki mwan mon annan pou Minis, se ou'n koz lo *economic recovery* ki pei pe fer.

E ou'n koz lo sityasyon ki nou pe pas ladan, e ou'n dir nou, nou ti obor en presipis. E nou konnen i annan serten depans ki nou pe al fer.

So eski lanaliz ki ou ti donn nou, avan ou fer ou *speech* Bidze, e letan ou'n fer ou *speech* Bidze, i ankor reste parey? Oubyen in sanze? Ziska le pwen kot mwan mon panse, poudir zot in *over complicate* sityasyon, zis pou fer en pwen politik.

E ki en kantite dimoun in soufer akoz sa. Mon pou eksplik sa Mr Chairman, pou mwan avanse lo mon 2enm pwen.

Nou pran sa size *Delicated Fund*, akoz sa i al an relasyon avek bann *Policy* ki nou'n gannyen. Akoz nou pa bliye nou en.

Dan Lasanble nou ti ganny Minis pou Ledikasyon, e nou ti demann li kestyon lo la. Plizyer kestyon sorti lo nou kote latab, malgre zot lo lot kote latab ti prefere pa demann kestyon lo la. *Ok?*

Zot ti prefere pa demann kestyon, apre ler i sorti dan Nouvel zot ankoler. Nou ti ganny en lesplikasyon lo ki

manner keksoz pou ganny fer.

E *ASP* nou ti ganny dir, pou dir i parti prenan dan sa prosis. Apre nou ganny dir en lot keksoz. So mon kestyon pou ou, se *regarding* sa bann *Policies*. Eski Gouvernman pe *actually think through*, sa bann *Policies* ki zot pe donn nou?

Eski zot pe *actually* pe mazin son lenpak, son reperkision? Oubyen parfwa zot fer bann *statement*, ki apre mwan mon santi ler mon regard, zot stratezi bidzeter, *you seem to be going back on some of the things*, ki zot, zot in dir. *And that* pou mwan, i *worry* mwan, *on the larger scale*.

Mon pa dan Gouvernman so mon kapab zis eksprim, mon konsern e mon pa la pou mwan dir zot ki pou fer.

E mon 3enm e dernyen kestyon Mr Chairman, *Policy* ki nou'n vwar, nou'n vwar kreasyon plizyer fon. Nou'n vwar kreasyon en *COVID Fund*, a nou'n vwar kreasyon en *La Digue Hospital Fund*.

*Former Chairman FPAC* ki ti *Leader* Lopozision sa letan. Ti annan en lekspresyon, ki i kont kreasyon bann fon. Kont kreasyon bann fon, akoz *Management*, bann fon apre i vin konplike.

So si ou kapab eksplik nou. Mr Chairman si Minis i kapab eksplik nou, ki manner eski *COVID Fund* pou ganny *manage*? Ki son sistenm gouvènmàn ki i pou annan?

Ki sistenm kontrol ki pou annan lo la? E ki pozisyon Minister Finans ozordi, an sa ki konsèrn kreasyon bann *Suspense Accounts*. Ki pe ganny kree en pti pe, i paret pe ganny ankouraze.

E akòz Minister Finans in *depart, from* enn bann si oule rekomandasyon ki Oditer Zeneral, in toultan met devan, pou limit la kantite bann *Suspense Accounts* ki Gouvènmàn, ki Leta i annan? Mersi Mr Chairman.

### **MR SPEAKER**

Mersi. Minis bann kestyon i devan ou.

### **MINISTER NAADIR HASSAN**

Mersi Mr Chair. Mersi Onorab pou ou kestyon. Mon pe gete si mon'n konpran byen ou bann kestyon. Akòz in en pti pe partou, partou me les mwan sey adrese.

Lo kote mon komantr lo *exchange rate*, mon krwar ou pa'n tro ganny en konpran sa ki mon'n dir.

E sa ki mwan mon'n dir, nou pa kapab kontrole *exchange rate*. Mwan mon'n dir, bann *statistic* e bann

fondamantal dan marse, kekfwa ou devret *go back* e rekoute, mwan mon'n dir bann *statistic* ek bann fondamantal dan marse to lesanz, i donn lendikasyon ki nou Roupi pou apresye. Sa i *statement* ki mon'n fer.

**(APPLAUSE)**

### **MINISTER NAADIR HASSAN**

Sa i baze lo bann lobsevasyon ki mon'n fer. Lo *issue part rental*, ou konnen mon mesaz in toultan konsistan lo lasistans sosyal.

Mon mesaz se, i annan lasistans sosyal. Nou bezwen retir labi dan lasistans sosyal.

**(APPLAUSE)**

### **MINISTER NAADIR HASSAN**

Mon mesaz in toultan, toultan kler lo sa. E *at no point*, ti dir pou napa *part rental*, pou napa isi, pou napa laba. E si ou *go back to the budget speech, and the budget response* sa i ganny fer kle. E mesaz i kler lo la.

Lo sa *issue lockdown* mon'n fini reponn sa kestyon plizyer fwa, mon pa pou re al ladan. E lo kote *COVID Fund* pou mwan i - ou konnen, lo sa bann fon. Nou bezwen kree en kiltir, kot nou pep i kapab kontribye dan son devlopman.

E si i anvi kontribye, e si ou get kontribisyon dan

*COVID Fund*. Se nou dimoun in pare pou kontribye, *towards a national cause*.

E nou, nou bezwen fer sir sa larzan i ganny zere byen, e i annan sa *terms of reference*. Ki sa fon i a ganny *manage*, i a ganny odite. I pou napa larzan ki pou disparet dan sa fon.

**(APPLAUSE)**

**MINISTER NAADIR HASSAN**

So, lo ou kestyon spesifik ki *saving* ki nou'n fer, par bann mezir brav. Lo *FA4GR* in annan en *saving* R1.082bilyon. E mon krwar ler lalis *FA4GR* ti ganny *release*, mon krwar reaksyon piblik in dir tou. Lo ki mannyer Seselwa in santi, ler in war sa lalis. So i kler.

E lo kote *Welfare* in annan rediksyon R47 milyon. Me *still* i annan en Bidze pou *Welfare*, se labi ki pe ganny tire. Mersi Mr Chair.

**(APPLAUSE)**

**MR SPEAKER**

Mersi. Onorab Pillay ou pa pou al dan en gran polemik ankor silvouple.

**HON SEBASTIEN PILLAY**

Non, Mr Chair mon annan tro bokou respe pou ou, pou mwan al dan en gran polemik.

**MR SPEAKER**

Annou sey terminen silvouple.

**HON SEBASTIEN PILLAY**

Mersi Mr Chairman. Mr Chairman malerezman, lot kote latab pe kontinyen montre mank respe, pou *the Chair*.

**MR SPEAKER**

Ale ou.

**HON SEBASTIEN PILLAY**

So mon ava ankouraz zot, pou montre en pe plis respe. Premyerman Minis mwan mon pe regard menm *figures*, ki ou pe gete. Sa R1.2bilyon ki ou pe dir mwan ou'n *save*. I an teori, mon ti a kontan, nou pou konnen selman at *mid-year review* tou fason lekel ant nou de ki pe koz laverite.

Akoz at *mid-year review* nou pou konnen konbyen ki'n ganny *save*. Nou tou lede nou konnen ki mannyer Bidze i ganny prepare, so administrativman mon konnen ler nou pou fer *mid-year review* nou pou vwar. So ou'n dir mwan sa an teori.

Dezyenmman an sa ki konsern bann mezir, ki ou dir i *still* annan. E ou pe tir labi, mwan mon napa problemm avek tir labi. Mwan *as long* ki i annan en kouvertir sosyal, pou dimoun ki bezwen led. *This is what I am pushing for*.

E mon reaksyon avek Gouvernman in toultan baze lo sa. In baze lo lefe ki si ou pe anmenn en mezir, ou pa kapab pran li e zeneralize e atak tou dimoun parey.

Lo kote *FA4GR* Minis, mon'n dir ou i annan keksoz ki mon dakor avek ou lo la. Mon dakor ek ou, mon dakor ek ou wi i annan dimoun, ki si i pa ti devret gannyen, pa ti devret gannyen.

Sa mon napa problemm avek, be mwan sa ki mon annan en konsern avek Minis, sete si okenn dimoun, ki pa resevwar lasistans, e ki son travayer pa pe resevwar lasistans ki i *deserve*. Si sa dimoun i ganny afekte sa i mon konsern.

Se tou ki i reste pri mondyal pou mwan. *So that being said* Minis, *that being said*, kekyon ki mwan mon annan pou ou, parey taler Onorab Georges i a dir mwan, mon pa form par ou Gouvernman. So mon pa kapab dir ou ki pou fer. Me ou annan en Bidze saler pou ou Minister ki apepre R89milyon *almost* R90milyon.

E mwan pou sa, se sa ki pe motiv mwan pou donn sipor ou Bidze. Akoz mon konnen poudir bann *staff* Minister Finans, i bann *staff* devoue.

Zot bann dimoun ki travay tre dir, e zot fer en kantite zefor pou fer zot

travay. Eski ou santi Minis, ki nou *wage to GDP ratio*. Prenon kont sityasyon ki nou ladan, lefe ki i paret i pa pe soutenab,

Eski ou santi ki Gouvernman pou annan en loportinite, pou li kapab pran mezir, pou retenir bann travayer dan servis piblik? Si sityasyon i deteryore ankor, e nou vwar nou kot nou retourn dan en difikilte?

E eski Gouvernman pou pare dan sa konteks, pou *cut* lo serten depans, parey lo *capital expenditure*, pou soutenir sa *Wage Bill*, oubyen bann mezir lasistans ki pou donner? Mersi Mr Chairman.

#### **MR SPEAKER**

Mersi. Minis.

#### **MINISTER NAADIR HASSAN**

Mersi Mr Chair. Mersi Onorab pou ou kekyon. Lo sa *issue* lo ou abilite pou depanse, i relye avek kantite larzan ki ou annan. So sanmenm sa nou'n met en kantite lenportans, ki nou *kick-start* nou lekonomi. Ki nou kapab annan aktivite ekonomik, anmas *tax* pou finans depans Gouvernman.

Me lo sa *issue capital expenditure*, mon krwar osi la i annan en pe kekfwa leklersisman pou mwan fer.

Se ki priyorite parey mon ti'n anonse, se ki lo *capital expenditure* se pou kontinyen

bann proze ki'n komanse. E mon krwar sa i lozik.

2enm pou *priorities* bann proze kritik, ki *funded*. E i annan en kantite proze ki nou pa'n mete dan Bidze, sa lannen aköz nou'n redwir Bidze kapital *as much as possible*. So si ou pou kontinyen koupe, savedir dan proze ki'n komanse ki pa pou kapab terminen.

So sanmenm sa ki i enportan ki nou lekonomi pe fonksyonnen, ki nou pa ariv lo sa staz ki annan sa bann desizyon pli difisil pou fer. So i absoliman kritik ki nou annan en lekonomi ki pe fonksyonnen. Mersi.

### **MR SPEAKER**

Mersi. Onorab Georges.

### **HON BERNARD GEORGES**

Mersi Mr Chair. Minis mon ti a kontan remersye ou, pou ou bann leksplikasyon byen detaye apre midi. Me i annan en keksoz ki ou'n dir, ki mon pa dakor avek.

Ou'n dir Minis ki premye keksoz ki devret ganny fer, se pou sanz sa kiltir pa swiv prosedir ki'n ganny etabli dan bann Departman Gouvernman.

Mwan mon krwar sa se 2enm keksoz ki devret ganny fer. E sa se ou ladministrasyon ki pou fer. Premye keksoz lepep Seselwa in fer, an Oktob

2020. E sa sete pou tir sa Gouvernman o pouvwar, ki ti'n enkilke sa kiltir pa swiv prosedir!

**(APPLAUSE)**

### **MR SPEAKER**

Terminen. Minis eski ou bezwen adress sa? Oubyen nou kapab vote? Bon dan sa ka nou ava pran vot pou *Department of Finance*. Ki lo paz 135 ziska 147, pou en total R120milyon 158mil. Manm ki an faver lev lanmen silvouple? Mersi.

Tou dimoun in vote.

Vot lo Bidze pou Department of Finance, lo paz 135 ziska 147. Pou total R120milyon 158mil, in ganny 26 vot pour, zero vot kont. E en abstansyon. Alor Bidze in aprouve par Lasanble.

Nou pou kontinyen avek Bidze, kantmenm nou bezwen al en pe tar. I annan de Departman, e Minis i anvi pran tou lede ansanm. Me selman nou avar pran en pti *adjournment*, 15 minit. Nou ava retourn 6:15. Sa pou permet re organiz lasal, e Madanm Clerk i ava re organiz bann delegasyon silvouple. Mersi, nou ava rebran 6.15.

**(BREAK)**



**DEPARTMENT OF  
ECONOMIC PLANNING &  
DEPARTMENT OF TRADE**

**MR SPEAKER**

Madam Clerk zis *tick* zofisye ki la pour mwan silvouple. Mersi. Parey Onorab Pillay in dir, bonswar. Nou pe pran Bidze *Department of Economic Planning* ek *Department of Trade*. E apard Minis Hassan, Sekreter Leta Patrick Payet e *Principal Secretary* Damien Thesee.

Osi Mrs Irene Croisee *Comptroller General*. Nou annan Mrs Elizabeth Agathine, *Principal Secretary* pour *Economic Planning*. E osi Ms Cillia Mangroo, *Principal Secretary for Trade*.

Bidze *Department of Economic Planning* i lo paz 154 ziskan 156 pour en total 3milyon R134mil. Bidze *Department of Trade* i lo paz 148 ziska 153 pour en total 141milyon R825mil. Alor mon ava envit Minis pou entrodwir Bidze sa 2 Departman.

**MINISTER NAADIR HASSAN**

Mersi Mr Chairman. Departman Planifikasyon Ekonomik i annan li 3 fonksyon fondamantal.

Planifikasyon Devlopman Nasyonal, Finansman Eksteryer e *Policy*. Pour Planifikasyon Devlopman Nasyonal sa Departman i

kordin planifikasyon devlopman Nasyonal e planifikasyon stratezik bann sektè pou amelyor lenpak bann *Policy* Nasyonal.

Sa i posib par ranforsi planifikasyon stratezik bann Sektè, anfen ki nou adopte en fason travay pli kolaborativ. Pour finansman eksteryer sa Departman i asire ki relasyon avek bann partner multilateral, i ganny zere dan en fason efikas. Donn gidans lo ki fason zot kapab aliny zot sipor a bann priyorite Gouvernman.

Sa i ganny swiv par evalyasyon lenpak bann program devlopman e proze, pou asire ki lobzektif pei parey in ganny etabli dan plan devlopman Nasyonal i ganny *attend*.

Pour *Policy* sa Departman i donn sipor *Policy* Minister lo bann size tel ki relasyon Ekonomik Enternasyonal, Finansman Enternasyonal e bann size devlopman e osi kontribye dan devlopman bann *Policy* Ekonomik pour devlopman dirab.

Pour sa peryod 2021, 2023 *focus* stratezik Departman, se pou asire ki fonksyon planifikasyon i ganny entegre atraver Gouvernman avek ranforsi kapasite, afen ki nou a kapab amelyor lenpak bann *Policy* Nasyonal.

Departman pou osi pe revwar plan devlopman Nasyonal 2019, 2023 fas a pandemik *COVID-19*, bann nouvo defi e priyorite nouvo ladministrasyon.

Departman pou osi kontinyen sansibiliz pei lo nou bann langazman enternasyonal, par egzanp bann lobzektif devlopman dirab, azanda 2063, preparasyon pour premye rapor 10an lenplimantasyon azanda 2063 pou osi konmanse dan sa peryod.

Departman Planifikasyon Ekonomik in ganny en Bidze R3.134milyon an 2021 konpare avek en Bidze R3.353milyon an 2020. In annan en rediksyon dan Bidze sirtou en base R80mil dan *wages and salaries*, e R139mil dan *goods and services*.

Pour Departman Komers sa i relye avek tou *Policy* komers pour Sesel lo nivo Nasyonal, Bilateral, Rezyonal e Miltilateral. Travay Departman komers i tous tou laspe lekonomi atraver kreasyon bann loportinite pou etabli e kontiny bann korperasyon ek biznes avek diferan pei e lorganizasyon.

Anliny ek son Manda ki konsern komers enternasyonal, sa Departman i enterakte regilyerman avek bann lorganizasyon koman

*COMESA*, *SADC*, Linyon Afriken, Linyon Eropeen, Organizasyon Mondyal pour Komers e Organizasyon Mondyal pour Propriyete Entelektyel.

Dan son manda pou govern bann *Policy* e lezisasyon relye a lenportasyon e eksportasyon, Departman Komers i osi annan en seksyon ki donn servis kliyan ki bezwen fer laplikasyon permi enportasyon ou eksportasyon.

Sa Departman i osi ankadre seksyon regilatwar pour servis postal. Pou kapab delivre lo son manda, sa Departman i fonksyon atraver 4 souprogram dan son Bidze. Sa se *Policy* Komers Konpreansiv, Misyon an Genève, Sirveyans konsesyon fiskal e Servis Regilater Postal.

Par konsekans propozisyon pour Bidze 2021 i reflekte finansman ki nesese pou *attend* en rannman *optimal* pour bann diferan aktivite ki'n ganny planifye anba sak sa bann sou program.

Mr Chairman par konsiderasyon sa Bidze permet mwan tous en pe bann laliny spesifik ki annan en diferans konsiderab konpare avek Bidze ki ti ganny aprouve pour 2020.

Lo kote saler:

Malgre en logmantasyon lo serten laliny, in annan en rediksyon zeneral dan Bidze ki pe ganny propoze, vi an rezilta lo provizyon pour Trwazyenm Mwan Saler.

Kantmenm i annan serten logmantasyon lo bann lezot laliny tel koman azisteman dan saler selon *Scheme Service* pour bann *staff* ki'n konplet zot bann letid e osi promosyon nesaser.

Pour fer note ki sa bann promosyon ti ganny fer lannen pase i in ganny reflekte dan Bidze ki pe ganny propoze pour sa lannen.

#### Lo kote prodwir e servis;

Bidze ki'n ganny propoze i enkli en logmantasyon zeneral pour en sonm R159mil. Sa i vin prensipalman an rezilta en logmantasyon signifikan dan valer Roupri ki'n afekte bann kou an deviz etranzer, ki asosye avek nou bann langazman pour bann sou program pou nou reprezantan an *Genève*.

An rezilta devalyasyon rounpi kont fran an Suisse pour nou respekte nou bann obligasyon finansyel Bidze ki'n ganny propoze in bezwen fer bann provizyon apropiye pou reflekte to lesanz.

Lo en lot not i osi enportan note ki swivan fer en pti Misyon *Genève* ki ti pe ganny zere par Minister

responsab pour Zafer Etranzer, Departman Komers in fer provizyon pou serten kou ki osi enkli kou lwe lofis.

Mon ti a kontan enform sa Lasanble dan en zefor pou fer desann nou kou loperasyon, nou'n redwir kantite lespas ki nou pran, e sa in fer ki *rent* in desann sorti apepre 2500 *Suisse Franc* pou vin apepre 900 *Suisse Franc* par mwan.

Mr Chairman an sa ki konsern proze kapital, Bidze propoze i fer provizyon pour en logmantasyon R122.8milyon konpare avek alokasyon lannen pase ki ti R5.75milyon.

Sa logmantasyon signifikan i prensipalman an rezilta alokasyon fasilite sibvansyon 11enm Fon Eropeen pou Devlopman, *EDF*. Relye avek nou Lagreman komers avek Linyon Eropeen. E ki ganny administre par Departman Komers.

Sa fasilite i annan bi pou asiste pei pou ganny bann benefis *optimal* atraver sa Lagreman komers avek Linyon Eropeen. E osi pou promouvwar nou lentere rasyon dan rezyon Lafrik.

Atraver bann aktivite ki pou ganny enplimante anba sa fasilite i ekspekte ki Sesel pou amelyor son lentegrasyon konpetitiv lo sistenm komers dan larezyon, e enternasyonal

par target sa bann domenn swivan.

Fasilitasyon komers, sektor prodiktiv e devlopman valer-azoute, devlopman sektor prive. I enportan note ki sa fon i fer provizyon pou en sonm 10milyon Ero pour en peryod 4an, ki fini an 2023.

Alokasyon ki'n ganny propoze pour lannen 2021 i pou finans proze pour kontra servis a lonterm, pou aste bann lekipman, bann formasyon ek bann *workshop* ki pou ganny antretenir pandan lannen 2021.

Lo sa not mon ti ava kontan fer sorti serten proze mazer ki pou ganny finanse anba sa fasilite pour sa lannen. Parmi lezot sa i enkli modernizasyon sistenm pour zesyon *tax*.

Lekipman konplet pour labatwar lo Mahe e lo Praslin. Devlopman *incubator* pour SCCI, revli lo Lalwa propriyete entelektyel. Proze pou etabli e idantifye bann komodite ki kapab ganny servi dan valer-azoute pou leksportasyon. Mersi Mr Chairman.

### **MR SPEAKER**

Mersi Minis. Nou ava konmans avek entervansyon bann Manm. Onorab Aglae, mon vwar mon pa'n mank ou sa voyaz.

### **HON EGBERT AGLAE**

Mersi Mr Chair, bonswar ankor Minis ek delegasyon ki'n vini. Mon annan zis en kestyon mon ti a kontan petet demann – mon krwar petet *PS Trade* i kapab reponn sa. Lo labaz enternasyonal anvi ki nou form par osi avek bann lenstitisyon, kot i konsern *Trade* presizeman ki la nou pe al ratifye byento sa *African Featured Area*.

E osi met lanfaz lo sa *Regional Economic Integration*, ki mon santi Sesel i pa pe neseserman benefisye sa kantite. E osi pouse, met plis zefor pour nou kapab maksimiz, vi ki zot la obor nou dan sa rezyon, dan sa rezyon SADC nou apel li. Pour nou maksimiz lenpak lo bann biznes.

Baze lo sa petet ki Gouvernman pe mazin fer an plis, sirtou anba Seksyon *Trade* pou kapab anmenn nou bann *businessmen* Seselwa, *ok at par* e a zour, byensir avek bann regilasyon ki a ganny mete, pou fer ki sa lentegrasyon ekonomik i vin enn ki *reel* ki pa zis lo papye ki nou sinyen.

Ki aport nou fri, ki aport nou benefis e osi i ava ede avek sirtou bann kou. Akoz ler nou pe enport pli lwen i annan bann kou *shipping*, bann *freights* ki vin avek.

E ki la dan nou rezyon i annan bann prodwir ki de

kalite ozordi. Avek evolisyon dan komers. So ki an plis ki nou santi Pei i kapab fer pou kapab anmenn benefis lo ki konsern *trade*? Mersi.

### **MR SPEAKER**

Mersi. Minis ou'n pare, lekel – wi. Ms Mangroo.

### **PS CILLIA MANGROO**

Mersi Mr Chairman. Bonswar tou dimoun, bonswar tou dimoun, bonswar Onorab. Mersi pour ou kestyon Onorab Aglae.

I en bon kestyon ki toultan nou kontinyen koz lo la. Nou ankouraz sekter prive pou vin kot nou lofis. Nou anvoy zot notifikasyon ler nou antre dan sa bann Lagreman.

Avan nou antre menm nou demann zot ki zot anvi nou al lager pour zot dan larezyon? Menm si – la nou pe koz lo *AFCFTA*. Si nou annan pou fer ek *EU* tou nou anmenn zot ladan, nou demann zot kestyon.

E i sagrinan ki annan de ler zot pa mazin lavenir zot mazin zis la. E kantmenm si nou envit zot bann renyon zot pa vini, oubyen zot pa donn nou *feedback*. E toultan nou lans sa lapel.

Selman i enportan pou dir ki nou annan en ta *businessmen* ki pe pran sa bann linisyativ. Nou konnen

zot pe enport *from Egypt*. La *Tunisia* in fek *join COMESA* nou annan dimoun ki pe enport *from* laba.

Selman nou pa bezwen zis fer keksoz vin Sesel, nou bezwen promouvwar anvoy keksoz laba.

Problenm ki nou annan i *shipping* parey ou'n dir. Kantmenm si nou *businessmen* pe aste pli lwen i akoz *shipping* i pli frekan. Zot pli kapab ganny keksoz *from Dubai* ki li i pli lwen si zot pou aste from Kenya.

Akoz nou en pti marse i difisil pour nou ganny *direct shipping*. I enn bann keksoz ki dan sa lorganizasyon *be it EU, COMESA, SADC* nou kontinyen promouvwar pour nou ganny en *shipping line*, ki ed Lafrik antye.

I pa zis pou nou toultan, nou pe baz nou pe aste *from Salalah or Dubai*. E osi pou nou fer sir ki nou benefisyé as Sesel ki nou pa vwar zis keksoz pe antre, i pa pe sorti, nou pa pe protez nou bann biznes osi isi.

I enportan ki nou bann Lorganizasyon i met bann regilasyon an plas, ki pa toultan i tonm anba Departman Komers. I annan i kapab tonm anba Lanvironnman, *Licensing*.

Zot bezwen annan bann regilasyon an plas ki fer sir ki pou en dimoun kapab vin fer

*business* isi zot bezwen annan en serten standar, en serten kalifikasyon. Ou pa kapab zis vini vin *set-up* en *business*.

I enportan pour nou annan sa balans ant konsonmater, ki kalite – zot bezwen annan en ta opsyon e osi nou bezwen protez nou bann *business* osi. E konsonmater i bezwen annan opsyon, i bezwen annan keksoz ki pli *affordable*.

Me osi nou bezwen mazine ki nou annan nou bann *entrepreneur* ki pe monte, zot bezwen annan sa proteksyon kantmenm si nou pa pe protez zot antye.

Selman pour zot kapab komanse, pour zot kapab grandi osi. E parey Minis in dir dan sa proze *11th EDF* nou annan en ta proze ki nou pe ed *private sector*.

Kantmenm si i pa pou direktman al dan zot pos, selman nou pe get bann *value chains* ki nou kapab ed nou bann *entrepreneur* isi.

Nou pe refer nou lofis i annan en *reference centre* ki nou annan, nou pe sey mannye li pli byen anba sa fon pour ki dimoun i kapab vin kot nou, nou kapab donn zot lenformasyon lo ki marse zot kapab al ladan, ki bann prosedir zot bezwen fer.

E anba *SADC TRF* osi i annan en proze nou pe fer pou fer en *database*. Ki en nenport

*private sector* i kapab antre dan sa *database*. Nou pou fer li lo *mobile as well*.

Ki zot ganny lenformasyon ki kalite *goods* ki pe antre, pour zot kapab ler zot fer zot bann *business analysis* i pli fasil, pou zot konnen ki marse pou al ladan oubyen ki keksoz pou fer vini.

So nou annan en ta bann landrwa ki nou pe gete pou ganny *technical assistant* oubyen *funding*, pou nou fer sir ki sa bann *trade agreements*, nou pa zis sinyen apre nou kit lanmenm, ki bann dimoun i ganny son benefis. Mersi.

### **MR SPEAKER**

Wi Onorab Aglae.

### **HON EGBERT AGLAE**

Mersi *PS*. *PS* petet mon pa konnen Seselwa la i kontan war son keksoz *visually*, vizyèl. Eski zot pe mazin osi petet fer bann *economic exchange* ki nou kapab fer avek sa bann biznes ki enterese?

I pou neselit en pe lenvestisman pour ou pran en group Seselwa dan en sekter pour ou al dan en rezyon pou al get serten keksoz ki ekonomikman vyab pour pei.

Me selman eski zot pe mazin dan sa laliny anmenn en program *economic exchange* ki kapab benefisyè

tou lede *export* and *import*? A lavenir i pou enportan.

E 2enm i konsern mon konnen *issue of volume* i en faktor, en baryer ki afekte nou lendistri aköz nou popilasyon.

Baze lo sa, dan larezyon sirtou nou annan bann bon relasyon avek *Maurice*. Eski petet pe mazin osi – mon konnen i annan diskisyon ki'n deza ganny fer dan lepase, me selman i pa ankor *fruitful*.

Pour nou kapab osi si i pou annan en laliny *shipment* ki i kapab petet pran sa ki pou Sesel, petet i pas a la *Maurice* e bann pei dan larezyon menm. Ki petet i ava osi enn bann faktor ki *reduce cost* a lavenir? Mersi.

### **MR SPEAKER**

Mersi. Wi *PS*.

### **PS CILLIA MANGROO**

Mersi Mr Chair. Ler ou pe dir *exchange* ou pe dir parey bann *exhibitions* ki ganny fer? *Ok*. In *the past* nou ti annan en ta sa dan larezyon nou ti envit en ta *private sector*, pou form par ladan, selman pa en ta dimoun ki ti entere pou zot ale.

I kapab kestyon kou osi, i kapab zot vwar Lafrik konman en marse ki zot pa anv i antre ladan. Selman i enportan pou note ki Lafrik i en kontinan ki pe devlop en ta.

I annan en gran poursantaz *middle class*, e en ta dimoun i anv i aste keksoz. Espesyalman si ou met non Sesel lo la, dimoun pou tay lo la. So nou'n fer *in the past*, nou ti an kordinasyon avek *SCCI* nou ti anvoy lenvitasyon.

Nou ti ganny detrwa dimoun me toultan i menm dimoun e zot pa vwar lenportans. Selman ou war en ta lezot pei menm bann pti pei Leta Zil parey nou, zot ale e zot pe vwar biznes ki pe ganny fer.

So i enportan pour nou aret war Lafrik konman en kontinan ki mizer, pour nou vwar loportinite. I pa zis pou bann komodite i pou osi pour bann servis.

E ou 2enm kestyon ti lo, *ok*. Lo *Maurice* mon konnen avan nou ti annan sa diskisyon ki ti ganny fer, selman ler ou gete pou dir ou fransman mon ti a pli kontan Sesel avek devlopman por, ki nou pe fer nou *gear towards* en *transshipment port*. Aköz kantmenm si i al *Maurice* en ta nou bann marsandiz pe al *Maurice at the moment* e *still* kou pa pe desann.

Kontrer annan de ler nou vwar bann *shipping agents* zot met bann *shipping lines* zot met pri ankor lo la, zot azout kou ki i *decrement of* nou bann *private sector*.

Espesyalman ler ou pe eksporte ou bezwen espere si

bato pou pas *Maurice*. Annan de ler ou kargezon i ganny met ater.

*Hopefully* avek *port development* nou kapab *advertise* nou lekor konman en *transshipment hub*, sa i ava fer kou marsandiz desann. Lenportasyon ek eksportasyon.

Akoz kantmenm si nou pou aste *bulk* ek *Maurice* i pa neserman ki pri pou desann. I annan sirkonstans ki nou'n vwar ki *Maurice* i vin parey *the middleman* e Sesel li i kapab ganny keksoz pli bonmarse si i al li menm.

So i depan, kekfwa nou as en pei nou sipoze bann *businessmen* aste ansanm me selman pa toultan al anver en lot pei. Mersi.

### **MR SPEAKER**

Mersi *PS*. Onorab Bistoquet.

### **HON ROSIE BISTOQUET**

Mersi Mr Chair. Bonn apre midi Minis avek ou Delegasyon. Pour sa Departman Plan Ekonomik mon ti a kontan konnen konbyen *staff* zot annan? Sa i enn.

Apre mon pe get lo ou 'challenge', ou'n dir ki napa ase – "*General lack of awareness* sirtou lo *international commitments*. "Ki kalite *commitments*? Akoz? Si zot napa *staff*? Si dimoun pa

*train*, si dimoun pa konnen? Sa i enn.

Eski Sesel avek son *high GDP*, zot in dir nou ganny konsidere konman en *high income country*? Ki sa Minister ouswa sa Departman pe fer pou li atrakte bann fon, *international funds donors* dan nou pei?

Apre mon lot kestyon mon krwar i konmans demande, solman mon ti a kontan demande, apard ki *Maurice* ki bann lezot korperasyon Sid/Sid ki Sesel i annan? Mersi.

### **MR SPEAKER**

Mersi. Lekel ki pou pran kestyon. *PS Plan Economic*.

### **PS ELIZABETH AGATHINE**

Mersi Mr Chair. Bonn apre midi Mr Chair e tou Manm Onorab. Mon ava reponn ou 3 kestyon e katriyenm petet *PS trade* ava pran. Lo ki kantite *staff* Departman Planifikasyon Ekonomik i annan. Nou annan 8 *staff* ki enkli mwan menm *plus* en sekreter, apre leres *staff* teknik.

Lo *challenge in terms of en lack of awareness lo international commitment*. Sa bann komitman ki sa *challenge* i fer referans avek, i prensipalman bann komitman lo *SDGs e agenda 2063*.

E sa i pa neserman en kestyon *lack of awareness*



akoz staff pa *train or otherwise*. I *more en lack of awareness across the* Gouvernman dan pei, ki i bann komitman ki dimoun pa neserman konpran li byen, ofet avek.

Nou'n vwar petet pour *SDGs*, bann komitman *SDGs*, bann lazenes. Nou annan en kantite bann *NGOs*, *youth NGOs* zot vreman aktiv lo promot *SDGs*. E *across Government for the past 2, 3 years* nou'n konmans sa ledikasyon menm a serten lenstans ansanm avek *UNDP*, sa in ganny fer avek Lasanble Nasyonal. Dernyen Lasanble oparavan. E i en keksoz kontinyel.

E petet nou nou'n vwar li konman en *challenge*, akoz? Nou vwar li konman en *challenge* akoz nou pe dir letan konman Gouvernman oubyen ban Minister Departman ou pe fer ou plan, ou planifikasyon nou bezwen fer sir ki nou pe enkli sa bann komitman, dan nou bann *Policy*.

Nou bezwen fer sir nou annan *Policy* i pe ede pou nou kapab *attend* sa bann lobzektif devlopman dirab. E i ede pou nou kapab *attend* sa bann *Charters under agenda 2063*.

E sa ki nou vwar ki i en *challenge*. Akoz lefe ki i annan sa *lack of awareness* i fer li en pti pe difisil, i pa ganny enkli

dan *Policy*, i pa ganny enkli dan planifikasyon.

So e ou pou vwar ki i pa zis en *challenge* pour nou me i osi en *strategic priority*. Nou'n met li koman en priyorite ki nou kontinyen fer sa ledikasyon, e ki *eventually* nou tou nou ava *aware of it* e nou ava pe *mainstream* li dan nou bann *Policy*.

Lo sa kestyon *high income*. Wi nou en *high income country*, e ki nou pe fer pou atrakte bann fon. Par lefe ki nou en *high income country* i vedir ki, i pa fasil pou atrakte bann fon avek bann lorganizasyon enternasyonal.

*Once* ou vin sa *income*, sa bann lasistans enternasyonal ki ou ti pe gannyen letan ou ti *middle income or as a low income country* i diminyen.

E sa i vin en *challenge* pour pei, akoz wi kantmenm nou en *high income*, nou *still* annan en kantite vilnerabilite. Nou *still* annan en kantite defi, e nou tou nou ti ava kontan ganny bann fon, bann *Grants* oubyen bann *concessional loans*.

Pour le moman, mon sipoze dan sesyon avan sa in ganny adrese en pti pe. I pa neserman *very forthcoming* akoz sa *high income status*. Me pour ou dernyen kestyon ma les *PS trade* petet pran sa.

**MR SPEAKER**

Wi PS Mangroo ou a kontinyen.

### **PS CILLIA MANGROO**

Mersi Mr Chair. Mersi Onorab pour ou kestyon. Lo *South/ South Corperation* i *basically* tou bann pei ki ganny klasifye *as* pe devlope. So menm *L'Inde ek La Chine* i ganny klasifye konman pe devlope. So nou annan tou sa bann korperasyon ek tou sa bann pei.

*Maurice* i pa en korperasyon ki nou'n ale nou'n dir nou pe fer zis ek *Maurice*. I annan en ta pei ki nou bann *businessmen* pe fer sa korperasyon avek. Parey mon'n dir i annan *Egypt*, i annan Kenya mon konnen i annan en ta keksoz pe ganny aste ek zot.

Sid Afrik osi nou annan en ta, ler i kont ek servis avek komodite. *L'Inde* osi, *La Chine* parey mon'n dir. So nou annan en ta korperasyon avek en ta bann pei. E nou anvi amelyor sa bann korperasyon plis, akoz annan de ler nou ganny plis korperasyon ek sa bann pei Sid/Sid ki nou ganny avek bann pei ki pli devlope ki nou. Mersi.

### **MR SPEAKER**

Mersi PS. Wi Onorab Bistoquet klarifikasyon ou bezwen?

### **HON ROSIE BISTOQUET**

Wi Msye chair. Letan sa larepons ki in donnen konsernan sa napa konesans, ase konesans sirtou kot i konsern bann *Treaties*, mon krwar bann Konvansyon bann *Treaties*.

Apre ou'n koz osi se ki sa bann *Treaties* ouswa sa bann Konvansyon ki Sesel in sinyen sanmenm sa ki pou fer nou *attain* nou *SDGs*.

An menm tan mon'n vwar dan ou *strategic priority* ki ou pe fer en *mid-term review* lo sa *current national development strategy 2019 – 2023*.

E me selman mon pa'n vwar nanryen dan ou *strategy* pour ou kapab *reinforce* ouswa *strengthen*, sa bann dimoun ki pou kapab fer sir ki ler nou – fir an mezir pou nou kapab *attain* nou *SDG 2030*. Mersi.

### **MR SPEAKER**

Ennler servi en pe bann *full name* olye zis sa akronim, akoz dimoun deor i demann mwan sa. Mersi. Lekel ki pou adres sa? PS Agathine

### **PS ELIZABETH AGATHINE**

Mersi Mr Chair. Mersi Onorab pour ou kestyon. Zis pou klarifye lo kote *Treaties and Convention* sa i pa en keksoz ki nou Departman i neseserman *deal* avek. Sa i pou tonm kot Minister Zafer Etranzer.

Pour nou, *again* zis pou klarifye sa bann komitman mon pe fer referans spesifikman avek *Sustainable Development Goals*. Bann lobzektif devlopman dirab avek azanda 2053, ki sa plan pour Lafrik.

E sa ki nou pou *deal* avek, e in fer referans konman bann *challenge* ek priyorite. So zis pou klarifye i pa pour *Treaties* e Konvansyon an zeneral.

Dan sa priyorite pou revwar plan 2019 – 2023 sa i plan Nasyonal Devlopman ki aktyelman egziste. E wi i annan en nouvo ladministrasyon e sa plan osi i dan son lanmwatye, *halfway through* lenplimantasyon. So nou bezwen fer en revi.

E nou'n osi annan pandemik *COVID-19*, nou'n annan bann nouvo defi ki'n arive I zis nou re vwar sa plan e vwar nou aziste pour nou kapab bouz devan. E fer sir ki nou bann lobzektif e priyorite i azour avek sityasyon aktyel.

E petet si mon'n byen konpran ou, ou pe fer referans ki dan nou priyorite ou pa pe vwar nanryen petet pou *build capacity* pou kapab *increase* sa *awareness*.

Me selman dan nou priyorite nou'n mete poudir ki nou pou fer sa – nou pou kontinyen avek *dissemination* pou nou kontinyen fer dimoun

konpran about *SDG* ek *agenda* 2063.

Lannen pase an 2020 Sesel ti prezan son premye rapor pour Lobzektif Devlopman Dirab devan *Nation Unies*. E sa premye rapor ti en revi lo kote nou ete avek lenplimantasyon sa bann lobzektif.

E sa revi in osi montre nou ki nou bann febles, e ki mannyer nou pou adres sa. E se pour sa rezon ki dan nou lobzektif ou'n vwar nou'n mete poudir nou pou kontinyen travay pour nou *raise awareness*.

Aprè nou pou fer *dissemination* ek lenplimantasyon sa plan *d'action* ki nou'n fer apre ki nou'n prepar sa rapor ki en *Voluntary National Review*.

Akoz sa rapor li menm parey monn dir i idantifye bann defi e bann *weaknesses* ki annan. E mon krwar pour mwan – mon konfidan ki nou'n kouver dan nou priyorite e ki nou a kapab adrese, e *at least* ede pou *build* en pe sa bann *awareness*.

I pa en keksoz ki nou pou fer li *overnight*, akoz dan Lorganizasyon dimoun in sanze i annan nouvo keksoz ki vini.

Selman mwan mon santi mwan mon konfidan ki avek nou bann *staff* ki nou annan en keksoz ki nou kapab fer, me

selman i pa en keksoz ki zis Departman Planifikasyon Ekonomik i sipoze fer.

I en keksoz ki atraver Gouvernman sa a *whole*, parey mon'n dir *NGO*. Nou annan bann *youth-led NGO* ki vremen aktiv lo kote *SDGs* e zot fer en kantite *as well* pou *raise awareness*.

So i en – mon vwar li konman en keksoz ki i pa zis pour Departman me *overall* i annan plizyer akter ladan ki kapab kontribye.

### **MR SPEAKER**

Mersi *PS*. Wi Onorab Gill Prezan

### **HON CHURCHILL GILL**

Mersi Mr Chair. Bonn apre midi Minis, *PS*. *PS* sey gid nou en pe, akoz lo ou *challenges* ou mansyonnen ki ou *Policy*, ou *Trade Policies*, ou pa ankor kapab *scientifically developed fully*. Akoz ou annan defi *resources*.

Apre an menm tan dan *strategy priorities* ou dir ou pe devlop bann *Trade Policies* ki pou ede pou asiste *recovery* dan lekonomi.

Konmsi i en pe difisil pou konpran ki mannyer ou pou kapab fer sa vi ki i annan enn ou pe travay lo la ou pa ankor kapab fini pour ou kapab fer sa lot.

Apre i annan 3 *memorandum* ki ou'n sinyen

avek *La Chine*, sa pou fasilite *export* lavyann avek pwason. Si ou kapab donn nou en nide si i annan mouvman ki'n arive apre ki sa in ganny sinyen. Oubyen si pa ankor, eski ou santi ki en keksoz ki nou'n sinyen ki pou annan retonbe a long term? Mersi.

### **MR SPEAKER**

Mersi Onorab. *PS* Mangroo.

### **PS CILLIA MANGROO**

Mersi Mr Chair. Mersi Onorab pour ou kestyon. Nou *challenge* avek nou priyorite ki nou pe fer i tous lo 2 diferan keksoz kantmenm si nou pe koz lo *Trade Policies*.

*Trade Policies* i kouver en ta keksoz ki nou pe fer. Sa *challenge* ki nou gannyen se nou *data* ki nou annan dan sistenm Gouvernman, espesyalman dan *ASYCUDA* i pa neserman toultan korek.

Par egzanp i annan dimoun ki er vini bann komodite dan plas met en kilo zot met en *carton*. I difisil pour nou prezan kapab fer bann *proper Trade Policies* baze lo sa bann lenformasyon ki nou pe gannyen. I annan dimoun enn ler mon krwar zot le kasyet.

E i enn bann keksoz ki nou pe pran ansanm ek *Takar* pou fer sir ki bann *clearing agents* zot ganny *taken to task* ler zot pa pe donn bann lenformasyon ki korek.

Selman nou bann lezot *Trade Policies* ki pa neserman baze lo sa bann *data*, i pe ganny fer pour nou ede pou nou *recover* lekonomi. Par egzanp anba *11th EDF* sa bann fon ki nou pe gannyen i annan keksoz ki nou pe fer li pli vit *in terms of value addition*.

Akoz la nou konnen *tourism* ti pe ganny afekte. Nou'n re get bann lezot sekter ki nou kapab fer vitman bann *Policy*, ki nou kapab ankouraz dimoun pou antre ladan. So i de diferan keksoz, selman *Trade Policy* i kouven en ta program ki nou pe fer.

Lo *MOU* avek La Chine prensipalman ki nou ti sinyen nou, aköz nou ti anvi, nou ti annan en ta *businessmen* ki ti anvi *export* pwason *La Chine*.

So i ti en keksoz ki ti bon pour nou aköz depi 2018 nou ti pe lager ek *La Chine* pou zot fer *risk assessment* isi pou nou kapab – aköz si en pwason pa lo zot lalis ou bezwen vin fer *risk assessment e the private sector need to pay* pou sa bann delegasyon vin isi.

Pou gete si zot landrwa i ase prop pou zot *meet the requirements*. So sa *MOU* ti pou fer li pli fasil pou zot kapab fer li.

Selman *La Chine* toultan zot annan en ta bann devlopman ki zot pou fer. Par egzanp sa Lorganizasyon ki

nou ti pe *deal* avek in vin en nouvo Lenstitisyon.

Apre avek *COVID* nou pa'n kapab fer sa ris *assessment* isi. Zot pe sipoze ki toultan i ganny *delayed* aköz i annan en serten – zot anvi fer li *online*, solman i annan bann legzisans ki zot pe demande.

Par egzanp sa, i bezwen *4K*. Diferan keksoz ki nou bezwen al rod sa *media house* ki kapab fer sa, pou fer sir ki zot kapab – nou *meet* sa *requirements*. E nou *private sector* i kapab ganny sa marse.

Nou pou annan en konklizyon lo sa, kekfwa i pa pou ariv *as soon* ki nou ti anvi solman i pou annan en konklizyon. E nou annan en ta dimoun ki pare pou zot eksporte, menm dimoun lo Praslin. E nou pe pouse pour sa kapab arive. Mersi.

### **MR SPEAKER**

Mersi *PS*. Onorab Vidot

### **HON AUDREY VIDOT**

Mersi Mr Chair. Bonswar tou dimoun ki a lekout. Mon de kestyon, Minis sityasyon *COVID* pe kre lespas pou revwar serten pratik.

Alors ki nou lapros zot pe pran avek sa Bidze pou asire ki Seselwa i ganny otan lenformasyon avek Departman pour ki tranzaksyon komers Sesel i progres plis?

2enm eski zot pe met lanfaz dan *Policy* pou kree loportinite pou *empower* plis bann fanm Seselwa, pou angaz zot dan bann aktivite komers Sesel? Mersi.

**MR SPEAKER**

Mersi. Minis.

**MINISTER NAADIR HASSAN**

Mersi Mr Chair. Mersi Onorab pour ou kestyon. Pour ou premye kestyon si monn konpran li byen se ki sa laspe kominikasyon.

E anefe ler mon ti zwenn Minister Finans enn bann landrwa *deficient* ti kominikasyon. E nou'n *recruit* en dimoun ki pou fer fonksyonnen nou laspe kominikasyon. Akoz sa i en keksoz vreman enportan.

I enportan ki piblik i konnen ki ou pe fer, e ou ganny sa *buy-in from them* lo bann *Policy* ki ou pou met an plas. So absoliman sa i en *area* kle .

E mon krwar nou'n vwar *in the last few months* ki Minister in en kantite pli aktiv lo kote kominikasyon ki dan lepase. Lo 2enm kestyon mon a pas laparol a *PS* pou adrese. Mersi.

**MR SPEAKER**

Wi *PS go ahead*.

**PS CILLIA MANGROO**

Mersi Mr Chair. Mersi Onorab pour ou kestyon. Ler i ariv kot *gender* nou annan bann programm espesyalman ler nou ganny bann fon enternasyonal ki met lanfaz lo bann madanm.

*In the past* nou ti annan bann programm spesifikman pour zot, e nou ti annan en ta dimoun ki ti partisipe. E nou ti annan bann menm ki ti ganny pri lo larezyon *as woman in business*, ki'n fer Sesel *proud*.

Selman anba *11th EDF* zot fer en ta lanfaz lo *gender*. So *most* programm ki nou annan zot pou pli an faver bann programm ki al *towards* bann madanm.

Selman i enportan pour nou note ki dan nou pe ankouraz madanm pou vin plis, nou pa anvi dir zot i annan zis en sekter ki ou kapab al ladan.

Nou ankouraz zot pou al dan tou sekter. Nou vwar i annan serten sekter ki plis *gear towards* madanm, e nou anvi ankouraz zot pou al dan tou.

E nou vwar i annan bann madanm ki pe sorti konmela, ki pe antre dan sekter ki ti plis bann zonm *normally* oubyen bann *businessmen* e zot pe vin *CEO* bann lakonpanyen, zot prop lakonpanyen.

So toultan form par dan bann *Policy*, espesyalman si nou ganny bann fon avek

bann lenstitisyon enternasyonal zot met en ta lanfaz lo *gender*.

So nou fer sir ki sa i dan tou nou bann kominikasyon. E bann *tender* ki nou fer osi i annan ki donn priyorite plis madanm.

Lo kominikasyon pou azout lo sa ki Minis in dir, parey mon'n dir nou annan en *resource centre* dan nou Departman.

Kantmenm si pa *fully functional* nou toultan pare pou nou donn lenformasyon lo bann *Policy*. E sa *Grant* ki nou'n gannyen avek *EU* anba *11th EDF* nou *advertise*, i annan *tender* ki ganny fer.

E nou ankouraz Seselwa pou partisip konman bann konsiltan oubyen bann dimoun ki pe donn sa servis Gouvernman.

Akoz nou annan bann Seselwa ki pe partisipe e zot gannyen sa benefis. Enn i devlop zot lekor, en lot ou ganny peye. E normalman ou ganny peye an *forex*.

*So as and when* i annan sa bann *tender* nou a fer li en pe pli vizib pour zot gannyen osi pou nou ankouraz plis dimoun lokal.

I pli bon ki dimoun lokal i partisip dan sa bann proze, aköz zot konnen ki mannyer Sesel i ete. Zot konpran sityasyon Sesel ki inik annan de ler. Nou pti popilasyon, nou

karakteristik, so nou ankouraz zot.

So nou deza pe fer sa bann kominikasyon, nou a sey fer li lo en pli o nivo, ki nou fer sir tou dimoun i ganny akse avek. Mersi.

### **MR SPEAKER**

Wi Onorab.

### **HON AUDREY VIDOT**

Mersi Mr Chair. Zis en pti rekomandasyon, petet ti ava byen osi fer Lasanble gannyen. Aköz nou osi n ou annan bann partner enternasyonal ki enportan. Ki parey nou *Women Caucus*, ki nou kapab partaze pou vwar kwa ki Sesel pe fer ki pozitiv. Mersi.

### **MR SPEAKER**

Mersi. *PS* in note mon sipoze. Mersi, Onorab Henrie.

### **HON GERVAIS HENRIE**

Mersi Mr Chair. Bonswar tou dimoun. Mon annan en kestyon pour sak, sa de *PS* ki fek zwenn nou. Dabor pour *Economic Planning* letan mon lir zot manda be mon ava dir zot Departman pli enportan dan Minister Finans, sa mon *avis*.

Be solman zis 8 *staff* e prezan mon *worry whether* zot kapab *deliver* lo zot manda, kekfwa nouvo ladministrasyon i kapab donn zot en pe plis

ressours. Partikilyerman imen e finansyel.

Akoz anfet sa i annan keksoz pou fer avek kestyon ki mon ti demande taler. Dan sa 2enm pilye Bidze se Minister Finans ki mon vwar li ki bezwen *drive* sa renouvelman ekonomik pou remet pei lo son lipye. Be selman mon kestyon i ava tourn otour – mon konnen nou koz bokou lo *SDGs*.

Be solman *SDGs* pour mwan i bezwen vin en keksoz vivan kot i dan kominote, sosyete sivil pe pouse, sekter prive, Gouvernman e sak sitwayen.

E letan mon dir sak sitwayen *PS* Agathine nou'n deza fer konversasyon, ou pou bezwen vin Mont Buxton en zour nou ava organiz en sesyon pou ki dimoun i konpran.

E ki prezan zot kapab met presyon lo politisyen, lo Gouvernman, pou fer ki *SDGs* i vin en konversasyon kotidyen. Akoz si nou fer byen i pou afekte nou lavi dan en fason pozitiv.

Depi nou klima, lapovrete, tou sa bann keksoz koumsa. So mon anvi konnen zisteman ki manner *SDGs* in ganny entegre dan sa Bidze?

E ki bann metod ki nou pe servi – letan mon pe koz metod mon pe koz bann lentervansyon *evidence based*.

Pou nou kapab swiv poudir vreman nou pe fer progre, e ki lavi sak Seselwa ki kont lo politik, Gouvernman, Bidze pou son lavi amelyore i vwar sa sanzman?

So sa i mon premye kestyon. E petet osi dan ou larepons eksplike kisisa *SDGs* ki nou pe koz lo la? Wi Speaker fek dir eksplik bann akronim.

Mon 2enm kestyon i ava vin pou *PS* pour *Trade*. Akoz mon krwar mon'n sezi ou'n mansyonn *EDF*. E la ankor Speaker fek dir nou bann akronim i vin *European Development Fund*.

E si nou'n ganny lasistans teknik, si nou'n gannyen mon le konnen lekel bann sekter ouswa bann *beneficiaries* ki'n benefisyé?

E dan ki bann lenstans ki zot in benefisyé? E kwa ki'n ganny fer ziska prezan, aköz mon enterese dan sa bann zafer *intellectual property*.

E ki manner i kapab vin en sekter dan Sesel ki nou devlope? Mersi, sa i mon de soumisyon Mr Chair. Mersi.

### **MR SPEAKER**

Mersi. *PS* Agathine i a konmanse.

### **PS ELIZABETH AGATHINE**

Mersi Mr Chair. Mersi Onorab pou ou kestyon. Petet mon ti ava les Minis pran sa premye



parti ou kestyon, apre mon ti ava adres sa bout lo *SDGs*.

### **MINISTER NAADIR HASSAN**

Mersi Mr Chair. Lo sa kestyon *Economic Planning*, Onorab *Economic Planning* i en fonksyon kle dan en pei, e kekfwa da lepase i pa'n ganny sa splander ki i ti devret gannyen.

Me *PS* i kapab dir ou depi mwan mon'n vini mon'n met en kantite lanfaz lo lenportans sa Departman e nou pe *strengthen* sa tim. I en tim ki ankor ase zenn, bann zenn *economist*.

Nou pe anmenn en pe dimoun eksperyans ki pou gid sa *young team* ki kantmenm zot zenn me zot annan en kantite *enthusiasm*.

E zot pou sa tim ki pou kle dan transformasyon *economic* Sesel. E parey lo bann plan ki pe ganny travay lo la, lo *the National Development Strategy*.

Son lenplimantasyon son *monitoring, this is the team* ki pou *lead* sa e i – *they are going to be critical* dan sa *process*.

So mon absoliman dakor ek ou. Ma fer en *brief mention* lo sa ki ou'n mansyonnen lo *SDGs* apre ma les *PS* pran sa *issue*.

*You know* i annan en kantite konsep ki zis lo papye e mon krwar nou bezwen met plis zefor parey ou pe dir pou

fer li vin vivan, pour dimoun konpran *what it is about*.

Ki sa lenpak ki lo zot, i pa zis en keksoz ki lo papye ki nou koz *SDGs*. Me ki *SDGs* i *mean*, ki i *mean* pour sa dimoun dan ou distrik?

E ankor mon *go back* lo lenportans ki nou annan sa mekaniz kominikasyon, *education, awareness*. Ki nou pran sa bann keksoz lo papye nou anmenn li kot piblik.

So mon absoliman dakor ek ou e sanmenm sa monn met en kantite lanfaz lo kote kominikasyon, *awareness as part of the new agenda*. Mon pas avek *PS*.

### **MR SPEAKER**

Wi *PS*.

### **PS ELIZABETH AGATHINE**

Mersi. *Again* lo ou kestyon dan sa Bidze ki mannyer *SDG* i *feature* dan sa Bidze. E petet mon pou retourn lo en keksoz ki mon ti'n dir letan Onorab Bistoquet ti pe koz lo la.

I ki nou – dan nou bann kominikasyon ki nou fer dan nou bann *awareness sessions* nou kontinyelman fer bann Minister, Departman konpran pou dir sel fason ki sa bann lobzektif devlopman dirab pou kapab ganny enplimante, i si zot ganny enkli dan bann *Policy* ki Gouvernman i fer. Dan bann program ki bann Minister i fer.

Akoz sa sel fason pour zot kapab ganny Bidze, ganny larzan pou fer sir ki sa bann keksoz i ganny enplimante.

E pour mwan sa fason ki reflekte dan Bidze i dan bann lenstans kot in ganny *mainstream* dan bann *Policies*, dan bann program.

E sa ki ou pou vwar li i vin aparant dan Bidze. Wi letan ou pou regard bann Minister, bann Departman, bann Lazans i pou annan serten landrwa kot sa pou pli aparant, akoz sa i bann landrwa ki petet i konpran li pli byen. I met plis lanfaz lo la.

E petet mon pou pran Lanplwa konman en legzanp akoz zot, zot vremen aktiv lo kote *SDG 8*. Zot fer sir i enkli dan zot bann *Policies and all*.

Petet Lanvironnman, Sanzman Klima sa bann Departman koumsa, *Blue Economy*, I bann *SDGs*, zot bann *SDG* respektif i bann ki wi in ganny *mainstream* en pe pli byen dan bann program, dan bann *Policy*. E sa i pou vin aparant dan zot Bidze.

E par kont i annan leres ki ankor en pti pe *unknown*. Si nou pou pran petet enn ki relevan avek Lasanble, eski petet zot dan zot Bidze oubyen dan zot bann *Policy*, dan zot bann aksyon zot *mainstream* sa a ladan.

E pour mwan sa i se fason pou nou kapab fer li

konmsi vin vivan e ki ganny enplimante. Akoz si nou kit li an deor konman en keksoz separe, i pa pou ganny Bidze, i pa pou ganny finansman.

E se pour sa rezon osi letan nou ti fer Plan Devlopman Nasyonal, nou ti fer sir ki sa bann lobzektif devlopman dirab ti reflekte ladan.

E letan nou'n prezant nou *VNR*, lannen pase, avan nou ti fer sa prezantasyon *VNR* nou ti fer en *baseline assessment* pou nou vwar kote pei i ete dan lenplimantasyon sa bann lobzektif.

Ki bann defi ki nou annan. E nou ti vwar poudir lo serten sa bann lobzektif nou ti'n ariv en zistans kot petet nou ti'n fini *attend* zot. Oubyen nou ti pros pou *attend* sa bann *target* ki'n ganny *set*. Me petet i annan leres kot nou ti ankor en pe lwen.

E enn bann *challenge* ki ti vremen aparant i ki *data, availability data*. Oubyen fason ki nou anmans lenformasyon, pa ti pe fer li posib pou nou kapab mezire kote nou ete vizavi sa bann endikater ek sa bann *target*.

Alors petet sa i enn bann domenn kot nou bezwen travay en pe plis lo la avek bann lezot partner.

Pour fer sir ki letan nou anmans lenformasyon, letan nou anmas *data* i kapab ed

nou. Pou nou letan nou pe evalue e mezire lo sa bann komitman parey sa bann lobzektif devlopman dirab kote nou ete.

Petet apre osi i a vin sa laspe kominikasyon, petet nou bezwen vwar ki mannyer nou annan en stratezi kominikasyon, ki akonpany sa lenplimantasyon, sa bann lobzektif devlopman dirab.

Pou ki dimoun i ava vin pli ofet avek li. Zot a pli byen konpran e vwar ki mannyer i benefisyte zot.

Akoz a lafen dizour *the main* lobzektif sa bann *goals* se ki nou pa kot person deryer. *We leave no one behind*. Ki tou dimoun *at some point* 2030 lemonn ti anvi ki nou napa lapovrete.

Nou'n elimin lapovrete, e ki tou dimoun i annan en fason viv oubyen ki en pti pe pli meyer ki i ete ozordi.

So si nou adopte sa lobzektif pa kit person deryer dan tou nou bann program ki nou fer, dan tou nou *Policy* ki nou adopte, *then* pour mwan nou pou pe kontribye anver enplimant sa bann lobzektif devlopman dirab.

### **MR SPEAKER**

Mersi PS. I annan ankor en pwen pou adrese? Wi PS Mangroo.

### **PS CILLIA MANGROO**

Mersi Mr Chair. Lo konsern bann proze ki'n deza ganny enplimante anba *11<sup>th</sup> EDF, European Development Fund*. Parey ou'n dir i annan lo sa *issue intellectual property*, ki propriyeter entelektyel.

Mon pou agree ek ou ki sa i en sekter ki nou bezwen pous plis ladan. E se pou sa ki nou donn li en ta – pa lenfliyans, nou'n met en ta lanfaz lo li.

Akoz dan mon pwennvi pour mwan, *this is where* direksyon ki pei pe ale. Nou *tend* pou nou get plis aste revann komodite, selman nou annan en ta nou bann zenn dimoun deor ki zot annan en ta bann bon nide.

Ki annandler ou vwar zot, zot fer en keksoz apre en lot lakonpanyen i pran zot fer larzan lo la. Nou annan en ta nou bann zenn ki pe aprann mannyer pou fer bann *computerize*, en ta keksoz ki zot fer. E nou pa pe donn ase sa lanfaz.

Se pour sa ki depi ler *intellectual property* in tonm anba nou seksyon pour *Policy* nou pe sey fer en ta *sensitisation* avek piblik.

E ler i annan *IP Day* nou fer sir tou dimoun i ganny enkli, nou fer bann promosyon. Lannen pase nou ti konmans fer *essay competition* avek en *video*

*competition* ek manrmay lekol, akoz nou vwar son lenportans.

So anba sa *11th EDF* nou'n ganny en konsiltan ki nou'n ganny en pe retar akoz *COVID*, selman nou'n ganny en bon konsiltan. Ki nou pe revwar nou Lalwa ki egziste la.

Akoz ler nou koz avek the *IP office* ki tonm anba *Registrar General*, nou'n realize ki son lenplimantasyon nou *current* Lalwa i donn difikilte nou *private sector* e menm sa lofis pou li kapab zer son louvraz.

So avek zot kordinasyon nou'n kapab fer bann sanzman, propoz bann sanzman ki pou ganny *submitted to Cabinet of Ministers* pour zot *approval*. Pou nou kapab fer li pli fasil pou dimoun kapab enplimant sa Lalwa.

Osi sa ki nou'n realize nou annan en *National IP Committee* ki ganny *Chair by* mwan menm, e nou annan *private sector* lo la osi. Nou annan diferan lorganizasyon apre nou annan *private sector*.

So nou'n realize ki'n ganny met devan nou *by* en *private sector*, ki lo sa Komite ki en ta dimoun pe vin kot zot pour anrezistre bann patant, *patents* parey nou dir. E nou napa ase *skills* Sesel pou nou fer sa.

Menm nou bann *Lawyers* ki *deal* avek *IP* zot

plis li *trademarks*. Lo *patents* zot napa sa kalifikasyon. E prezan zot bezwen anvoy sa bann dimoun deor pou zot al fer, e i ser pou zot fer sa.

E nou pa anvi ki toultan nou annan en dimoun ki en zenn oubyen menm en dimoun ki pa bezwen en zenn selman i napa sa larzan pou li al pran en *Lawyer* Sid Afrik oubyen *Maurice*.

So anba sa *11th EDF* nou pe demann sa konsiltan pou donn *training* nou bann *Lawyers*, nou *private sector* pour zot kapab fer sa *patent registration on behalf of our private sector*.

So ou ava kapab pey an Roupi en *Lawyer* isi dan plas al pey an *forex*, e ki pou kapab 10 fwa son pri ki ou pou pey isi.

Nou annan bann *workshop* ek *training* osi pou bann *private sector*. E nou osi an kordinasyon avek *ESA* ansanm ek *the IP Office*, pour nou gete ki *training* ki nou kapab donn bann dimoun ki vin kot *ESA*.

Akoz annandler nou *tend* pou montre dimoun ki mannyer pou balans en liv *accounts*, nou pa montre zot ki mannyer pou protez propriyete entelektyel.

So zot kapab ale zot annan en non ki *unique* ki en lot Lakonpanyen i vini i pran.

Oubyen zot fer en nouvo kalite fason avek en patat, ki zot kapab fer kekfw a en biskwi selman en lot dimoun i pran sa.

So i tou sa bann keksoz ki nou bezwen *sensitise* dimoun deor pou fer zot konnen ki ou propriyeter entelektyel i fer ou ganny en ta larzan. I pa neserman ki toultan ou pou bezwen zis servi en keksoz ki en lot dimoun pe fer.

Nou osi annan bann aktivite ki'n konmanse, parey mon'n dir avek *COVID* en ta bann konsiltan pa'n kapab vini oubyen zot pa'n kapab pran bann dimoun isi pou fer.

Selman nou'n konmans en legzersis pou nou get bann *export potential of* nou bann prodwir lagrikiltir avek bann *by-products* ki annan pou fer ek *fisheries*. Akoz annan de ler nou zis pran en pwason nou eksporte, kan nou ti kapab fer *fish fingers*, nou ti kapab fer boulet.

So en ta sa bann keksoz ki nou bezwen prezan gete ki bann potansyel ki annan dan marse. Kwa ki nou kapab servi, nou konnen en ta dimoun pe al dan prodiksyon dimyel.

Ki manner sa dimyel i kapab ganny servi pour en lot Lakonpanyen ki kapab fer valer-azoute. Nou konnen ki annan de ler tomat i gate akoz

nou pa pe servi oubyen tro bokou lo marse. Nou kapab pran sa fer *tomato sauce*, oubyen en ta keksoz ki nou kapab fer, *jam* apre pran vann li.

So nou pe get tou lede keksoz, son *export potential* apre ki son *value chain*, kote, ki lakonpanyen ki kapab servi tousala. So tousala nou pe met li anba *11<sup>th</sup> EDF*.

Apre osi enn bann *major beneficiaries* anba sa *11<sup>th</sup> EDF* i SRC ki enkli custom osi. Nou konnen ki *ASYCUDA* toultan nou ganny konplent lo la, akoz annan de ler pa tou *module* ki kapab ganny servi, akoz nou bezwen peye *as and when* nou bezwen *module*. So nou pe ganny larzan pour sa.

Apre osi nou pe ganny larzan pou nou revwar *the tax management system* ki *Cabinet* ti aprouve *last week*.

So sa i a fer sa *text management system* ki SRC pe servi *right now* en pe pli *user friendly*. E tou keksoz ava ganny mannye ansanm.

En dimoun si in anrezistre ek SRC oubyen kot *Registrar*, SRC i kapab ganny sa lenformasyon. Akoz annan de ler parey nou ti vwar ek problem *FA4JR* en dimoun i kapab annan 3 lakonpanyen solman kot SRC zis enn ki'n anrezistre.

Selman i en *shareholder* lo 3 lakonpanyen kot

*Registrar.* So tou sa bann lenformasyon i enportan ki SRC i gannyen pou li fer sir ki tou dimoun pe *meet* zot obligasyon *tax*. E osi pou li donn en pli bon servis ek son kliyan. So sa en pe bann proze ki nou annan anba *11th EDF*. Mersi.

### **MR SPEAKER**

Mersi PS. Ou bezwen -

### **HON GERVAIS HENRIE**

Mon le zis fer en pti komantr Mr Chair. Nou'n vwar bann larepons ki nou pe gannyen konmsi i *loaded* avek en kantite lenformasyon.

So mon le zis fer en pledwari avek Lasanble pou nou pran en lentere dan sa bann size. Akoz vreman i pou fer en diferans pou nou bann *constituent*.

Ou vwar par egzanzp letan ou pe get *Voluntary National Review* i 132 paz. Sa *National Development Strategy* 177 paz. Mon bann dimoun depi Creve Coeur ziska Mont Signal pa pou al lir.

So i tonm lo nou responsabilite pou nou konpran e *follow* travay nou bann Minister pou asire ki i annan sanzman dan Sesel avan 2025. Mersi bokou.

### **MR SPEAKER**

Mersi mon asire ou bann koleg in note. Onorab Cosgrow.

### **HON WALLACE COSGROW**

Mersi Chair. Bonswar tou dimoun. 3 pti kestyon byen fasil. Premye pour *PS Trade* mon sipoze ou zofisye ki *Genève* ti pe *share* lofis avek *Foreign Affairs Genève*. Eski fer en pti lofis *Foreign Affairs Genève* i afekte zot loperasyon, sirtou an relasyon avek *WTO*? E ki mannyer sa i afekte bann *Policy Trade locally* vizavi bann sekter Trade isi Sesel?

2enm kestyon pour *PS Agathine*.

Sa dokiman *National Development Plan* i en dokiman ki ti annan en kantite konsiltasyon *across sectors* e in pran en kantite letan pou formile.

Nou'n ganny dir nou pou annan en revi *or* ki pe annan en revi, kwa ki zot anvizaze revize dan dokiman e kwa ki bann nouvo keksoz zot deside mete an vi nouvo relansman ekonomik nouvo Gouvernman?

3enm kestyon pou nenport petet Minis an term *Sustainable Development Goals* parey in ganny dir i sitan enportan, e Onorab ki'n koze avan mwan in dir pou dir ou Departman i enn ki osi enportan, PS, eski ler zot ti pe formil Bidze zot in pran kont *SDG 1, 2, 8* avek *10* ki koz lo '*poverties, zero hunger, decent*

*work”*        *avek*        *“reduce inequality.”*

Akoz ler mon pe get sa bann Polisi Bidze kot zot in koup *FA4GR*, zot in *redwir welfare*, zot in koup *SETS*, zot in koup *Dedicated Fund*, eski tousala i pa pou ede afekte kan mannyer nou avans nou pei anver bann *SDGs*? Mersi.

### **MR SPEAKER**

Mersi. Wi Minis, *panel* annou reponn sa bann kestyon en pe pli bref silvouple? Minis a konmanse.

### **MINISTER NAADIR HASSAN**

Mersi Mr Chair. Mersi Onorab pou ou kestyon. Mon a pran ou dernyen kestyon apre *PS* a pran ou kestyon. Non mon pa agree avek ou lenterpretasyon Bidze ki Bidze in afekte *‘poverty, hunger.’* Dapre dernyen statistik kot Minister Lasante mon pa ankor tande poudir i annan dimoun ki pe *suffer from hunger* Sesel. Mersi.

**(APPLAUSE)**

### **MR SPEAKER**

Minis ou’n fini? Likel *PS* ki pou kontinyen? *PS* Mangroo wi?

### **PS CILLIA MANGROO**

Mersi Chair. An relasyon avek kestyon *with regards to the Geneva office being closed* zis

pou fer Lasanble konnen ki ler nou ti annan en reprezantan ki mwan ki ti premye pou ouver – pou *be the representative pou Trade an Geneva* nou ti napa *Foreign Affairs* ek nou.

So e la i pou *go back* parey nou ti ete. Nou ti annan – nou tonm anba Lanbasad *Brussels* e kanmenm *si Geneva* ti annan en reprezantan pou *Foreign Affairs* mon *staff* ti *still* tonm anba Lanbasad *Brussels*.

So nou pa’n bezwen sanz okenn keksoz. E i *still* laba aköz sa lannen nou annan *ministerial* pou *WTO* e i enportan ki nou annan en dimoun laba, sansan nou pou bezwen monte desann pou al *meeting*.

E nou’n kit li laba, sanmenm sa nou’n fer lofis redwir. Selman zis pou fer sorti ki nou ti deza parey koumsa, apre *ki Foreign Affairs* ti vini. Mersi.

### **MR SPEAKER**

Mersi. Nou a pas lo *PS* Plan Ekonomik.

### **PS ELIZABETH AGATHINE**

Mersi Mr Chair. Mersi Onorab pou ou kestyon. Lo kote Plan Devlopman Nasyonal sa revi ki nou pe fer, i vin a en moman kot nou’n ariv *mid-term of* lenplimantasyon sa plan, so nou bezwen vwar si bann

lobzektif, bann stratezi ki ladan ki mannyer nou pe ale, si i annan keksoz nou bezwen sanze.

Me apre osi *COVID-19* in arive e in fer ki nou bezwen revwar petet bann priyorite. Nou napa sa kantite resours ki nou ti annan avan. E sa rev i pou enn kot nou pou pe revwar sa bann lobzektif, sa bann stratezi, vwar kwa petet ki nou bezwen priyoritize dan short term la ziska 2023.

Akoz i ti pou ale ziska 2023 ki pou ede pou anmenm sa *recovery economic*, sa relansman aktivite *economic*.

E an plis ou annan en novo administrasyon e zot osi zot bezwen donn zot *input* dan sa plan, si annan keksoz ki zot anvi sanze, oubyen non.

E pou le moman sa legzersis i a en staz kot tou bann Minister e Departman zot pe revwar sa plan anvi *COVID*, anvi sityasyon ki'n sanze dan pei, zot pe revwar sa plan pou zot apre les nou konnen ki bann *areas* ladan: ki bann lobzektif ki petet zot krwar nou bezwen sanze.

Nou bezwen pa neserman sanze. Kekfwa i annan zot santi zot in nepli en priyorite pou zot aköz la zot bezwen refer sa legzersis priyoritizasyon. Oubyen petet i annan keksoz ki zot in vwar poudir vi ki sityasyon in sanze, ekonomikman zot pa pou arive

*attend* li 2023. E i en keksoz ki nou kapab espere pou fer apre.

So dan sa staz rev i sa kot nou ete pou le moman. Tou dimoun pe regard sa dokiman e pou zot les Departman konnen kwa ki petet zot, zot santi nou bezwen revizite.

E nou osi lo nou kote nou pe regard li an antye e menm pou revwar bann endikater ladan ki ti ganny enkli pou mezir lenplimantasyon e lefikasite sa bann lobzektif. Mersi.

### **MR SPEAKER**

Mersi *PS*. Onorab Loze?

### **HON JOHAN LOZE**

Mersi Mr Speaker, Bonswar dimoun. *PS* an pasan, mon'n tann ou mansyonn lasos tomat, an relasyon avek *sûr* prodiksyon tomat lokalman.

Petet nou'n devret revwar enpe nou bann regilasyon osi, aköz si mon pa tronpe i annan serten legzisans, lo en prodikter lokal ki prodwir lasos tomat. I bezwen annan *X amount of* tomat, dan son lasos tomat.

Parkont, mon pa pe dir sanz regilasyon lo en prodikter lokal mwan. Lasos tomat ki nou pe enporte Sesel i annan, zanmen in deza tann nonm en tomat. Ni menm konnen ki si sa en tomat, li sa lasos. Aköz si ou lir lo la, i annan



*everything but* tomat dan sa lasos.

Ou zwenn *flavourings*, *colorance*, prezervatif, lafarin, tomat non! So petet nou devret annan *parity*. Si nou pou dir Onorab William lo son laferm, i kapab pran son tomat prodwir lasos tomat a 25poursan. *Then* sa ki nou pe enporte osi petet, i devret *on par* li osi. I annan 25poursan tomat ladan. Sa i en sizesyon ki petet nou devret get dan sa direksyon.

PS, le 22 Oktob 2019, Sesel ti konplet negosyasyon pou *Fisheries Partnership Agreement* avek Linyon *Européen*. Mon krwar ou ti form parti negosyasyon, si mon pa tronpe. E le 24 Fevriye 2020, nou ti annan sinyatir Lagreman, ki pou dire ziska lannen 2026.

Mon kestasyon se, la an se moman kot nou'n arive la, 1 an depi sinyatir, eski i posibil pou Sesel inilateralman, re ouver negosyasyon avek Linyon Eropeen lo sa *partnership agreement*. Sa *Sustainable Fisheries Partnership Agreement*? Si wi, ki mannyer sa i kapab ganny fer? E si non, aköz?

Sa i mon kestasyon. Apre Minis tou bann dimoun ki lafen ozordi swar Sesel. Aköz zot bann *Policy* i dir ou mersi, pou pa konnen zot lafen. Mersi.

### **MR SPEAKER**

Mersi Onorab. Mon pa konnen si Minis i oule adres sa dernyen pwen. Me PS Mangroo i annan en kestasyon spesifik pou ou la.

### **PS CILLIA MANGROO**

Mersi Mr Chair. Ler i ariv kot standar lasos tomat, i pa premye fwa ki nou tann sa. Selman sa i tonm kot Biro Standar Sesel. Sa i enn bann standar ki zot mete, an partener avek mon sipoze *Public Health*.

Selman mon agree ek ou, si nou annan standar. Parey toultan nou dir, si nou annan standar pou keksoz ki lenportasyon.

I sipoze parey pou nasyonalman. I en louvraz ki nou pe fer, e osi i annan de ka ki SBS napa sa bann lekipman. Mon pa pe dir pou lasos tomat, pou en ta lezot keksoz.

E i enn bann landrwa ki nou pe donn zot, aktyelman larzan *by SADC TRF Trade Related Facility*. Pou zot ganny bann lekipman pou zot kapab fer sa bann distenksyon. Si keksoz ki pe antre, i annan i *meet* sa standar. E osi keksoz ki nou eksporte, i *meet* sa standar.

Sa i en diskisyon, ki nou kapab gannyen avek SBS osi, vi ki ou'n relev sa. Pou nou

gete ki mannyer nou kapab ed nou bann sekter prive. Akoz nou pa kapab met lasos tomat selman ladan i annan zis *flavouring*.

Lo ou kestyon *with regards to the Fisheries Partnership Agreement*, nou pa pou kapab donn en larepons lo la, akoz mon ti en manm sa negosyasyon, dan mon kapasite pou *Trade*.

Mon pa ti *the main* person ki ti al koz lo Linyon Eropeen. *So we did it through Fisheries*, e nou bann pwen ti ganny met devan.

So sa kekfwa *Foreign Affairs, or the Ministry responsible for Fisheries*, ki pou kapab reponn sa kestyon. Nou pa pou kapab koz *on their behalf*. Akoz nou enteraksyon avek *EU*, dan sa prosedir *was not direct*.

Pa nou ki ti komans sa negosyasyon, e nou pa pou kapab dir si nou kapab re negosye, apre lan. Mersi.

### **MR SPEAKER**

Akseptab *PS*, mersi. Nou ava kontinyen, mon'n termin lo mon lalis. Mon ava pas lo Onorab Pillay.

### **HON SEBASTIEN PILLAY**

Mersi Mr Chairman. Bonswar tou dimoun ki a lekout. Premyerman Mr Chairman, kestyon ki mon annan se pour Departman *Economic*

*Planning*. Minis in dir dan son lentrodiksyon, ki se zot ki regard bann diferan Lagreman Miltilateral, Bilateral.

Sa ki mon ti a kontan konfirmen avek ou ozordi, se relasyon avek bann *Grants* ki dan Bidze. Konbyen sa bann *Grants* ki nou'n fini resevwar, e ki'n fini ganny mete dan Labank Santral, *or* son *format* ki sipoze fini antre dan Bidze?

Nou'n war plizyer, Lopital La Digue i enn e i annan lezot. So si eski i posibil pou zot kapab dir nou, konbyen sa bann *Grants* ki zot in resevwar?

Mon 2enm kestyon i pou *PS Trade*, eskiz mwan si sa kestyon in monte. Si in monte ou ava dir mwan ou'n fini reponn, e mon ava aksepte. Me mon konpran pou dir anba sa 11<sup>th</sup> *EDF*, i son dernyen sa? Oubyen i pou kontinyen apre dan en lot *format*? Mon ava les ou fini reponn sa kestyon.

An relasyon mon krwar avek Lagreman Cotonou. So dir nou en pti pe, ou'n koz lo sa size marse *and whatnot*. E mon'n ekout ou larepons, me *still* konsern ki reste, se ki mannyer bann – 2 semenn pase ouswa 1mwan pase, nou'n vwar sa.

Kot bann peser pe konplent *market, market* eksetera. Aktivman *from* zot perspektiv *Trade*, eski in

annan okenn enteraksyon avek Minister Lapes.

Eski zot annan sa kapasite? Mon pa dout zot abilite, zot in pas dan plizyer Bidze dan Lasanble, mon'n vwar zot. E mon konn tre byen zot abilite.

Me eski zot annan la kantite dimoun pou travay lo sa dosye, pou kapab devlop sa dosye e donn sa rezilta ki la mazorite sa bann dimoun pe rode? E mon dernyen kestyon i pou Minis.

Minis in fer referans avek bann *statistic* ki i pa ankor gannyen. Ankor enn fwa Minis pandan *mid-year review*, eski zot annan lentansyon sa fwa si, ler zot fer *mid-year review*, lefe ki sa pou en *mid-year review* diferan, avek lezot lannen.

E ki nou'n annan lenpak *COVID 19*, eski zot annan en lentansyon regard bann endikater sosyoekonomik osi. Pou vwar si in annan okenn kous popilasyon ki'n ganny kit deryer, pou nou zisteman travay lo bann *Policy* ou stratezi pou anpes sa repete. Mersi Mr Chairman.

### **MR SPEAKER**

Mersi Onorab, *panel* dan ki lord? Lev lanmen lekel ki oule al premye. Minis, *yes please*.

### **MINISTER NAADIR HASSAN**

Mersi Mr Chair. Mersi Onorab pou ou kestyon. Mon ava pran ou dernyen kestyon, ki ou'n adres kot mwan. Ler ou fer *mid-year review* ou get tou endikater, e sa i pou *normal process*. So larepons – *the short answer is yes*. Nou get tou endikater. Mersi.

### **MR SPEAKER**

*Next, wi PS.*

### **PS CILLIA MANGROO**

Mersi Mr Chair, 11<sup>th</sup> *EDF* nou ti ganny dir ki i pou *the last one*. Selman ou zanmen konnen, i kapab i vin anba en lot *fund*, dan en lot fason. Parey nou konnen nou pe ganny anba *SADC*, i kapab zot donn en *extension*, oubyen zot donn anba en lot *consultant group*.

*With regards to* parey ou ti pe dir fermye pa pe ganny sa *export market*. Sa bann loubraz parey mon'n dir, i pa pe ganny fer par nou Departman. Kantmenm si sa pwen i ganny zere par nou, nou the *project manager*. I annan ki pou tonm direkteman anba nou.

Selman en ta sa bann *technical assistance*, ki nou pe gannyen anba 11<sup>th</sup> *EDF*, nou pe donn avek bann lezot lorganizasyon. Akoz

kantmenm si nou fer *Policy*, nou vwar lenportans pou nou

fer tou Lenstitisyon, *involved* ladan. Lapes i enn bann *beneficiaries* anba sa 11<sup>th</sup> EDF.

E menm si zot pou kapab napa ase sa *expertise*, or ase dimoun, zot kapab annan *expertise*, selman zot napa ase dimoun pou zot fer sa bann resers.

I annan en group, ki pe ganny peye *by EU* anba sa fon. E zot, zot la *for the long term*. *For the duration of the project*. E zot ganny kriye parey *the Key expert*, zot ki pe zer sa bann proze.

E anba sak sa bann proze, zot prezan rod dimoun ki bann *expert*, bann konsiltan. Se pou sa ki mon'n dir ki i enportan pou nou, ler nou fer bann *procurement*, ki nou bann dimoun *expert* Sesel, ki nou konnen nou annan en ta *expert* dan *Fisheries*.

Bann konsiltan zot met zot lekor devan, e pou zot tonm anba sa proze, zot kapab ganny peye pou fer sa bann legzersis.

E sa pe ganny fer par bann *external consultant*, ki pa neserman dan Gouvernman. So i *from* zot louvraz prezan Gouvernman pou pran sa, met li dan en *Policy*, oubyen fer bann lezot program, ki pou kapab benefis *private sector*.

Laplipar sa bann proze ki nou pe fer, i pou benefis

*private sector in the end*. *Trade agreements* ki nou fer, nou pou fer li dan benefis *private sector*. Tou sa bann proze ki nou fer, nou pe fer li pou vi ki nou kapab *diversify* nou lekonomi.

Nou pa zis get pwason or nou pa zis get *tourism*. E menm *tourism* i annan en ta valer-azoute ki nou kapab fer, en ta keksoz ki nou kapab bann ek touris. Nou pa zis aste en keksoz *Thailand*, nou ekrir Sesel lo la nou vann. En ta keksoz nou kapab fer isi.

So i enportan ki nou ganny en ta partisipasyon *private sector*. Ler nou *do* fer bann *workshop*, oubyen sa bann proze, *we want full participation from them*, pour ki tou dimoun i benefisyé anba sa legzersis. Mersi.

### **MR SPEAKER**

Mersi PS. Nou annan lot pwen la? Lekel ki pou adrese, Minis wi.

### **MINISTER NAADIR HASSAN**

Mersi Mr Chair, lo sa *issue Grants*, zis pou klarifye, i pa toultan ki ler *Grants* i vini i al direkteman dan kont Gouvernman *through* Labank Santral. Me i annan *Grants* ki ou annan komitman, *and as when the project* i marteryalize, bann peyman i ganny fer. Mersi.

**MR SPEAKER**

Ou bezwen klarifikasyon Onorab?

**HON SEBASTIEN PILLAY**

Wi, mersi Mr Chair. Mr Chairman lo ou 2 pwen. Premye pwen ki mon ti a kontan ganny en klarifikasyon, me osi lenformasyon. Mon ti a kontan Clerk osi i note.

Si i posib pou nou ganny tou bann Departman, ki pe resevwar bann proze anba 11<sup>th</sup> EDF. Pou nou kapab map li en pti pe, e i pou enportan pou travay bann lezot MNAs, sirtou bann ki mon pa konnen. Ki annan kominote Peser, Lapes eksetera ki zot oule *get involved* avek, premyerman sa.

Dezyenman Minis wi, mon *well aware* ki *Grants* i ganny donnen dan diferan fason. E i kapab annan parey legzanp *Grants*, anba *in the line of credit*. Ki *procurement* i ganny fer dan *L'Inde*. An sa ki konsern Lafors Defans mon okouran sa.

Sa ki mon pe demann ou, strikteman parye legzanp nou'n vwar serten *Grants* ganny mete dan Bidze. Kan eski ou pou dan en pozisyon pou dir nou lekel sa bann *Grants* ki sipoze an relasyon avek natir bann proze pe vin isi? Kan eski ou pou dan en pozisyon pou dir nou lekel ant

sa bann *Grants* ki pe marteryalize?

Pour ki nou a konnen si nou pa pou bezwen pe donn *Budget Support*, lo nou kote vizavi sa bann *Grants*? Mon krwar ou konpran ki mon pe *get at* avek ou.

E mon dernyen pwen Mr Chairman i ki, mwan mon pou siport sa de Bidze. Akoz mon'n travay avek tou le de PS. E mon konn zot konpetans. E mon siport devlopman, e lepanouisman nou bann zenn Seselwa.

E Minis nou ankor *still* opoze lo sa size *capital projects*. Lo depans ki pei i bezwen fer, mon *go back to* 2008. Lapros ki nou ti pran, e mon krwar ki ou pou konnen Minis. Nou ti menm *issue* en let kot nou ti menm, fer konnen nou bann donater ki nou pa kapab komit nou kontribisyon pei *towards* bann serten proze.

Me sa fwa si nou pe fer li diferan e mon pou *maintain* ki nou bezwen, pran en lapros *cautious* lo la. Sa i san larogans Minis, parey sa msye ti dir "*without the arrogance of power*." Mon pe dir ou sa dan en konteks ase restren, akoz nou'n pas ladan an 2008.

E mon ti ava apresye Mr Chairman si Minis i kapab donn nou en *timeframe* oubyen en *timeline*. Oubyen si i pa posib pou li petet dir nou,

si dan *mid-year review* nou pou vwar serten lenformasyon vizavi bann *Grants*, ki sipoze vin dan Bidze. Mersi Mr Chairman.

**MR SPEAKER**

Wi, mon krwar Minis i ava pran sa bann kestyon. I annan ou ganny lenformasyon apre. Korek. Minis.

**MINISTER NAADIR HASSAN**

Mersi Mr Chair, mersi Onorab. *Again* lo sa *issue Grant*, parey mon'n dir dan Bidze nou'n *provide per* bann *commitment* ki ti'n ganny fer. E absoliman *that is the reason* ou annan en *mid-year review*, pou regarde ki manner keksoz in devlope. E *then* aziste, *as* parey sityasyon in devlope.

So mon mazine dan *mid-year review* nou ava fer sa revi, parey i apele li menm.

Lo ou 2enm *issue of capital project*, mon krwar mon konpran ou pwennvi. Kekfwa mon annan en diferan lopinyon lo sa size. So selman mon konpran ki ou'n dir mwan. Mersi.

**MR SPEAKER**

Tre byen. Onorab nou bezwen fini.

**HON SEBASTIEN PILLAY**

Non, Mr Chairman. Non, non, non. Non Mr Chairman nou

pa pe al rod okenn polemik, zis mon pe demann Madanm Clerk pou fer en *follow-up*. I annan en lenformasyon ki nou'n demande, ki nou'n demande ki ankor *outstanding*.

Ki ti ava meyer ki Lasanble i *follow-up*. Si i bezwen ki demen mon re met bann lenformasyon devan ou, nou ava re mete. Mersi Mr Chairman.

**MR SPEAKER**

Tre byen mersi. *Ok* Madanm Clerk i a note. Onorab Georges.

**HON BERNARD GEORGES**

Mersi Mr Chair. Mr Chair permet mwan pou al dan en diferan direksyon. E pou pran koman rezon pou mwan fer sa. Lefet ki plizyer kestyon in ganny demande ozordi, parey legzanp lo bann Lapor Lapes eksetera.

Ki pa ti ganny demande avek Minis Lapes ler i ti dan sa Lasanble. E mwan osi alors si mon kapab antre dan sa laport, e kekfwa tou sa keksoz ki -.

**HON JOHAN LOZE**

*(Off-Mic)*

**HON BERNARD GEORGES**

Ou vwar 7.37 aswar Onorab Loze pe koz lo later vole. Be

Onorab ou konnen kwa, pa bezwen fer bann komantr deor *mic!* Adres ou komantr ek mwan, e mon ava reponn ou!

**(APPLAUSE)**

**HON BERNARD GEORGES**

E si ou kontan, eskiz mwan Mr Speaker. Si ou kontan fer li deor, mon ava anmenn ou Ankour, prezan i ava pli fasil!

**(APPLAUSE)**

**MR SPEAKER**

Ok, Onorab Georges annou kontinyen.

**HON BERNARD GEORGES**

Eskiz mwan Mr Chair. I annan plizyer keksoz ki'n sorti apre midi la, ki donn mwan en laliny pou mwan met en defi devan Minis Finans. Akoz se li ki zer finans pei. Kantmenm ki sa keksoz i al en pti an deor son Minister dan en fason zeneral.

E sa i annan pou fer avek nou kapasite pou *trade*. E sirtou parey PS Mangroo in dir o konmansman. Lefet ki akoz nou ptipti, e akoz nou annan de fwa bezwen depan lo bann *shipping lines*, ki pa donn nou meyer *rates*.

Si nou pa kapab regard plizyer keksoz ki dan nou faver, pou trouv en solisyon. E

sa bann keksoz se bann keksoz swivan:

Nou en Manm COMESA SADC Komisyon Losean Endyen, e la nou fek siny annefe, PS Mangroo ek mwan nou ti pe al Kigali apepre an menm tan, nou'n siny *African Continental Free Trade Agreement*. Nou pozisyonn nou dan milye Losean Endyen, antoure par *Kenya, Madagascar, Maurice, L'Inde, Dubai* dan Nor eksetera. Kantite pei Sid Afrik ki nou *trade* avek.

Nou en pei maritim. Nou annan en popilasyon ki konn navige, ki kontan navige. Nou pou toultan ptipti, nou pou toultan depan lo lenportasyon. Lafrik i en kontinan ki ankor enn fwa, PS Mangroo i dir nou. *Is the continent of the future*. Annou pa vwar li koman *the continent of the past*.

Annou vwar li koman en *continent of the future*, e sa mon toutafe dakor avek li. Nou investi dan *tankers*, e nou'n fer li dan en fason prodiktif. Nou'n deside pou pa investir dan bato Ton, pou bann rezon ki nou konnen.

Nou'n sey devlop en Lendistri Aeryen rezyonal atraver *Ile Vanille*. Me zanmen sa in *take-off*.

E PS in dir nou ki nou kapab vin en *maritime hub*. Alor akoz nou pa met tou sa bann keksoz ansanm, e

envesti swa direktteman. Mon konpran, la se pa le meyer moman. Oubyen atraver sekter prive, e oubyen *PPP*.

Investir dan bato ki pou anmenn nou *cargo* isi? Ki pou al rod nou manze, e pou anmenn li isi. E ki pou pran sa ki nou annan, e anmenn li dan sa bann pei.

Dan sa fason nou pa pou bezwen depan lo ni bann gro *shipping lines*, ni zot bann *rates*. E nou kapab parey nou'n fer avek bann *tankers*, annan en *additional* sours revini dan en moman, kot nou pe rod diversifikasyon nou lekonomi.

I en lide ki mon realize, i riske pa fezab. Me mon anviz anvoy sa defi la apre midi, pou gete si i annan en posibilite pou nou regard dan sa direksyon. Mersi Mr Chair.

### **MR SPEAKER**

Mersi. Wi Minis.

### **MINISTER NAADIR HASSAN**

Mersi Mr Chair. Mersi Onorab. Sa *issue shipping* i en *issue* ki nou'n komans reflekte lo la. E definitivman i enn bann pli gro *challenge* lo ler nou pe adres sa *issue of cost of living*. A *shipping cost* to Sesel i ser pou en kantite faktor, en kantite rezon.

So sa lide ki ou'n mansyonnen, i anefe en lide ki nou'n komans diskite avek

*STC*. E sirtou ki mannyer nou kapab etablir en *direct line* between parey legzanp *L'Inde* ek Sesel. Ki pou *shorten the time it takes*, pou arive e son *cost*.

Me selman i en lide ki ankor pe ganny eksplor dan son – i ankor dan son *infancy*. E i annan en kantite louvraz pou fer, pou regarde si i fezab.

Me selman en lot *issue in regards to shipping* Sesel. Se ki nou fasilite por osi i problematik. Akoz nou por pa'n ganny devlope. *It is basically the same port* ki'n la *for the last more than a few decades*. E bokou bann bato ase modern pa kapab antre, fer en kor lo por Sesel.

E sa i redwir opsyon *shipping* ki vin Sesel. *So until* nou adres sa *issue of modernization of our port facilities*, i pou toultan reste en *issue* problematik *shipping*. Mersi. Mon pa konnen si *PS* i oule azout.

### **MR SPEAKER**

*PS*? Non. Minis ou'n ganny dernyen parol. Mersi. Avek sa nou a kapab vot lo bann Bidze diferan antite.

Premye, *Department of Economic Planning* lo paz 154 ziska 156. Pou en Bidze 3milyon R134mil. Manm ki an faver lev lanmen silvouple? Mersi.



Vot lo Bidze pou *Department of Economic Planning* lo paz 154 ziska 156 pou en Bidze 3milyon R134mil in ganny 29 vot pour, 0 vot kont. E 0 abstansyon. Alor mon annan plezir anonse, Bidze sa Departman in aprouve.

Bidze pou *Department of Trade* lo paz 148 ziska 153. Pou en total 141milyon R825mil. Manm ki an faver lev lanmen silvouple? Mersi.

Bidze pou *Department of Trade*, pou en total 141milyon R825mil lo paz 148 ziska 153, in ganny 29 vot pour, 0 vot kont e 0 abstansyon. Alor Bidze in aprouve par Lasanble.

Prezan nou ava vot lo Bidze total pou *Ministry of Finance, Economic Planning and Trade*, ki enklisiv lo paz 135 ziska 156, pou en total 265milyon R117mil. Manm ki an faver lev lanmen silvouple? Mersi.

Bidze pou *Ministry of Finance, Economic Planning and Trade*, lo paz 135 ziska 156 pour total 265milyon R117mil in ganny 29 vot pour, 0 vot kont, e 0 abstansyon. Bidze in aprouve par Lasanble. Mersi.

Mon ava remersye bann Onorab, pou en lazournen travay. E mon remersye Minis Finans, e son delegasyon zofisye sorti dan bann diferan

Departman pou son partisipasyon. Nou ava pas dan staz Lasanble pou nou *adjourn*.

Nou a *adjourn* e nou ava re zwenn demen bomaten, 9er.

**(ADJOURNMENT)**